



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.197





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.197



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.197







2-6-157
JACOBI GRETSERI
SOCIETATIS
IESV THEOLOGI
COMMENTARIOLVS.

DE IMPERATORVM, REGVM
AC PRINCIPVM CHRISTIANORVM IN
SEDEM APOSTOLICAM MVNIFICENTIA.

Ex varⁱ Auct^oribus

IN GRATIAM SECTARIORVM,
PRAESERTIM VERO LEONARDI HVITERI,
PRAEDICANTIS VVITEBERGENSIS COLLECTVS,
& in lucem datus.





Cum gratia & priuilegio Caesar. Maieſt.
INGOLSTADII,
Ex Typographico ADAMI SARTORII.
ANNO DOMINI M. DC. X.



LECTORI.

ERM E iam annus abiit, quando
istum *Commentariolum* collegi.
Prodiisset citius, si praelo typogra-
phico ab aliis excudendis otium
fuiſſet. Et debebat certè citius in publicum ve-
nire, ne Lutheranus Hutterus existimaret, me
vel tam ingratum, ut strenæ abs se mihi donatæ
nihil reponere cogitarem; vel tam egenum, ut
quod redderem, in mea supellectile nō reperirem.
Sed absit à me beneficiorum acceptorum imme-
mor & obliuiosus animus; nec tanta egestate,
gratia Superis, premor, ut Prædicantica
munera irremunerata relin-
quere cogar. Vale.





ANTIDORVM
PRO STRENA HV-
TEROCLEMANGIANA.

ADSUNT Kalēdæ Ianuariæ Anni M DCX.
Aurem mihi vellicant, vt tibi, *Pradicans*
Huttere, vicem reponam ob strenam su-
periore Anno ad me, & R. P. Conradum
Vetter missam Strena tua erat liber Nico-
lai Clemangij, *de corrupto Ecclesia stauis*; si tamen liber dici
debet, non potius *Satyra* & *Inuectiua* in Pontificem, Car-
dinales, Episcopos, totamque Curiam Romanam.

Gratum fuisset hoc munus, si quæ obseruanda erant,
obseruasses, cumque dono candorem quoque & inge-
nuam mentem obtulisses: cuius ego nec volam, nec ve-
stigium deprehendere potui. Nam tu librum hunc mi-
hi, *Vettero*, & lectoribus tanquam nouum & antea ty-
pis nunquam descriptum obrudis, saltem in *Frontispi-
cio*, cum tamen, teste Gesnero in Epitome Bibliothecæ,
& Illyrico in Catalogo Testium, iam pridem publicatus
fuerit; Nam quid sibi volunt illa tua? *Tractatus ante du-
centos Annos scriptus, nūc verò in gratiam Societatis Esauui-
tica* è tenebris erutus; à situ vindicatus, & Iuris publici factus:
quid, inquam, hæc tua sibi aliud volunt; quàm librum
hunc iam primùm tuo studio in lucem extractū, & præ-

A 2

lo sub-

P R A E F A T I O .

lo subiectum fuisse? Quod secus est, vt antea dictum. An hoc sinceri pectoris argumentum?

Dices. *In praefatione te hoc testari.* At oblique & sinuose, nec pleno, sed vix semipieno ore. Cur idem nō aperte & disertè in titulo indicasti? Nimirum, mala mens, malus animus. *Caluere* & lectores circumuenire, tuæque merci hanc nouitatis hederam fallaciter appendere libuit; vt eam vendibiliorem efficeres.

II. Non placet, quòd immemor prisca illius axiomatis, non semel à tuo etiam Luthero usurpati, *propter abusum vsus seu substantia rei non debet tolli*: ob vitia seu vera seu ficta personatum, de quibus Clemangius; ipsum quoque statum, ordinem, Eutaxiam & Hierarchiam Ecclesiasticam, atque adeo ipsam auitam patritamque fidem, in qua Clemangius natus est, vixit & obiit; stirpitus excindere & eradicare conaris. Quæ res Luthero nulla ratione probatur, vt sapissimè ostendi ex ipsis Lutheri verbis cum alibi, tum in Apologiis contra Misenum, maximè in Panegyrico, & in Defensione Bellarminiana, potissimum Tom. 2. circa finem.

Nonne furor manifestus est, inquit Lutherus in cap. 13. Matth. Tom. 5. Lat. Witeb. *tribuere culpam verbo* (fidei) *quæ est auditorum?* scilicet, *homo non curat verbum auditum* (hoc est homo non viuit conuenienter legi diuinæ & religioni, quam profitetur) *ergo verbum non est verum verbum.* *Diabolus non amat Deum, ergo Deus non est verus Deus.* *Filius non honorat patrem; ergo pater non est verus pater.* *Latro non obedit principi, ergo princeps non est verus princeps.* *Hac amentia percuti debent homines ingrati & superbi, vt dicant & faciant, non nisi peruersa.* Et tamen, vt dixi, *communis est ista pestis, quòd indicant homines de verbo* (de fide & religione) *ex fructibus particularibus, & vitiosissimè sic colligunt:*
Vbi-

Ubique non sunt omnia verbi, ibi non est verum verbum: Apud hos aut illos non sunt omnia verbi, ergo non habent verbum. Maiorem negat praesens Euangelium, dicens, multa verba non fieri, ut inter spinas; petrosa; in via. Ergo est falsa. Sufficit ergo ad veritatem verbi, quarta pars agri boni.

Hæc non malè Lutherus, si intelligantur de verbo, quod Romæ à SS. Apostolis Petro & Paulo satum plantatumque, & continua propagatione ad nostram vsque ætatem traductum & conseruatum est; malè autem, si de illo, quod Witebergæ Lutherus excogitauit & sparsit, nam hoc, licet in optimam & opimam terram iniiciatur, nil nisi lappas, tribulos, lolium, & cætera huius generis zizania producit.

Dicam clarius. Catholici, qui prauam & Christianæ religioni aduersam vitam viuunt; id non faciunt ex professionis suæ impulsu & inclinatione; sed vitio suo. At Lutherana & Caluiniana secta suopte genio & ingenio suos sectatores, quorum corda occupauit, à dextris ad sinistra, & à rectis ad sequiora impellit; ita, ut qui nequiter viuit; non sua tantum, sed & eius, quam profitetur sectæ impulsu, nequiter ac flagitiosè viuat.

Cum Luthero obiiceretur, multis suorum moribus sceleratis esse; solatus est sese, quòd saltem quarta pars agri, semine cælesti consiti, fructum ferret (tamen si hoc solamen vanum fuit; nam si qui ex Lutheranis boni sunt ac probi; id non fit vi verbi Lutherani, ex quo non nisi malæ herbæ suppullulant, sed aliunde) & in hæc dicta crumpere non horruit: *Abeant alia tres partes ad Diabolum. Si principes non credunt omnes, tamen unus atq. alter. Si rustici non omnes boni, satis est duos aut tres bonos esse. Si cadunt docti & sancti plurimi, sufficit, quòd paucos retineamus. Fieri aliter nequit. Cogemur permittere, ut spina maneat*

spina, nec eas in terram bonam cōmutabimus. Sic etiam viam, secus quam cadit semen, & petram tolerare nosque fecunditate bona terra solari debebimus, quæ non conuertitur in spinas, licet habeat vicinas spinas; neq. semē acceptum opprimit; quamvis spina semen suffocent. Hæc Lutherus.

Ab sit autem, ut nos quenkumque, nedum tres partes eorum, qui verum Dei verbum audiunt ad Orcum ablegemus, ut facit quintus iste Euangelista Islebicus. Hoc tantum contendimus, improborum peruersitatem non præiudicare Religionis sinceritati ac integritati, nec granum triticeum, sed paleam & stipulam esse, qui siue ob nœuos, siue ob nœuulos Petri nauiculam deserere, & à Roma ad Witebergam seu Gencuam transire velit.

Ab initio Ecclesiæ, inquit Lutherus, loco cit. fuit ista hereticorum opinio, Ecclesiæ oportere esse sanctam, & sine peccato; sed quia videbant in ea esse aliquos peccatis obnoxios, mox negauerunt eam esse Ecclesiæ, & fecerunt sectas, quos volebant esse Ecclesiæ sanctam. Inde Donatista, Cathari, & multi alij: & hodie Anabaptista (Lutheristæ, Calvinistæ) qui omnes uno furore clamant: Ecclesiæ (Pontifici Romano adhaerentem) quia peccatores & impios mixtos vident, non esse Ecclesiæ, & separant sese ab ea. Summa ergo sapientia est, non scandalizari, si in Ecclesiæ, & ab Ecclesiæ veniant malis & heretici, quia Christus dicit; quod inimicus homo hos seminat. Et magnum solatium est scire, quod nihil nobis noceant, sed oporteat zizania intermixta ferre: quia verè sic est, quod si ne malis Ecclesiæ esse non possit, & illi fanatici, qui nulla volunt esse zizania inter sese; hoc efficiunt, ut nullum sit apud eos triticum, id est, dum volunt purum esse triticum & Ecclesiæ, nimia sanctitate faciunt, ut nulla sint Ecclesiæ, sed mera secta Diaboli, &c.

Hæc

Hæc ex Luthero dixerim aduersus Hutterum & alios Prædicâtes, qui Pontificum, Cardinalium, & Curia Romanæ seu veris seu commentitiis vitiis perpetuò se titillant, eorumque obiectu à fide Catholica simpliciores auertere nituntur: Quanquam, vt alibi crebrò probatum, præcipuè in Responso ad Theses Hunnianas; non pauca ex iis, quæ clamatores isti Pontificibus & Curia Romanæ oggerunt, nil aliud sunt, quàm pura putamendacia.

III. Non placet in hac strena, quod Prædicans non aduertit, vel si aduertit, sincerè non monuit, Clemangium sæpè non modò modestiæ & moderationis, sed & veritatis limites longissimè transcèdere: vt cum de Cardinalibus agens, ait; sæpè contingere, *vt vnus possideat centena, ducentena, & interdum vsque ad quadringenta vel quingenta, aut amplius beneficia Ecclesiastica, eaq; non parua, vel tenuia, sed omnium pinguisima & optima.* Si omnia scrinia Curia Romanæ, omniaque monumenta, quæ de Cardinalibus supersunt, excutere velimus, nullum, opinor, inueniemus, qui quingentis, & quod excurrit, beneficiis, iisque non qualibuscunque, sed *lautissimis & pinguisimis*, vnquam potitus fuerit. Cui tam obesus sit natus; qui non odoretur, assertum hoc prodiiisse ex pectore sinistris affectionibus admodum deprauato, nimiumque hyperbolico? vt & illud eiusdem: *Quid aliud sunt hoc tempore puellarum Monasteria, nisi quadam non dico Dei sanctuaria, sed Veneris execranda prostibula?* &c. Vnde, obsecro, hoc compertum erat Clemangio, vt tam audacter de omnibus vniuersim id asseueraret? An ipse, vt Deus, quidquid vbiq; terrarum in Monasteriis gerebatur, cognitum habebat? Si deceptus fuit Helias, ratus olim se solum in Israële relictum, qui idolo Baal cultum non adhibuif-

hibuisset; cum aliquot millia virorū superessent, qui genua simulacro illi non incuruauerant; quanto credibilis est, deceptum esse Clemangium & hic, & passim in suo illo Satyrico tractatu, cum nonnullorum crimina ad omnes transfundit, longè tamen alia mente, quàm Prædicantes, nam Clemangius vitia incessebat, saluo statu & ordine; Prædicantes scelera ita insectantur, vt cū illis statum quoque & ordinem exterminent; vel, vt rectius loquar, vt in veterum vitiorum locum noua, eaq; horribiliora substituant; vt factum, quando ex scortatrice Moniale catholica, faciunt scortatricem Hæreticam, specioso vxoris tegumento velatam: cuius generis innumera exempla hæc ætas nobis suppeditat; in quibus maximè eminēt duorum Martinorum *Lutheri & Buceri* Apostatarum duæ Moniales, quarum altera *Luthero* senos; altera *Bucero* ternos denos liberos peperit.

Rogo te, Prædicans, vt posthac, prius, quàm Catholicis vitia obiectas, in mentem reuoces illud tui *Lutheri* in cap. 13. Matth. *Semper ex optimis pessima sunt, sicut ex Angelis Diaboli; ex Christianis, hæretici. Ex populo Dei, crucifixores Dei.* Es muß so seyn / darumb vnerschrocken vnd vngelassen. Es heist / *inter triticum*. Vnkraut soll nit allein wachsen vnder Vnkraut / sondern auch vnder dem Weizen. Der Teufel wil auch im Himmel sitzen / vnd mag nicht *deserta & arida loca*. Er isset gern neidliche Bissen / vnd thut gerne an reine Dertter / daß er hältet seinen Vnflat für Thesem vnd Balsam. Das reine Früchtlein wil vnder den Rosen wohnen. Wir müssen doch so leyden in der Kirchen.

Sed quia Catharinæ Borrhæ paulò antea facta est mentio, per strenam tuam te, Huttere, rogo & obtestor, vt mihi significes, quando & vbi, & quo genere morbi
hæc

hæc Prophetissa diem suum obierit; & cur nulla concio vel oratio funebris, præconia tantæ Megaræ decanter; vel, si aliqua exstat; quis Auctor sit. Mihi plusquam mirum videtur, Lutheri putatitiam vxorem, nocte tam cæcapremi, cum Prædicantes laudationibus suis iam cōvsque processerint, vt non solum sartores & sutores, sed & sartrices ac sutrices Encomiasticis declamationibus super æthera aliquando vehant; & typis quoque laudes mandent, ne cum sono verborum statim euanescent. Qui fit, quòd Borrhæ non contigit hæc felicitas? Aut si contigit, qui fit, quod tam paucis cognita est res cognitu dignissima?

Cæterum, vt verbis compendium faciam, accipiat à me Prædicās verba sui Lutheri in cap. 26. Isaia ita scribentis Tom. 4. Lat. Witeb, *Sicut corpus tum bene est constitutum & bene habet, quando egerit sordes, nec eo minus sanum est, quia habet intra se feces stercoris & sudores; sic Ecclesia est etiam inter impios, & hæc gloria Ecclesiae est, quòd potest istas feces expurgare, sicut corpus humanum nō posset expellere istas superfluitates & sordes, nisi esset sanum. Quemadmodum autem extrema fatuitas esset, ideo damnare liberali forma puelam, quia habeat intra se sordes; ita quoque extremè insaniunt aduersarij nostri, obiicientes nobis falsorum fratrum vitia. Oculi, quibus videmus; suas sordes habent, habent suas sordes etiam aures, quibus audimus: sic in Ecclesia & doctores & discipuli quidam sunt mali; nō tamen ideo totum corpus damnatur. Hæc Lutherus, cuius olidiore Metaphoræ, si cui minus arridebunt, is personam loquentis consideret, statimq; videbit, si quid crassius profertur, id à moribus & genio huius Histrionis non abludere.*

IV. Non placet in hac strenua, quòd Prædicans in alienis, seu veris seu fictis vitiis peruidendis & perscrutā-

B

dis

dis tam est oculatus & indefessus; in suis autem & suorum flagitiis cernendis & agnoscendis tam luscitiosus, vel potius cœcus, & socors. Nimirum non videmus manticæ, quod in tergo est. Certè scelerum ex quinto Evangelio prognatorum tanta est vbertas, vt eam præcipui Prædicantes interdum flebiliter deplorarint. An nunq̃ legisti librum Sarcerij, Prædicantis non obscuri, *de Disciplina*? Deus bone, quàm graphicè, scitè & fabrè depingit vitam moresque Lutheranorum, præsertim Prædicantium. Nullus vnquam Pontificius id aptius præstitisset. Nullus Apelles elegantius Lutheranos cum suis Prædicantibus efformare potuisset. Neque testimonium Sarcerij suspectum esse debet; quia Lutheranus, & Prædicās, imò prædicantium Superintendens fuit. Inter Lutheranos vixit & deiuit. Lutheranos probissimè nouerat. Si cui autem liber Sarcerij prolixior videtur, quàm vt commodè euolui queat; is perlegat Epitomen, quam inde confecit vir eruditus Georgius Pomerius, in qua nil aliud reperiet Lector, nisi Lutheranae probitatis nucleum, hoc est, *malorum Iliadem*, vt vtat veteri prouerbio, quo Hutterus iste duas quasdam abs se habitas Witebergæ orationes inscripsit, longè rectius inscripsisset: *Mendaciorum & conuiciorum Hutterianorum Iliadem*; Et, si Ilias non suffecisset, addere poterat & *Odyssæam*. Sed nolo hoc vitæ Hæreticæ oletum hic mouere; factum id alias: & quidem adiuuantibus Luthero, Caluino, aliisque Prædicantibus Lutheranis & Calvinianis, quos ipsa veritas impellit, vt quam Lutherani & Calviniani sanctè & innocenter viuāt, ipsi suo ore, suo stylo, suoque calamo propalare & euulgare cogantur.

Intermittere tamen hoc loco non possum, quin tibi recenseam, quid de fructibus Lutherani Evangelij, atq;
adco

aded de sanctimonia & inculpatissimis Lutheri & Lutheranorum moribus, scriptum reliquerit, non vnus detriuo rabula, sed inclytus & illustrissimus Saxonie Dux, Georgius, memoriae sempiternae Princeps, idque in literis ad ipsum Lutherum Anno Domini 1526. ipso Innocentium festo datis, quas Prædicantes in tertium Tomum Ienensem Germanicum retulerunt: quod factum laudo. Ita ergo Princeps ille,

Auß deinen Lehren / vnd deiner Jünger / werden alle alte / verworffne Ketzeren erneuert / aller ehlicher Gottesdienst zerstöret / welches seyder Sergij gezeiten nie so groß geschehen. Wann seynde mehr sacrilegia geschehen begebener Person / dann seyder deinem herfür gebrachten Euangelio? Wann seynde mehr Empörung wider die Oberkeit geschehen / dann auß deinem Euangelio? Wann seynde mehr Beraubung armer geistlicher Häuser geschehen? Wann seynde mehr Dieberey vnnnd Rauberey geschehen? Wann seynde mehr Mönche vnd Nonnen zu Wittenberg / dan setzt gewest? Wann hat man dem Ehemann die Weiber genommen vnnnd andern gegeben / dann setzt findet man es in deinem Euangelio? Wann seynde mehr Ehebruch geschehen / dann seyt du geschriben? Wo ein Frau von ihrem Mann nicht kan fruchtbar werden / so soll sie zu einem andern gehn / vnd Früchte zeugen / die der Mann ernehren muß: Also thut der Mann herwider. Dis hat dein Euangelium bracht / das du vnder der Banck herfür gezogen.

Verram Latine, vt & exteri intelligant, quid tantus Princeps, non auritus, sed oculatus testis de Lutheranae innocentia & probitate senserit. *Ex tua & tuorum discipulorum doctrina, renouantur omnes antiquae & iam olim dam-*

nata hereses; omnis cultus religiosus destruitur; ita ut à temporibus Sergij (socij Mahometis in eudenda & propaganda Mahometica perfidia) maior destructio non fuerit. Quando plura commissa sunt sacrilegia, quàm ab Euangelij tui ortu? Quando plures seditiones contra legitimum magistratum exorta sunt, quàm ex tuo Euangelio? Quando magis pauperes oppressi, & sacra Aedes spoliata & expilata? Quando plura furta & rapinae commissae? Quando plures Apostata Monachi & Apostatrices Moniales VViteberga fuere, quàm modò? Quando maritis ablatae sunt uxores aliisque desponsatae, quàm nunc post natum tuum Euangelium? Quando plura adulteria patrata, quàm post tua scripta euulgata? Si uxor à marito suo secunda reddi nequeat, iubetur ire ad alium, fructumq; proferre; sic tamen, ut prior maritus illam alat: eodemque iure gaudet vir. Hoc Euangelio tuo acceptum referri debet; quod sub scamno abditum protraxisti in lucem.

In eadem Epistola idem Princeps Georgius: Darzu hast du zu Wittenberg ein Asylum angericht / daß alle die Mönch vnnnd Nonnen / so vns vnser Kirchen vnd Klöster berauben / mit Nemmen vnd Stelen / die haben bey dir Zuflucht / Auffenthalt / als were Wittenberg (höflich zunennen) ein Janerben Hauß / aller Abtrünnigen vnser Landes. Wir tragen auch keinen Zweyfel / vnser heiliger Vatter der Papst / habe nie keinen Ablass gegeben / den du höher achtest / als den / so deine Wittenberger verdienen mit der Raubung der Kloster Jungkfrauen / so dir auß vnsern Klöstern zu bracht seynde. In was Jammer / vnd verdamlich Elende du sie bracht / vnnnd wie sie gehalten werden / vnd wozu / ist am Tage.

Ad hac VVitebergam fecisti asylum, ita ut omnes Apostata Monachi & Apostatrices Moniales, qui nostra templa & mona-

monasteria rapiendo & furando expilant, ad te confugiant, perinde ac si VViteberga omnium nostra ditionis desertorum lupanar esset. Neque ullam unquam à sanctissimo patre nostro Papa concessam indulgentiam arbitramur, quæ tibi gratior acciderit illa, quam promerentur tui VVitebergeses rapiendo Moniales ex nostris Monasteriis, & ad te adducendo: quas in quantas calamitates conieceris, & in quod exitij barathrum precipitaueris; clarum est ac manifestum: ut & illud, quomodo tractentur, & in quem finem. Hæc Catholicus ille & aduersus Hæreses inuicto pectore Princeps Georgius; quæ vlcus Lutheranae sectæ probè tangunt & aperiunt, & quæ eius sit natura, quò propendeat, quò vergat, & quò amatores suos impellat, luculentè docet.

Nec immeritò isthæc occinuntur Lutheranis, & vniuersim omnibus sectariis, quandoquidem scelera quæ patrant, non tantum ex arbitrio cuiusuis, sed ex ipsius doctrinæ, quam sequuntur, genio oriuntur: ita vt in area hæretica nō sit triticum inter paleas, vel paleæ inter triticum; sed solæ paleæ ibi regnāt & circumuolitant: nam ea est hæreseos indoles, vt omne triticum in paleas transmutet. At in area Catholicae Ecclesiae triticum cum paleis permistum est, & vice versa; & qui paleæ sunt, suo pte vitio, non institutionis & professionis culpa, paleæ sunt. Hinc semper illud vsurpare licet: *Paucorū, vel etiam multorum, improbitatem; non praiudicare Religioni; semper id in Ecclesia euenisse, vt probis improbi interfererentur. Nunquam tam feliciter actum est cum Ecclesia,* inquit Erasmus contra Pseudoeuangelicos, cum iisdem querimoniis vterentur, quibus hodie hodierni sectarij omnium aures complent, *quin inter paucos bonos multos pertulerit malos. Quoties clamat Paulus in Pseudoapostolos, in canes, in malos operarios, in falsos fratres, in ventris mancipia? Solent*

omnium rerum feruere principia. Erat tum temporis rarus, ac pusillus Ecclesia grex, & tamen in hoc erant dissidia, factiones, contentiones. In hoc erat, qui palam uxoris loco nouercam haberet: In hoc Demas, qui relicto Euangelio, secutus est seculum: In hoc, qui insincere predicarent Euangelium, qui mentirentur, qui circumuenirent, qui fraudarent fratres, qui circumciderentur. In hoc, quae ociose circumibant domos alienas, garrulae, & curiose, onerata peccatis. In hoc, erant viduae quae collectae ex Ecclesia cibo lasciuia, deserto Christo, sese reflecterent ad Satanam. In hoc erant, qui blandiloquiis seducerent corda simplicium. In hoc erant, qui mentirentur sibi apparuisse angelos. Haec, aliaque multa tum fuisse liquet ex Epistolis Apostolicis. Tantum malorum iam tum lactens, raraque tulit Ecclesia: Et miramur, si in eadem tam numerosa, tam late diffusa, sunt, quae bonis dissoluantur, & ob vitia quadam inspersa censemus uniuersam Ecclesiae scenam inuertendam?

V. Haud placet in hac strena, quod Praedicans non perpendit, quis Nicolaus de Clemangis fuerit; licet enim liberiore stylo & ore Romanorum Pontificum & Curiae Romanae seu vera seu ficta vitia notauerit, imò & prosciderit; Catholicus tamen seu Pontificius, & si vis, *Papista* fuit: & si hodie ad nos resuscitatus à mortuis rediret, Hutterum, Illyricum, & similes, qui libellis eius ad perniciem doctrinae catholicae abutuntur, pro haeticis duceret; & non aliter, quàm damnatae memoriae Nouatores, execrandos iudicaret. Nam Nicolaus iste Lutheranus aut Calvinianus non fuit; sed Catholicus Archidiaconus Baiocensis; cui quid Stomachum aduersus Curiam Romanam tantopere commoritur, nescio; moderationis profectò leges longè transiit; immemor modestiae eius, qua vsi sunt illi, qui zizania ex agro Dominico extirpata cupiebāt. Quid enim illi? *Domine, nonne bonum semen*

semen seminasti in agro tuo? Vnde ergo zizania? Nullam hic vides hyperbolen, nullam exaggerationem; nullas tragicas exclamationes, sed nudam & simplicem de zizaniorum praesentia narrationem, deq; origine quaestionem. Neque etiam impotenter & clamosè postulant, ut zizania illa eradicentur, multo minus, ut ager vnà cum infelicibus herbis euertatur; sed modestissimè & simplicissimè: *Visimus & colligimus ea?*

VI. Non placet in hac strena, quòd Prædicans tam diligenter attendit, & ab aliis attendi cupit, quo animo Nicolaus Clemangius in Sedem Romanam fuerit; & tam strenuè dissimulat; quis de Romano Pontifice, Romana Ecclesia & Curia sensus fuerit summorum quorundam Imperatorum, Regum, & Principum: quasi plus facienda sit vociferatio huius vel illius priuati scriptoris, (qui forsan ob negatum sibi beneficium Ecclesiasticum, vel ob sententiam contra se in Romana Curia pronunciatam exarsit, & calamum Hipponacteio felle perlitum in Pontifices & Cardinales strinxit) quàm Imperatorum, Regum & Principum pietas & in Sedem Petri reuerentia, non solum verbis, sed & rebus largissimè testata: nec qualibuscunque rebus; sed amplissimarum urbium, quin & integrarum prouinciarum munificis donationibus, quarum Catalogum vnà cum donationum diplomatis huc adscribam; ut tibi, Huttere, & tuis symmystis gratum faciam; teq; priorem beneficiis mecum certasse non pigeat, quando vides tuo Clemangio, strenæ tuæ tam tenebricosæ, Clarissimum & ex Imperatorum, Regum & Principum promptuariis depromptū Antidorum reponi. Et quia tam sedulò in lucem extrahitis qdquid olim vel furiosus *poëta* & *versificator* inficetus, vel amens *Leguleus* & *Locutus*, vel Schismaticus,

con-

concordiæ & charitatis oblitus, vel hæreticus vefanus,
 vel etiam orthodoxus, sed affectib⁹ immoderatis nimiũ
 indulgens, in Romam, Papam Romanum, eiusque Cu-
 riam exspuit, par est, vt & nos simili, si non ardentiore
 diligentia, publicemus omniumque oculis subiiciamus
 veterum Imperatorum, Regum & Principum erga Se-
 dem Apostolicam, Christi Vicarium & Petri Successo-
 rem, reuerentiam & obseruationem; & vtriusq; testem,
 munificentiam, qua re ipsa impleuerunt illud, quod pri-
 dem à beato Vate Isaia prædictum fuerat, cap. 49. *Et erũt*
Reges nutricij tui, & Regina nutrices tue; vultu in terram de-
misso adorabunt te, & puluerem pedum tuorum lingent. Et
cap. 60. Sugēs lac gentium, & mammilla Regum lactaberis.

Tu, Prædicans, adesto auritus, sed tamen patienter
 auritus, & tene bilem fortiter; alioqui sto-
 macho tuo euerfionis periculum
 imminet.



COM-



COMMENTARIOLVS
DE IMPERATORVM, REGVM
AC PRINCIPVM IN SEDEM APO-
STOLICAM MYNIFICENTIA.

CAPVT PRIMVM.

*Donatio variarum ciuitatum & prouincia-
rum facta Ecclesie Romanae à Christianis-
simo Rege Francorum Pipino, Anno Re-
demptoris DCC LV. ex Anastasio Biblio-
thecario in vita Stephani Papae III.*

RECENSITO Pipini cum Francorum exercitu in Italiam
contra Aistulphum Longobardorum Regem aduentu; itemq;
exposita importunitate Gregorij Protosecretarij, Legati
Constantinopolitani, qui apud Pipinum instabat, vt Rauen-
na cum finitimis vrbibus Imperatori Constantinopolitano restitueretur;
subdit Anastasius sequentia.

At nequaquam valuit firmissimum iam fatus Christianis-
simi, atque benignissimi, & fidelis Dei, & amatoris beati Petri
Apostoli, scilicet antefati Pipini Francorum Regis inclinare
cor, vt easdem ciuitates & loca Imperiali tribueret ditioni; as-
ferens idem Dei cultor mitissimus Rex, nulla penitus ratione
easdem ciuitates à potestate beati Petri, & iure Ecclesiae Roma-
nae, vel Pontificis Apostolicæ Sedis quoquo modo alienari pa-
ti, affirmans sub iuramento, quòd nullius hominis fauore sese

Bar. Anno 755.

C

certa-

*Quantum cul-
tor S. Petri Pi-
pinus Rex.*

certamini sæpe dedisset, nisi pro amore beati Petri, & venia de-
fictorum, asserens & hoc, quòd nulla eum thesauri copia sua-
dere valeret, vt quod semel beato Petro obtulit, auferret. Et
hoc prædicto Imperiali Misso reddens in responsis; continuò
eum ad propria remeandum per aliam viam absoluit; qui & si-
ne effectu Romam coniunxit.

Dum verò antefatus benignissimus Pipinus Francorū Rex
Papiam obsidens, constringeret ciuitatē: tunc Aistulphus atro-
cissimus Rex Longobardorū, vt veniam sibi tribueret rogauit,
& quas prius contempserat conscriptas in pacti fœdere redde-
re ciuitates, se modis omnibus professus est redditurum. Et
denuò, confirmato anteriori pacto, quod per elapsam octauā
Indictionem inter partes conuenerat, restituit ipsas ciuitates,
addens & castrū, quod cognominatur * Comiacum. De qui-
bus omnibus receptis ciuitatibus donationem in scriptis bea-
to Petro, atque sanctæ Romanæ Ecclesiæ, vel omnibus in per-
petuum Pontificibus Apostolicæ Sedis emisit possidendā; quæ
& vsque hætenus in Archivo sanctæ nostræ Ecclesiæ recondita
tenetur. Ad recipiendas verò ciuitates misit ipse Christianissi-
mus Francorum Rex suum consiliarium, id est, Fulradum ve-
nerabilem Abbatem. Et continuò eius eximietas cum suis ex-
ercitibus Franciam repedauit.

Prænotatus autem Fulradus venerabilis Abbas, & Presby-
ter, Rauennatium partes cum Missis iam fati Aistulphi Regis
coniungens, & per singulas ingrediens ciuitates, tam Pentapo-
leos, quàm Aemiliæ, easq; recipiens, & obsides per vnāquam-
que auferens, atque Primates secum vnā cum clauibus porta-
rum ciuitatum deferens, Romam coniunxit. Et ipsas clauēs
tam Rauennatium Urbis; quamque diuersarum ciuitatum ip-
sius Rauennatium Exarchatus, vnā cum supradicta donatione
de eis à suo Rege emissa in Confessione beati Petri ponens, ei-
dem Apostolo, & eius Vicario sanctissimo Papæ, atque omni-
bus eius successoribus Pontificibus perenniter possidendas, at-
que disponendas tradidit; id est, Rauennam, Ariminum, Pisau-
rum, atque Fanum, Cesenam, Senogallias, Esium, Forum Pom-
pilij, Forum Liuij cum Castro Sussubio, Montem Feretrum, A-
cera-

ceragium, Montem Lucari, Serram Castellum sancti * Mariani, * *Marini.*
Bobium, Vrbium, Gallium, Luceolos, Eugubium, * Comia- * *Comaculum.*
clum, nec non ciuitatem Narniensem, quæ à Ducatu Spoleta-
no à parte Romanorum per euoluta spacia fuerat iuuata.

CAPVT SECVNDVM.

*Eadem donatio ex Leone Ostiensi lib. 1. Chron.
cap. 7.*

ECCE idem inclytus Rex vnà cum filiis concessio-
nem beato Petro, eiusque Vicario de ciuitatibus
Italiæ, & territoriis per designatos fines, à Lunis
cum insula Corsica, inde Suranum, inde in mon-
tem Bardonem, Vercetum, Parmam, Regium, Mantuam, &
Montem Silicis, simulque vniuersum Exarchatum Rauennæ,
sicut antiquitus fuit cum Prouinciis Venetiarum & Istriæ, cun-
ctumque Ducatum Spoletinum, & Beneuentanum. Eamque
donationem manu propria, & filiorum, plurimorumque Iu-
dicum, & Optimatum subscriptione roborauit. Demum idem
Rex vnà cum Romano Pontifice in Italiam veniens, Rauen-
nam, & alias viginti ciuitates eidem Aristulpho memorato sub-
latas Apostolicæ sedi subiecit; cuius rei gratia Romanus patri-
tius constitutus est.

CAPVT TERTIVM.

*Confirmatio predictæ donationis facta à Caro-
lo Magno Francorum Rege Anno Christi
DCC. LXXIV. Hadriani Papæ Anno
III. Ex Anastasio Bibliothecario in Ha-
driano.*

POSTQVAM Anastasius Caroli Magni aduentum in Ro-
manam Vrbem, & quanta magnificentia à Pontifice aliisque
exceptus fuerit, exposuerat, hæc subiungit.

C 2

At

At verò quarta feria prænominatus Pontifex (*Hadrianus*) cum suis Iudicibus tam cleri, quàm militiæ in Ecclesia beati Petri Apostoli pariter cum eodem Rege ad colloquendum se coniungens, constanter eum deprecatus est, atque admonuit, & paterno affectu adhortari studuit, vt promissionem illam, quam eius sanctæ memoriæ genitor Pipinus Rex, & ipse præcellentissimus Carolus cum suo germano Carolomanno vnâ cum omnibus Iudicibus Francorum fecerat beato Petro, & eius Vicario sanctæ memoriæ Domno Stephano iuniori Papæ, quando in Franciam perrexit pro concedendis diuersis ciuitatibus, ac territoriis istius Italiæ prouinciæ, & contradendis beato Petro ei, & omnibus Vicariis in perpetuum possidendis, adimpleret in omnibus.

Cumque ipsam promissionem quæ in Francia in loco, qui vocatur Carisiacus, facta est, idem excellentissimus Rex Carolus sibi legi fecisset: complacuit illi & eius Iudicibus, omnia quæ ibi erant adnexa confirmare. Et propria voluntate, bono ac libenti animo aliam donationis promissionem ad instar anterioris, ipse antedictus excellentissimus, & reuera Christianissimus Carolus Francorum Rex conscribi iussit per Ethe-rium religiosum ac prudentissimum Capellanum & Notarium suum, vbi concessit easdem ciuitates, & territoria beato Petro, atque Præfato Pontifici, atque spondit per designationem confinium, id est, à Lunis cum insula Corsica, deinde in Suriano, deinde in Monte Bardone, inde in Verceto, deinde in Parma, deinde in Regio, & exinde in Mantua, & ponte Silicis, simulque vniuersum Exarchatum Rauennatum, sicut antiquitus erat, atque prouincias Venetiarum & Istriæ, nec non cunctum Ducatum Spoletinum, & Beneuentanum, factaque eadem donatione, eam propria sua manu ipse Christianissimus Francorum Rex corroborans, vniuersos Episcopos, Abbates, Iudices etiam & Graphiones in ea subscribere fecit. Quam prius super altare beati Petri, & postmodum intrus in sancta eius confessione ponentes, tam ipse Francorum Rex, quàm eius Iudices beato Petro, & eius Vicario sanctissimo Hadriano Papæ sub terribili sacramento se omnia conseruatu-
dem

dem donatione continerentur promittentes, tradidere, * ap-
 parem ipsius donationis per eundem Etherium describi faci-
 ens, ipse Christianissimus Rex Francorum, intus super corpus
 beati Petri, subtus Euangelia, quæ ibidem sunt, est osculatus,
 pro firmissima cautela, & æterna nominis sui, ac Regni Fran-
 corum memoria, propriis suis manibus posuit: aliaque eius-
 dem donationis exempla per scriniarium huius sanctæ nostræ
 memoratæ Ecclesiæ descripta, eius excellentia secum deporta-
 uit.

* hoc est, ex-
 plar.

CAPVT QVARTVM.

*Donatio & confirmatio superiorum donatio-
 num facta à Ludouico Pio, Caroli Magni
 F. Anno salutis DCCC. XVII. Ex Card.
 Baronio Tom. IX. Annal. Anno primo
 Paschalis Papæ.*



Ego Ludonicus Imperator Augustus, statuo & con-
 cedo per hoc pactum confirmationis nostræ, tibi
 beato Petro principi Apostolorum, & pro te Vica-
 rio tuo domno Paschali summo Pontifici & Vni-
 uersali Papæ, & successoribus eius in perpetuum, sicut à præde-
 cessoribus vestris vsque nunc in vestra potestate & ditione te-
 nuistis, & disposuistis, * ciuitatem Romanam cum Ducatu suo,
 & suburbanis, atque viculis omnibus & territoriis eius, mon-
 tanis, & maritimis litoribus & portibus, seu cunctis ciuitati-
 bus, castellis, opidis, ac viculis in Tusciæ partibus, id est, Por-
 tum, Centumcellas, Cære, Bledam, Marturanum, Sutrium, Ne-
 pe, Castellum Galleij, Hortam, Polimartium, Ameriam, Tu-
 dertum, Perusium, cum aliis tribus insulis suis, id est, Maiorem
 & Minorem, Puluensensem, & Lacum, Narniam, * Otriculum cū
 omnibus finibus, ac territoriis ad supra dictas ciuitates perti-
 nentibus. Simili modo & in partibus Campaniæ, Signiam, A-
 nagniam, Ferentinum, Alatrum, Patricum, Frusinonem, cum

Vide huius do-
 nationis defen-
 sionem in Apo-
 logia Baronian-
 na cap. 8. con-
 tra Goldastum
 Caluinistam.

* Romana ergo
 ciuitas etiam
 ante Ludonicū
 Imp. in Pontifi-
 ci potestate
 erat.

Variantē scri-
 pturam enota-
 uimus ex Ba-
 ronio.

* Otriculos

aliis partibus Campaniæ; nec non & Tibur cum omnibus finibus & territoriis ad easdem ciuitates pertinentibus.

* *Suburbanis.*

† *Robium.*

* *Comiacum.*

† *Balnenſe.*

Nec non & Exarchatum Rauennatensem sub integritate cum * vrbibus, ciuitatibus, opidis, & castellis, quæ piæ recordationis domnus Pipinus Rex, ac bonæ memoriæ genitor noster Carolus Imperator beato Petro Apostolo & prædecessoribus vestris iamdudum per donationis paginam restituerunt, hoc est, ciuitatem Rauennam & AEmiliam, † Bobium, Cæſenam, Forum Pompilij, Forum Liuij, Fauentiam, Imolam, Bononiam, Ferrariam, * Comiacum, & Adriam & Gabelum cum omnibus finibus, territoriis atque insulis in terra marique ad prædictas ciuitates pertinentibus. Simul & Pentapolim, videlicet Ariminum, Pisaurum, Fanum, Senogalliam, Anconam, Humanam, AEsium, Forum Sempronij, Montem Feretri, Vrbini, & territorium † Valuense, Galles, Luceolos, Eugubium, cum omnibus finibus, ac terris ad easdem ciuitates pertinentibus.

Eodem modo territorium Sabinense, sicut à genitore nostro Carolo Imperatore B. Petro Apostolo per donationis scriptum concessum est sub integritate, quemadmodum ab Itherico, & Macenario Abbatibus, Missis illius, inter idem territorium Sabinense, & Reatinum definitum est. Item in partibus Tusciæ Longobardorum castellum Felicitatis, Vrbeuetū, Balneum Regis, Ferenti castrum, Viterbium, Martam, Tuscaniam, Populonium, Soanam, Rosellas. Et insulas Corsicam & Sardiniam, & Siciliam sub integritate cum omnibus adiacentibus & territoriis maritimis, litoribus, portibus ad supradictas ciuitates & insulas pertinentibus. Item in partibus Campaniæ, Soram, Arces, Aquinum, Arpinum, Theanum, Capuam & patrimonia ad potestatem, & ditionem nostram pertinētia, sicut est patrimonium Beneuentanum, & Salernitanum, & patrimonium Calabriæ inferioris, & superioris, & patrimonium Neapolitanum, & ubicunque in partibus Regni, atque Imperij à Deo nobis commissi patrimonia * nostra esse noscuntur.

* *Vestra.*

Has omnes supradictas prouincias, vrbes, ciuitates, opida & castella, viculos & territoria simulque & patrimonia iam dictæ

Et Ecclesiæ tuæ, beate Petre Apostole, & per te Vicario tuo, spirituali patri nostro, domno Paschali summo Pontifici, & vniuersali Papæ, eiusque successoribus vsque ad finem seculi eo modo confirmamus, vt in suo detineant iure, principatu, ac ditione.

Simili modo per hoc nostrum confirmationis decretum, firmamus donationes, quas piæ recordationis dominus Pipinus Rex, auus noster, & postea dominus & genitor noster Carolus Imperator beato Petro Apostolo spontanea voluntate contulerunt. Nec non & censum, & pensiones, seu ceteras donationes, quæ annuatim in palatium Regis Longobardorum inferri solebant, siue de Tuscia Longobardorum, siue de Ducatu Spoletano, sicut in supradictis donationibus continetur, & inter sanctæ memoriæ Hadrianum Papam, & dominum, & genitorem nostrum Carolum Imperatorem conuenit, quando eidem Pontifici idem de supra scriptis Ducatibus, id est, Tuscano, & Spoletano, suæ auctoritatis præceptum confirmauit, eo scilicet modo, vt annis singulis supradictus census Ecclesiæ beati Petri Apostoli persoluatur, salua super eisdem Ducatus nostra in omnibus dominatione, & illorum ad nostram^{† ditionem.} partem subiectione.

Cæterum, sicut diximus, omnia superius nominata, ita ad nostram^{* potestatem.} partem per hoc nostræ confirmationis decretum roboramus, vt in vestro, vestrorumque successorum permanent iure, principatu, atque ditione, vt neque à nobis, neque à filiis & successoribus nostris, per quodlibet argumentum siue machinationem in quacunque parte minuatur vestra potestas, aut nobis de suprascriptis omnibus, vel successoribus vestris inde aliquid subtrahatur de supradictis videlicet vrbibus, prouinciis, ciuitatibus, opidis, castris, viculis, insulis, territoriis, atque patrimoniis, nec non & pensionibus atque censibus, ita vt neque nos ea subtrahamus, neque quibuslibet subtrahere volentibus consentiamus; sed potius omnia quæ superius leguntur, id est, prouincias, ciuitates, vrbes, opida, castella, territoria, patrimonia atque insulas, census ac pensiones, Ecclesiæ beati Petri Apostoli, & Pontificibus in sacratissima illius Sede

† *Venerint.*

Sede in perpetuum residentibus, in quantum possumus, defendere nos promittimus; ad hoc, ut omnia ea in illius ditione ad utendum & fruendum, atque disponendum firmiter valeat obtinere, nullamque in eis nobis partem, aut potestatem disponendi, aut iudicandi, subtrahendiue, aut minorandi vendicamus; nisi quando ab illo, qui eo tempore huius sanctæ Ecclesiæ regimen tenuerit, rogati fuerimus. Et si quilibet homo de supradictis ciuitatibus ad vestram Ecclesiam pertinentibus ad nos venerit, subtrahere se volens de vestra iurisdictione, vel potestate, vel quamlibet aliam iniquam machinationem metuens, aut culpam commissam fugiens, nullo modo eum aliter recipiemus, nisi ad iustam pro eo faciendam intercessionem, ita duntaxat, si culpa, quam commisit, venialis fuerit inuenta: si aliter, comprehensum vestræ potestati eum trademus, exceptis his, qui violentiam, vel oppressionem potentium passi, ideò ad nos † veniant, ut per nostram intercessionem iustitiam accipere mereantur, quorum altera conditio est, & à superioribus valde disiuncta.

*Electio Roman-
ni Pontificis,
Romanis libe-
ra.*

Et quando diuina vocatione huius sacratissimæ Sedis Pontifex de hoc mundo migrauerit, nullus ex Regno nostro aut Francus, aut Longobardus, aut de qualibet gente homo sub nostra potestate constitutus licentiam habeat contra Romanos, aut publicè, aut priuatè veniendi, aut electionem faciendi; nullusque in ciuitatibus, vel territoriis ad Ecclesiam beati Petri pertinentibus, aliquod malum propter hoc facere præsumat, sed liceat Romanis cum omni veneratione, & sine aliqua perturbatione honorificam Pontifici exhibere sepulturam, & eum quem diuina inspiratione & beati Petri intercessione omnes Romani vno consilio & vna concordia sine aliqua promissione ad Pontificatus ordinem elegerint, sine aliqua ambiguitate & contradictione more canonico consecrari. Et cum consecratus fuerit, legati ad nos, vel ad successores nostros Reges Francorum dirigantur, qui inter nos, & inter illum amicitiam, & charitatem, & pacem faciant, sicut temporibus piæ recordationis domni Caroli atavi nostri, siue domni Pipini auui nostri, vel & Caroli Imperatoris genitoris consuetudo erat faciendi.

Hoc

Hoc autem ut ab omnibus fidelibus sanctæ Dei Ecclesiæ, & nostris firmum esse credatur, firmitusque per futuras generationes, & secula ventura custodiatur, propriæ manus signaculo, & venerabilium Episcoporum, atque Abbatum, vel optimatum nostrorum sub iureiurando, & subscriptionibus pactum illud nostræ cōfirmationis roborauimus, & per Legatum sanctæ Romanæ Ecclesiæ Theodorum Nomenclatorem domno Paschali Papæ direximus.

Partem huius donationis & confirmationis intexuit Decreto suo Gratianus dist. 63. Et Chronico suo Auctor Anonymus, qui Reicherspergenses Annales scripsit: Et Gerobus Præpositus Reicherspergensis lib. 1. de Inuestigatione Antichristi. Eiusdem meminit Leo Ostiensis lib. 1. Chronici cap. 18. Hic (Aquisgran in concilio) pactum Constitutionis & Confirmationis fecit beato Petro Apostolo, eiusque Vicario Domino Paschali, parentes suos Pipinum & Carolum imitatus, manusque suæ ac filiorum subscriptione corroborans, decem Episcopos, octo Abbates, & Comites quindecim, Bibliothecarium, Mansionarium, & Ostiarium vnum subscribere fecit, & per Legatum sanctæ Romanæ Ecclesiæ Theodorum Nomenclatorem domno Paschali Papæ transmissit.

Ex his apparet, inquit Sigonius lib. 4. de Regno Italia, Pipinum & Carolum partim concessa Ecclesiæ confirmasse, Romam cum Ducatu suo, qui circumiecta Etruriæ, & Latij oppida contineret, Rauennam cum Exarchatu, Pentapolim, quæ post Marchia Anconitana est dicta, Ducatum Tuscanum, siue partem Tusciæ Longobardorum, quæ ita dicebatur; quia & altera Tuscia erat Ecclesiæ, cuius caput erat Perusia; insulas; Corsicam, Sardiniam, & Siciliam: Campaniæ partem, cuius caput erat Capua, à Duce Beneuentano possessa; patrimonia ad se pertinentia, Beneuentanum, Salernitanum, Calabria superioris, & inferioris, & Neapolitanum; item censum & pensionem, quæ quotannis in Palatium Regis Longobardorum inferri solebant, siue de Tuscia Longobardorum, siue de Ducatu Spoletano, nec non Tuscanum, Spoletanumque Ducatum: Ludouicum verò omnia suprà memorata confirmasse; eosdem etiam concessisse, ut Romani nouum Pontificem pro iudicio suo crearent, modò sine

D

tumul-

tumultu, & largitione, & creatum consecrarent, modò Pontifex semper Legatos de sua consecratione commonefaceret, & pacem secum sanciret. quam rem nominatim admonuisse, non fuerit alienum, quia Comitatus Pontificia ad Romanorum avaritiam, & ambitionem coercendam variis post fuerunt legibus adstringenda.

Certe Romanam Urbem iam antiquitus fuisse in Romanorum Pontificum iurisdictione, perspicuum sit ex Epistola 85. Ioannis Papæ VII. que est ad Berengarium Comitem de Lamberto Spoletano Comite. Collecta populi multitudine omne territorium S. Petri inuasit, & quod defendere debet ab hostibus, tyrannicè dominatur inuasum; venitque Romam, & quasi inimicus portam ciuitatis Romæ violenter capiens, satellites suos per dies plurimos retinere fecit, ac sic tantam ciuitatem inuasam retinuit, ita sanè ut nobis apud B. Petrum consistentibus, nullam Urbis Romanæ potestatem, à Piis Imperatoribus, B. Petro Principi Apostolorum, eiusque Vicariis traditam, haberemus.

CAPVT QVINTVM.

*Diploma donationis factæ ab Othone Magno
Imperatore Anno Christi DCCCC.LXII.
Joannis XII. Papæ Anno septimo, ex Ba-
ronio, Annali X.*

*Vindicans hoc
diploma à Gol-
dasti Caluini-
sta criminatio-
nibus & insci-
tia in Apologia
Baroniana,
cap. 20.*

IN nomine Domini Dei omnipotentis, Patris, & Filij, & Spiritus sancti. Ego Otto Dei gratia Imperator Augustus, vnà cum Ottone glorioso Rege filio nostro, diuina ordinante prouidentia, spondemus, atque promittimus per hoc pactum confirmationis nostræ, tibi beato Petro Principi Apostolorum, & clauigero regni cælorum, & per te Vicario tuo Domno Ioanni summo Pontifici & Vniuersali XII. Papæ, sicut à prædecessoribus vestris vsque nunc in vestra potestate, atque ditione tenuistis, & disposuistis ciuitatem Romanam cum Ducatu suo, & suburbanis suis, atque

que viculis omnibus, & territoriis eius, montanis, & maritimis, litoribus, atque portibus, seu cunctis ciuitatibus, castellis, opidis, ac viculis Tusciæ partibus, id est, Portum, Centumcellas, Cerem, Bledam, Marturianum, Sutrium, Nepem, Castellum Gallisem, Ortem, Polimartium, Ameriam, Tudam, Perusiam cum tribus insulis, id est, Maiore, Minore, Puluensim, Narniam, & Vtriculum cum omnibus finibus, ac territoriis ad supradictas ciuitates pertinentibus: Nec non Exarchatum Raennatem sub integritate, cum Urbibus, ciuitatibus, opidis, & castellis, quæ piæ recordationis domnus Pipinus, & domnus Carolus excellentissimus Imperator, prædecessores videlicet nostri, B. Petro Apostolo, & prædecessoribus vestris iam dudum per donationis paginam contulerunt, hoc est, ciuitatem Raennam, & AEmiliam, Bobium, Cefenam, Forum Pompilij, Forum Liuij, Fauentiam, Imolam, Bononiam, Ferrariam, Comiacum, & Hadrianis, atque Gabellum, cum omnibus finibus, territoriis, atque insulis, terra, marique ad supra scriptas ciuitates pertinentibus, simul & Pentapolim, videlicet, Ariminum, Pisaurum, Fanum, Senogalliam, Anconam, Ausimum, Humanam, Hesium, Forum Sempronij, Montem Feltri, Urbium, & territorium Balnense, Calles, Lucioli & Eugubium, cum omnibus finibus, & territoriis ad easdem ciuitates pertinentibus.

Eodem modo territorium Sabinense, sicut à domno Carolo Imperatore nostro, B. Petro Apostolo per donationis scriptum concessum est, sub integritate. Item in partibus Tusciæ Longobardorum Castellum Felicitatis, Urbem veterem, Balneum Regis, Ferentum, Viterbium, Ortem, Martam, Tuscanam, Suanam, Populonium, Rosellas cum suburbanis, atque viculis omnibus, & territoriis, ac maritimis, opidis, ac viculis, seu finibus omnibus. Itemque Almus cum insula Corsica, deinde in Suriano, deinde in monte Bardonis, deinde in Bercero, exinde in Parma, deinde in Regio, exinde in Mantua, atque in monte Silicis, atque prouincia Venetiarum, & Istria, nec non & cunctum Ducatum Spoletanum, seu Beneuentanum vnà cum Ecclesia sanctæ * Christianæ posita prope † Paduam iuxta Pa-

D 2

* *Christina.*
† *Textus apud*
Bar. Papiam.

dum, quarto milliaro. Item in partibus Campaniæ, Soram, Arces, Aquinum, Arpinum, Theanum, & Capuam, nec non patrimonium ad potestatem, & ditionem vestram pertinentia, sicuti est patrimonium Beneventanum, & patrimonium Neapolitanum, & patrimonium Calabriae superioris, & inferioris. De ciuitate autem Neapolitana cum Castellis, & territoriis, & finibus, & insulis suis sibi pertinentibus, sicut ad easdem respicere videntur, nec non patrimonium Siciliae, si Deus nostris illud tradiderit manibus. Simili modo ciuitatem Caietam, & Fundum, cum omnibus earum pertinentiis.

Insuper offerimus tibi, B. Petre Apostole, Vicarioque tuo Domno Ioanni Papæ, & successoribus eius pro nostræ animæ remedio, nostrique filij & nostrorum parentum de proprio nostro regno ciuitates, & opida cum piscariis suis, id est, Reatem, Amiternum, Furconem, Nursiam, Baluam, & Marsum, & alibi ciuitatem Interamnem cum pertinentiis suis. Has omnes supra dictas prouincias, vrbes, ciuitates, opida, & castella, viculos, & territoria, simulque & patrimonium pro remedio animæ nostræ, & filij nostri, siue parentum nostrorum, ac successorum nostrorum, & pro cuncto à Deo conseruato, atque conseruando Francorum populo, iam dictæ Ecclesiæ tuæ, B. Petre Apostole, & per te Vicario tuo, spirituali patri nostro, Domno Ioanni summo Pontifici, & vniuersali Papæ, eiusque successoribus vsque ad finem seculi, eo modo confirmamus, vt in suo destineat iure, principatu, atque ditione.

Simili modo per hoc nostræ delegationis pactum confirmamus donationes, quas piæ recordationis domnus Pipinus Rex, & postea domnus Carolus excellentissimus Imperator B. Petro Apostolo spontanea voluntate contulerunt: nec non & censum, vel pensionem, seu cæteras dationes, quæ annuatim in Palatium Regis Longobardorum inferri solebant, siue de Tuscia, siue de Ducatu Spoletano, sicut & in supra scriptis donationibus continetur, & inter sanctæ memoriæ Hadrianum Papam, & domnum Carolum Imperatorem conuenit, quando idem Pontifex eidem de supra scriptis Ducatibus, id est, Tuscano, & Spoletano suæ auctoritatis præceptum confirmauit,

co

eo scilicet modo, vt annis singulis prædictus census ad partem Ecclesiæ B. Petri Apostoli persoluatur, salua super eisdem Ducatus nostra in omnibus dominatione, & illorum ad nostram partem, & filij nostri subiectionem.

Caterùm sicut diximus, omnia superius nominata, ita ad vestram partem per hoc nostræ confirmationis pactum roboramus, vt in vestro permaneant iure, principatu, atque ditione, & neque à nobis, neque à successoribus nostris per quodlibet argumentum, siue machinationem in quacunque parte vestra potestas imminuatur, aut à vobis inde aliquid subtrahatur de supra scriptis videlicet prouinciis, vrbibus, ciuitatibus, opidis, castris, viculis, insulis, territoriis, atque patrimoniis, nec non & pensionibus, atque censibus, ita vt neque nos ea facturi simus, neque quibuscumque ea facere volentibus, consentiamus. Sed potius omnium, quæ superius leguntur, id est, prouinciæ, ciuitates, Vrbes, opida, castella, territoria, & patrimonia, atque insulæ, censusque, & pensiones ad partem Ecclesiæ B. Petri Apostoli, atque Pontificum, in sacratissima illius Sede residentium, nos, in quantum possumus, defensores esse testamur, ad hoc, vt ea in illius ditione, ad vtendum, & fruendum, atque disponendum firmiter valeant obtineri, salua in omnibus potestate nostra, & filij nostri posterorumque nostrorum, secundum quod in pacto, & constitutione, ac promissionis firmitate Eugenij Pontificis, successorumque illius continetur, id est. Vt omnis Clerus, & vniuersa populi Romani nobilitas propter diuersas necessitates, Pontificum irrationabiles erga populum sibi subiectum asperitates retundendas, sacramento se obligent, quatenus futura Pontificum electio (quantum vniuscuiusque intellectus fuerit) canonicè, & iustè fiat; & vt ille, qui ad hoc sanctum, atque Apostolicum regimen eligitur, nemine consentiente, consecratus fiat Pontifex, priusquam talem in præsentia Missorum nostrorum, vel filij nostri, seu vniuersæ generalitatis faciat promissionem pro omnium satisfactione, atque futura conseruatione, qualem dominus, & venerandus spiritalis Pater noster Leo sponte fecisse dignoscitur.

*Similia legun-
tur in Consti-
tutione Lutha-
rij I. Imp. Vide
Apolog. Baro-
nianam cap. II.*

Præterea alia minora huic operi inferenda præuidimus, vi-
licet, vt in electione Pontificum, neque liber, neque seruus ad
hoc venire præsumat, vt illis Romanis, quos ad hanc electionē
per constitutionem sanctorum Patrum antiqua admisit con-
suetudo, aliquod faciat impedimentum. Quod si quis contra
hanc nostram institutionem ire præsumperit, exilio tradatur.

Insuper vt nullus Missorum nostrorum cuiuscunque im-
peditionis argumentum componere in præfatam electionem
audeat, prohibemus. Nam & hoc omnimodis instituere pla-
cuit, vt, qui semel sub speciali defensione Domni Apostolici,
sive nostra, fuerint suscepti, impetrata iustè vtātur defensione.
Quod si quis quenquam illorum, qui hoc promeruerunt, vio-
lare præsumperit, sciat se periculum vitæ suæ esse incursum.

Illud etiam confirmamus, vt domno Apostolico iustam in
omnibus seruent obedientiam, siue Ducibus, ac Iudicibus suis
ad iustitiam faciendam. Huic enim institutioni hoc necessariò
annektendum esse perspeximus, vt Missi Domni Apostolici,
seu nostri semper sint constituti, qui annuatim nobis, vel filio
nostro renunciare valeant, qualiter singuli Duces, ac Iudices
populo iustitiam faciant. Hanc Imperialem constitutionem
quomodo obseruent qui Missi, decernimus, vt primùm cun-
ctos clamores, qui per negligentiam Ducum, seu Iudicum fue-
rint inuenti, ad notitiam Domni Apostolici deferant. Et ipse
vnum è duobus eligat, aut statim per eosdem Missos fiant ipsæ
necessitates emendatæ, aut Misso nostro nobis renūciante, per
nostros Missos à nobis directos emendentur.

Hoc vt ab omnibus fidelibus sanctæ Dei Ecclesiæ, & nostris
firmum esse credatur, propriæ manus signaculo, & nobilium
optimatum nostrorum subscriptionibus hoc pactum confir-
mationis nostræ roborauimus, & bullæ nostræ impressione
obsignari iussimus.

✠ *Signum Domni Ottonis serenissimi Im-
peratoris, ac suorum Episcoporum, Abbatum,
& Comitum, &c.*

Anno

Anno Dominicæ Incarnationis nongentesimo sexagesimo secundo, Indictione quinta, mense Februarij, decimotertio die eiusdem mensis, anno verò domini Ottonis Imperij inuictissimi Imp. vigesimo septimo, facta est hæc pactio feliciter.

ANNOTATIO.

Negregio Chronico Monasterij Reicherspergensis, quod nuper adeptus sum beneficio nobilis & clarissimi viri, Domini Christophori Gebvvaldi, l. V. D. Serenissimo Boiorum Duci Maximiliano, &c. à consiliis & secretis, fit mentio huius Constitutionis Ottonianæ his verbis: Constitutio Ottonis Magni Imperatoris cum Romanis Pontificibus; vt nullus missorum nostrorum cuiuscunque impeditionis argumentum in electione Romani Pontificis componere audeat, omninò prohibemus. Item; in electione Romanorum Pontificum, neque liber aut seruus ad hoc venire præsumat, vt vel Romanis, quos ad hanc electionem sanctorum Patrum antiqua admisit consuetudo, aliquod faciat impedimentum. Quod si quis contra hanc nostram constitutionem præsumperit, exilio tradatur.

CAPVT SEXTVM.

Diploma Henrici I. Imperatoris & Regis II. Eiusdem propemodum sententia, cuius constitutio Othonis I. Ex Card. Baronio Tom. XI. Anno Christi M. XIV.

Inscritur hoc Diploma Goldastus Calvisius. Vide Defensionem Baron. cap. 22.

EXEMPLVM priuilegij Henrici Imperatoris de Regalibus B. Petro concessum.

In nomine d Domini Dei d omnipotentis Patris, & Filij, & Spiritus sancti. d Ego Henricus Dei gratia Imperator Augustus spondeo, atque promitto per hoc pactum confirmationis nostræ, tibi B. Petro principi Apostolorum, & clauigero regni calorū, & per te Vicario tuo Domno Bene-

d deest. d deest. Amen. varia lectiones sunt ex Baronio, sed ex diplomatis superioribus Caroli,

Ludonici &
Othonis facili
est omnium
correctio.

d sen.
d pertinenti-
sibus.
d Caram.
d Maturanū.
d Gallicense.
b Ameliam.
d Tudertum.
b maiore,
& minore.
d omnibus
Vrbibus.
d pertinenti-
bus, nec non
& opidis.
a b c domus
ubique.
d paginam
gratiam.
c d Pompilij.
d Comaclum.

d Piusaurum.
d Auximum.
d Esium.
d Balnense,
ac Baluense.
c Callis, Tu-
cēolos.

d Ferentia-
strum.
c Pledum.
d Roscellas.
c Alunis.
d deest.

Benedicto summo Pontifici, & vniuersali Papæ, sicut à præde-
cessoribus vestris vsque nunc in potestate vestra, ac ditione re-
nuistis, & disposuistis, ciuitatem Romanam cum Ducatu suo,
& suburbanis, atque viculis omnibus, & territoriis eius, mon-
tanis, ac maritimis litoribus, ac portubus, seu cunctis ciuitati-
bus, castellis, opidis, d ac viculis Tusciæ d partibus, id est, Por-
tum, Centumcellas, d Ceram, Bledam, d Maturianum, Sutrium,
Nepem, Castellum d Gallicense, Orthem, Polimartium, b Ame-
riam, d Tudam, Perusiam cum tribus insulis suis, b maiorem, &
minorem, Puluentim & Lacum, Narniam & Otriculum cum
omnibus finibus, & territoriis, ad supra dictas ciuitates perti-
nentibus; nec non & Exarchatum Rauennatem sub integrita-
te, cum d Vrbibus, ciuitatibus, d opidis & castellis, quæ piæ re-
cordationis a b c Dominus Pipinus, & Dominus Carolus, &
Dominus Ludouicus, & Otto, & itidem Otto filius eius, præ-
decessores videlicet nostri, B. Petro Apostolo, & prædecessori-
bus vestris iam dudum per donationis d paginam contulerūt,
hoc est, ciuitatem Rauennam, & AEmiliam, Bobium, Cese-
nam, Forum c d populi, Forum Liuij, Fauentiam, Imolam, Bo-
noniam, Ferrariam, d Comiacum, Adrianis atque Gabeillum
cum omnibus finibus, territoriis atque insulis, terra marique
ad supra dictas ciuitates pertinentibus: simul & Pentapolim,
videlicet Ariminum, d Pensaurum, Fanum, Senogalliam, An-
conam, d Ausimum, Humanam, d Esim, Forum Sempronij,
Montem Feltri, Vrbinum, & territorium d Baluense, c Callem,
Luciolis, & Eugubium cum omnibus finibus, ac territoriis ad
easdem ciuitates pertinentibus.

Eodem modo territorium Sabīnense, sicut à prædictis Im-
peratoribus, antecessoribus nostris, B. Petro Apostolo per do-
nationis scriptum concessum est sub integritate, & est in parti-
bus Tusciæ Longobardorum, castellum Felicitatis, Vrbem ve-
terem, Balneum Regis, d Ferenti, Viterbium, Orthem, Martam,
c Bledam, Tuscanam, Suanam, Populonium, d Roselles, cum
suburbanis, atque viculis, & omnibus territoriis, ac maritimis
opidis, seu finibus omnibus Itemque c Almus cum insula Cor-
fica in Suriano, deinde in montem Bardonis, d deinde in Ber-
ceto.

creto, exinde in Parma, deinde in Regium, exinde in Mantua,
 atque in monte Silicis, atque Prouincia Venetiarum, & Istria;
 nec non & cunctum Spoletanum Ducatum, seu Beneuentanū,
 vna cum Ecclesia sanctæ Christinæ posita propè * Papiam iux- * *Paduanam.*
 ta Padum IIII. milliario. Item in partibus Campaniæ, *d Sora, d Sora.*
 Arces, Aquinum, *d Arpinum,* Theanum, Capuam, nec non & *d deest.*
 patrimonium, ad potestatem, *d & ditionem vestram pertinen-* *d nostram, &*
 tia, sicut est patrimonium Beneuentanum & Neapolitanum, *d ditionem.*
 atque patrimonia Calabria superioris, & inferioris. De ciuita-
 te autem Neapolitana cum castellis, & territoriis, ac finibus &
 insulis sibi pertinentibus, sicuti ad *d easdem* aspicere *e viden-* *d Ecclesiam.*
 tur; nec non patrimonium *f Sicilia,* si Deus nostris illud tradi- *e videntur &*
 derit manibus. Simili modo ciuitatem Caietanam, & Fundū, *tenentur.*
 cum omnibus earum pertinentiis, *f in Sicilia.*

Super hoc confirmamus vobis *d Fuldense* monasterium, *d Fundense.*
 & Abbatis eius consecrationem, atq; omnia monasteria, Cur-
 tes & villas, quas in *d vltromontanis* partibus sanctus Petrus *d vltromonta-*
 habere dignoscitur, *d absq;* Aterna, Vumiteringa, siue VVilm- *rinus.*
 bach, quæ à sancti Petri Ecclesia per conuentionis paginam E- *d atq; Amen-*
 piscopo nostro Babenbergensi collatæ sunt: pro quibus saepe *scilicet Vmxi-*
 dictæ Ecclesiæ sancti Petri transferibimus, concedimus, & con- *ringa.*
 firmamus omnem illam terrā, *d quæ* inter Narniam, *d Teram-* *d quam.*
 nem, vel Spoletum ex regni nostri parte habuimus. *d Interam-*
nem &

Sub tuitione præterea S. Petri, & vestra, vestrorumque suc-
 cessorum prætaxatum *a* Episcopum Babenbergensem offeri- *a Episcopium.*
 mus, vnde sub *d pensionis* nostræ equum vnum album phale- *d nostra pensio-*
 ratum ex eiusdem loci Episcopo *d* vos annualiter suscepturos *nis debito.*
d sancimus. *d annuali-*
ter nos.
d sancimus.

Offerimus insuper, firmamus, & corroboramus tibi B. Pe-
 tro ac Vicario tuo Donno Benedicto, & Successoribus eius,
 prout bonæ memoriæ Papæ Ioanni, suisq; successoribus à præ-
 decessoribus nostris *b c d* Ottonibus factum, ciuitates, & opida *b c d factum est.*
 cum piscariis suis, Reatem, Amiternum, *d Furconem,* Nursiam, *d Furconium.*
 Baluam, & Marsiam, & alibi ciuitatem Teramnem cum perti-
 nentiis suis,

E

Has

d deest.

d deest.

bcd G.
e donationes.
a Palatium.
d deest.
d deest.

d pro tempore
de supra scri-
ptis.

b corroboramus.

* Hac corrigenda G. distinguenda sunt ex Bulla Ottonis, de qua cap. superiore.
d deest.

e tenemur.
d testamur.

Has omnes supradictas prouincias, vrbes & ciuitates, opida, atque castella, viculos ac territoria, simulque patrimonia pro statu regni d nostri, cunctoq; Christianorum populo conseruando, iam dictæ Ecclesiæ tuæ B. Petre, vicarioque tuo Benedicto ac successoribus eius, vsq; in finem seculi eo modo confirmamus, vt in suo detineant iure, d principatu atque ditione.

Simili modo per hoc nostræ delegationis pactum confirmamus donationes, quas pia recordationis Pipinus Rex, & postea Donnus Carolus excellentissimus Imperator, ac deinceps Ottones piissimi B. Petro Christi Apostolo spontanea voluntate contulerunt: nec nō & censum, bcd vel pensionem, seu cæteras e donationes, quæ annuatim in a Palatio Regis d Longobardorum inferri solebant, siue de Tuscia, siue de Ducatu Spoletano, sicut in supra scriptis donationibus continetur, d & inter sanctæ memoriæ Hadrianum Papam, & donnum Carolum Imperatorem conuenit, quando idem Pontifex d eidem de supra dictis Ducatibus, id est, Tuscano & Spoletano suæ auctoritatis præceptum confirmauit, eo scilicet modo, vt annis singulis prædictus census ad partem Ecclesiæ sancti Petri persoluatur, salua super eosdem Ducatus nostra in omnibus dominatione, & illorum ad nostram partem subiectione.

Ceterum sicut diximus, omnia suprascripta nomina ita ad vestram partem per hoc nostræ confirmationis pactum b corroborauimus, vt in vestro permaneant iure, principatu, atque ditione, & neque à nobis, neque à successoribus nostris, per quodlibet argumentum, siue machinationem in quacunque parte vestra potestas imminuatur, aut à vobis inde aliquid subtrahatur * de supradictis verò prouinciis, vrbibus, ciuitatibus, opidis, castris, viculis, territoriis, ac patrimoniis, nec non & pensionibus, atque censibus, sed potius omnia, quæ superius leguntur, id est, prouinciæ, ciuitates, vrbes, castella, opida, terræ, patrimonia, atque insulæ, censusque & pensiones ad partem Ecclesiæ B. Petri d Apostoli, atque Pontificum, in sacratissima Sede illius residentium, nos in quantum possumus, defensores esse e d teneamur, ad hoc vt eam illi ditionem ad vtendum, atque disponendum firmiter valeant obtinere, salua in omnibus pote-

potestate nostra, posterorumque nostrorum, secundum quod in pacto & constitutione, ac promissionis firmitate Eugenij Pontificis, successorumque illius continetur, ut omnis clerus, & vniuersi populi Romani nobilitas propter diuersas necessitates, & Pontificum irrationabiles erga populum sibi subiectum asperitates retundendas sacramento se obliget, quatenus futura Pontificum electio, quantum vniuscuiusque intellectus fuerit, canonicè & iustè fiat, & ut ille, qui ad hoc b c sanctum regimen eligetur, nemine d consentiente consecratus fiat Pontifex, priusquam talem in presentia Missorum nostrorum, seu vniuersæ generalitatis faciat promissionem pro omnium satisfactione, ac futura conseruatione, qualem Donnus, & venerandus spiritualis Pater noster Leo sponte fecisse dignoscitur.

d deest.

b c regimen Apostolicum. d contrarietas.

Præterea alia minora huic operi d inferendum præuidimus, videlicet, ut in electione Pontificum neque liber, neque seruus ad hoc venire præsumat, ut illis Romanis, quos ad hanc electionem per Constitutionem sanctorum Patrum d antiqua admisit consuetudo, aliquod faciat impedimentum. Quod si quis contra hanc nostram b institutionem venire præsumpsit, exilio tradatur.

d inferenda.

d aliqua.

b Constitutionem.

Insuper etiam, ut nullus Missorum nostrorum cuiuscunque impeditionis argumentum componere audeat in præfatam electionem, prohibemus. nam & hoc omnimodò instituere placuit, ut qui semel sub d spirituali defensione Donni Apostolici siue nostra fuerint suscepti, impetrata iustè utatur defensione. Quod si quis in quenquam illorum, qui hoc promeruerunt, violare præsumpserit, sciat se periculum vitæ suæ esse e incursum.

d speciali.

e incursum.

d in dominio.

Illud etiam confirmamus, d ut Donno Apostolico iustam in omnibus seruent obedientiam, seu Ducibus, & Iudicibus suis, ad faciendam iustitiam. Huic enim institutioni d hoc necessariò annectendum esse perspeximus, ut Missi Donni Apostolici, seu nostri semper sint constituti, qui annuatim nobis renunciare valeant, qualiter singuli Duces, ac Iudices populo iustitiam faciant. Hanc Imperialem Constitutionem quomodo obseruent, qui Missi, decernimus, ut primùm cunctos clamores, qui per negligentiam Ducum, vel Iudicum fuerint inuenti,

d deest.

E 2

ad

anuncies.

d deest.

e nostris.


*b signaculo, &
nobilissimorum
matum nostro-
rum subscri-
ptionibus.
c sigilli nostri.*

ad noticiam Donni Apostolici deferant, & ipse vnum è duobus eligat, aut statim per eosdem *d* Missos fiant necessitates emendatæ, aut Misso nostro nobis renunciente, per nostros Nuncios à nobis directos emendentur. Hoc vt ab omnibus fidelibus sanctæ Dei Ecclesiæ, *d* & *e* vestris firmum esse credatur, propriæ manus *b* signaculo hoc pactum Confirmationis nostræ roborauimus, & *c* sigilli impressione assignari iussimus.

ANNO TATIO.

Diploma hoc verbatim sermè conuenit cum Diplomate Ottonis Magni. de quo cap. superiore, quemadmodum etiam Ottonis Diploma multa communia habet cum Instrumento donationis factæ à Ludouico Pio Imp. Neque hoc mirum; nam cum posteriora diplomata plerunque priorum Confirmationes essent, iisdem, quibus priores, vtabantur verbis; & si quid noui concedebant, id itidem nouis verbis explicabant.


Porro huius Henriciani Diplomatis mentionem facit quoque Chronicon Reicherspergense, de quo supra his verbis: Constitutio Henrici Secundi (secundum vocat, quia fuit secundus Rex hoc nomine) cū Romanis Pontificibus: Vt nullus missorum nostrorum cuiuscunque impeditionis argumentum in electione Romani Pontificis componere audeat omninò prohibemus. Item; In electione Romanorum Pontificum neq; liber, neque seruus ad hoc venire præsumat, vt vel Romanis, quos ad hanc electionem sanctorum Patrum antiqua admisit consuetudo, aliquod faciat impedimentum. Quod si quis contra hanc nostram constitutionem præsumpserit, exilio tradatur.



CA.

CAPVT SEPTIMVM.

*Donatio Mathildis Comitisse facta Romana
Ecclesie, ex Domnizone de vita Mathildis
apud Baron. Tom. II. Anno salutis 1077.*



Ostendit Regem; per tres tenuit pia menses
Gregorium Papam, cui seruit, ut altera Martha,
Auribus intentis capiebat sedula mentis
Cuncta Patris dicta, ceu Christi verba Maria,
Propria Clauigero sua subdidit omnia Petro,
Tanitur est calis suis hares, ipsaq; Petri,
Accipiens scriptum de cunctis Papa benignus.

*Hac de donatione Mathildis Auctor, qui tunc viuens, etiam presens adesse
potuit. Sed eiusdem temporis scriptor syncre fidei Leo Ostiensis Episcopus, de
eadem donatione hac habet:*

Anno Dominicæ Incarnationis * M. LXX. IX. Mathilda * M. LXX. VII.
Comitissa, Henrici Imperatoris exercitum timens, Liguriam,
& Tusciam prouincias Gregorio Papæ, & S. Romanæ Ec-
clesiæ deuotissimè obtulit. Vnde in primis causa se-
minandi inter Pontificem, & Impera-
torem odij initium
fuit, &c.



CAPVT OCTAVVM.

*Litteræ Ludonici Palatini Rheni & Electoris,
quibus ratificatur, quidquid Rudolphus
Imp. cum Pontifice Romano transegerat. Ex
Baronio Tom. 10. Anno Christi 996.*



VD OVICVS Dei gratia Comes Palatinus Rheni,
Dux Bauariæ, vniuersis præsentem paginam inspe-
cturis salutem in Auctore salutis.

*Vide Apolog.
Baronianam,
cap. 18.
Institutio Ele-
ctorum Imperij
à Sede Aposto-
lica.*

Completens ab olim sibi Romana mater Ec-
clesia, quadam quasi germana charitate Germaniam, illam co-
terrenæ dignitatis nomine decorauit, quod est super omne no-
men temporaliter tantum præsentium super terram, plan-
tans in ea principes tanquam arbores præelectas, & rigans illas
gratia singulari: illud eis dedit incrementum mirandæ poten-
tiæ, ut ipsius Ecclesiæ auctoritate suffulti, velut germen electum
per ipsorum electionem, illum qui frena Romani Imperij te-
neret, germinarent. Hic est illud luminare minus in firmamen-
to militantis Ecclesiæ, per luminare maius, Christi Vicarium,
illustratum. Hic est qui materiale gladium ad ipsius nutum
excudit, & conuertit, ut eius præsidio Pastorum pastor adiutus,
oues sibi creditas spirituali gladio protegendo communiar,
temporali refrenet, & corrigit ad vindictam malefactorum,
laudem verò credentium, & bonorum.

Vt igitur omnis materia dissensionis & scandali, seu etiam
rancoris occasio inter ipsam Ecclesiam & imperium auferan-
tur, & duo gladij in domo Domini constituti debito fœdere
copulati se ipsos exerceant: in vtilem reformationem regimi-
nis vniuersi, & nos in actu voluntatis & operis inueniamur filij
deuotionis & pacis, qui tam Ecclesiam quam Imperium con-
fouere tenemur: quidquid per Dominum nostrum Rodolphū
Dei gratia Romanorum Regem semper Augustum, sanctissi-
mo Patri & Domino nostro Nicolao Papæ Tertio, eiusdemque
successoribus, & ipsi Romanæ Ecclesiæ recognitum, confirma-
tum,

tum, ratificatū, innouatum, denuò donatū, declaratū siue concessum, iuratū, & actum, seu factū est per priuilegia, vel quæcunque alia scripta quorumcunq; tenorū super recognitionibus, ratificationibus, approbationibus, innouationibus, confirmationibus, donationibus, concessionibus, & factis seu gestis tam aliorum Imperatorum, & Regum Romanorum prædecessorum Regis eiusdem, quàm ipsius Regis super fidelitate, obedientia, honorificentia per Romanos Imperatores & Reges Romanis Pontificibus, & ipsi Ecclesiæ impendendis, ac possessionibus, honoribus & iuribus eiusdem Ecclesiæ, & nominatione super totam terram, quæ est à Radicofano vsq; Ceperanū, Marchia Anconitana, Ducatu Spoletano, terra Comitissæ Mathildis, ciuitate Rauennæ, & AEmilia, Bobio, Cesena, Foro populi, Foro Liuij, Fauentia, Imola, Bononia, Ferraria, Comaclo, Adrianis atque Gabello, Arimino, Urbino, Monte feretro, Territorio Balnensi, Comitatu Brethonorij, Exarchatu Rauennæ, Pentapoli, Massia trabaria cum adiacentibus terris suis, & omnibus aliis ad prædictam Ecclesiam pertinentibus, cum omnibus finibus, territoriis, atque insulis in terra mariq;que, prouinciis, ciuitatibus, territoriis ad loca prædicta quoquo modo spectantibus, nec non super ciuitate Romana, & Regno Siciliae cum omnibus ad eam spectantibus tam citra Pharum, quàm vltra, Corsica quoque, atque Sardinia, & cæteris terris, ac iuribus ad ipsam Ecclesiam pertinētibus, nos nostri nomine Principatus in omnibus, & per omnia approbamus, & ratificamus, ac iisdem omnibus & singulis, & quibuscunque aliis super iisdem per eundem Regem quoquo modo factis, & in posterum faciendis voluntatem nostram, assensum atque consensum vnanimiter, atq; concorditer exhibemus, & promittimus, quod contra promissa, vel aliquod promissorū nullo vnquam tempore veniemus: sed ea omnia, & singula pro posse nostro procurabimus inuiolabiliter obseruari.

Et vt hæc nostra voluntas, approbatio, ratificatio, assensus, consensus, atque promissio à nobis eisdem Romanis Pontificibus, & Ecclesiæ in perpetuum obseruentur, hoc præsens scriptum inde fieri fecimus, nostrorumq; sigillorum munimine robo-

roboratum. Actum & datum Anno Domini M. CC. LXXIX. Decimo quarto Kal. Aprilis, Indictione septima, regnante prædicto Domino nostro Rodolpho, Romanorum Rege glorioso, Regni eius anno sexto.

ANNOTATIO

CARD. BARONII.

Ne eandem sententiam & iisdem ferme verbis scripserunt ad Pontificem alij Electores, exstant enim litteræ Marchionis Brandenburgensis vnus ex Electoribus; quarum hic est titulus. Otto Marchio Brandenburgensis præsentem paginam inspecturis. Datæ autem, vt in fine habetur, anno millesimo ducentesimo septuagesimo nono pridie idus Septembris anno sexto Rodulphi Imperatoris. Aliæ Ioannis & Adalberti Ducû Saxonie, eodem titulo, datæque eodem anno, die verd, & mense diuerso, nempe decimo quarto Kal. Aprilis, &c. Extant ipsæ in scripto Codice eodem tempore vnâ cum aliis monumentis de donationibus, & priuilegiis à diuersis Romanæ Ecclesiæ collatis, quæ asseruantur seorsum à Vaticana Bibliotheca Romæ in Castello S. Angeli loco tutiori, vbi selecta maioris momenti monumenta recondita habentur, ne pereant.

Ex quibus litteris hoc etiam intelligimus, Electoralem dignitatem, ipsorum itidem Principum Electorum testimonio, à Sede Apostolica ad Germanos quosdam Principes peruenisse. Nebulas, quas Sectarij huic veritati offunderè nituntur, discimus in Defensione librorum de Translatione Imperij, & in Apologia Baroniana. Quod lectorem remittimus.

Illud silere nequeo, Auentinû & Onuphrij de origine Electorum sententiam, (quam Bellarminus refutat lib. 3. de Translatione Imperij) manifestè refelli ex Constitutione Rudolphi I. Habsburgij Anno 1290. pro Rege Bohemie, quod & ipse sit Elector, data. Nam cum hoc ius in dubium fuisset vocatum, ait Rudolphus, se, inquisitionis circumspectæ præhabita indagine, scrutinioque solerti indagasse, quid & quantum Iuris competat Regi Bohemie, in electione Regis Romanorum, futuri Imperatoris. Et se Principum, Baronum, nobilium & procerum Imperij nec non veteranorum communi assertione, & concordî testimonio assonante comperisse ipsum Regem Bohemie Imperij debere pincernâ.

exi-

existere, &c. additq; Rudolphus: Hæc verò iura Pincernatus & Electoratus, nedum dicto Regi & suis hæredibus didicimus competere, sed etiam suis progenitoribus abauis, atauis, proauis & auis purè plenissimè competeabant. Quæ sanè verba indicant Electoratum Septemviralem diu existisse ante Gregorium X. Pontif. Max. qui Pontificatum adeptus est Anno 1271. & ante Imperium Rudolphi; qui in Imperatorè electus est Anno 1273. teste Onuphrio in Chronico; si enim dignitas Electoralis fuit non modò penes auam Regis qui Bohemiam tenebat Anno 1290. sed & penes proauum, abauum, at auum, vt affirmat Rudolphus, plurimus annis non modò ante Rudolphum, sed & ante Innocentium III. Pontif. Max. Electores institutos fuisse oportet; nisi quis in eam absurditatem incidere vellet, vt diceret, auum, proauum, abauum & at auum Regis Bohemia, de quo Rudolphus loquitur, intra breue tempus vixisse; cum necessariò inter istos maiores longissimum temporis spatium interponendum sit.

In eodem Volumine fol. 91. exstat diploma Ruperti Comitis Palatini Rheni & Bauaria Ducis, scriptum Anno 1356. in quo idem argumētum tractatur, nempe Electoratum Regi Bohemia competere: Inter cetera ita loquitur Palatinus. Nulla sit iuris vel facti dubietas, quia ipse ab atauis, proauis, auis, & progenitoribus suis ad instar nostri, & quorumlibet aliorum coelectorū Principum in electione Romani Regis ad Imperium promouendi pleno iure fructus sit hætenus, & fruatur, sicut hoc luce clarius semper apparuit ab eo tempore, cuius apud homines memoria non existit. *Infra*: Publicè profitemur, quòd, &c. Boemia Reges ab atauis, proauis, & progenitoribus suis, ab eo tempore, cuius apud homines, &c. memoria non existit, habuerunt continuò, habent & habere debent ius & vocem plenè, & omnimodè ad instar nostri & aliorum comprincipum, &c. in electione Romanorum Regis ad Imperium promouendi, &c.

Vbi iterum vides, Regi Bohemia ab auis, proauis & atauis, à tempore cuius memoria non exstet, ius Electorale competere, vt proinde necesse sit Electorum institutionem Pontificatum Gregorij X. & Rudolphi I. Regnum longè excedere: nam ab Anno 1271. & 1273. vsq; ad Annū 1356. non fuit tempus immemoriale, vt vocant, etiam secundum illos, qui immemoriale tempus spatium centum annorum circumscribunt. Vidi etiam apographum cuiusdam diplomatis Rudolphi hoc nomine primi, quod datum est Augustæ

F

Anno

Anno Domini 1275. Regni Rudolphi Secundo, in quo asseritur ius eligendi Romanorum Regem competere Ducibus Bauariæ Ex ANTIQVO. Ergo tempore Rudolphi Electoratus non erat res noua. At noua res fuisset, si sententia Auentini & Onuphrij vera esset.

CAPVT NONVM.

*De Diplomate Alberti Imperatoris, Cardin.
Baronius Tom. 10. Anno 996.*



EXISTANT in Castro S. Angeli littera data ab Alberto Imp. quibus describitur Iuramentum fidelitatis ab eo exhibitum Bonifacio Octauo Romano Pontifici, & continetur confirmatio & ratificatio priuilegiorum omnium per alios predecessores Imperatores Ecclesiæ Romanæ concessorum. Recognoscit inprimis ut gratus, Romanum Imperium per Sedem Apostolicam à Græcis in Germanos translatum, ac ab eadem ius eligendi Electoribus esse concessum. his subiicit iuramentum fidelitatis solitis formulis exhiberi consuetum. Addit his confirmationem iuramenti pariter fidelitatis exhibiti à patre suo Rodulpho, & alia omnia ab aliis omnibus Imperatoribus præstita. Confirmat itidem priuilegia ab eodem Rodulpho, & aliis Imperatoribus eidem Ecclesiæ Romanæ concessa. Ratificat quæ statuta, & iurata fuerant per Ludouicum Imperatorem Paschali Papæ, & per Ottonem Ioanni Pontifici. Et post reuerentiam patri exhibitam, & filialem amorē insinuatam, Ecclesiæ iura defendit, primatum & libertatem eiusdem Ecclesiæ proficetur defensurū aduersus quoscunque eiusdem perturbatores, aduersus quos bella mouere, si opus sit, pollicetur, spondens suum cum exercitu in Italiam aduentum, si placeat. Datum verò habetur apud Noremberg, Anno Domini M. CCC. III. Indictione prima, decimosexto Kalend. Augusti: Regni verò anno quinto: sed, quæ ad rem spectant (ut promissimus) sic verbatim accipe ab eius exordio, cum isto titulo præfixo diplomati.

Littera Alberti Imp. ad Bonifacium VIII.

Pontificem Max.



Sanctissimo in Christo Patri, & Domino nostro, Domino Bonifacio, diuina prouidētia sacrosanctæ Romanæ, ac vniuersalis Ecclesiæ summo Pontifici, Albertus

bertus Dei gratia Romanorum Imperator semper Augustus,
deuota pedum oscula beatorum.

Profitetur, beatissime Pater, me bonorum omnium largi-
tori, ac vobis, ac sanctæ Ecclesiæ tuæ fore pro innumeris mise-
ricordiis, & immensis beneficiis obligatum. Profitetur, quod
desiderij mei recepi desideratum effectum, & diffiteri non au-
deo, quod & plus quàm desiderasse sciuerim, adinueni: mirans
sic in præteritis esse prouisum, quod de iis, quæ circa talia in fu-
turo peti poterant, spes miserationis habetur.

Assurgens itaque Deo, & sanctitati vestræ, ac eidem Eccle-
siæ Matri meæ ad gratiarum deuotissimas, & humillimas actio-
nes, totum me deuoueo, totum me offero, & expono ad grati-
ficationis debitum, per omnia in quantum humanæ imbecil-
litis condicio paritur exoluendum.

Ad hæc, licet pridem, antequam circa negotium electionis
de me ad Romanum Regnum & Imperium celebratæ, ac alia,
quæ in hac parte incumbabant, esset per sanctitatis vestræ be-
neficientiam mei status essentia solidata, fecerim infra scripta,
& super his meas beatitudini vestræ literas duxerim destinan-
das, ac in soliditate huiusmodi procuratores mei ad hoc speci-
aliter constituti, & in vestra præsentia renouauerint: Ecce nunc
tamen, ut gratus reddar, & ipsa in maiori firmitate procedant,
illa duxi præsentibus innouanda.

Recognoscens igitur quòd Romanum Imperium per Se-
dem Apostolicam de Græcis translatum est in persona magni-
fici Caroli in Germanos, & quod ius eligendi Romanorum Re-
gem in Imperatorem postmodum promouendum, certis Prin-
cipibus Ecclesiasticis & secularibus est ab eadem Sede conces-
sum, à qua Reges & Imperatores qui fuerunt, & erunt pro tem-
pore, recipiunt temporalis gladij potestatem ad vindictam ma-
lefactorum, laudem verò bonorum; pia deuotione & sincero
corde profiteor, quòd Romanorum Reges in Imperatores post-
modum promouendi per Sedem eandem, ad hoc potissimè, &

specialiter assumantur, ut sint sanctæ Romanæ Ecclesiæ

aduocati, Catholicæ fidei, ac eiusdem Eccle-
siæ præcipui defensores, &c.

CAPVT DECIMVM.

*Friderici II. Imp. Ratificatio & confirmatio
omnium donationum, quæ ab antegressis
Regibus & Imperatoribus Ecclesiæ Roma-
næ liberaliter facta sunt. Ex Baronio Tom.
II. Anno Christi 1097. N. 71.*



N nomine sanctæ & indiuiduæ Trinitatis Amen.
Fridericus, diuina fauente clemētia, Romanorum
Rex, & semper Augustus, & Rex Siciliæ.

Regnum nostrum tunc stabiliri confidimus,
cū Altissimum, de cuius manu ea, quæ possidemus, bona re-
cipimus, honoramus. Tanto enim Domino, qui bona tribuit
nobis, ad offerendas hostias operis, & deuotionis astringimur,
quātō ipsum misericordem in nobis, & mirabilem experimur.
Cognoscentes igitur gratiam, quæ data est nobis ab ipso; ha-
bentes quoque præ oculis immensa, & innumera beneficia ve-
stra, Domine, & reuerentissime Pater, protector, & benefactor
noster, domine Innocenti, Dei gratia summe Pontifex vene-
rande, per cuius beneficium, operam & tutelam aliti sumus,
protecti pariter & promoti, postquam in sollicitudinem nostrā
mater nostra, felicitis memoriæ, Constantia Imperatrix, & Sici-
liæ Regina ex ipso quasi vtero nos iactauit; vobis, beatissime
Pater, & omnibus successoribus vestris Catholicis sanctæ quæ
Romanæ Ecclesiæ speciali matri nostræ omnem obedientiam,
honorificentiam, atque reuerentiam semper humili corde, ac
deuoto spiritu impendimus, quam prædecessores nostri Re-
ges, & Imperatores Catholici vestris antecessoribus impendis-
se noscuntur; nihil exinde volentes diminui, sed magis augeri,
vt maior deuotio enitescat.

Illum igitur volentes abolere abusum, quem quidam præ-
decessorum nostrorum exercuisse dignoscuntur, decretum in
electionibus Prælatorum; concedimus & sancimus, vt electio-
nes

nes Prælatorum liberè & canonicè fiant; quatenus ille præficiatur Ecclesiæ viduatæ, quem totum Capitulum, vel maior, & sanior pars ipsius duxerit eligendum, dummodò nihil desit ei de Canonicis institutis.

Appellationes autem in negotiis, & causis Ecclesiasticis ad Sedem Apostolicam liberè fiant; earum persecutionem siue processum nullus impedire præsumat.

Illum quoque dimittimus, & refutamus abusum, quem in occupandis bonis decedentium Prælatorum, aut etiam Ecclesiarum vacantium nostri consueuerunt antecessores committere pro motu propriæ volûtatis. Omnia nos spiritualia vobis, & aliis Ecclesiarum Prælatis relinquimus liberè disponenda, ut quæ sunt Cæsaris Cæsari, & quæ Dei Deo recta distributione reddantur.

Super eradicando autem hæreticæ prauitatis errores auxilium dabimus, & operam efficacem.

Possessiones etiam, quas Ecclesia Romana recuperauit, ab antecessoribus nostris, seu quibuslibet aliis ante detentas, liberas, & quietas tibi dimittimus, & ipsam ad eas obtinendas bona fide promittimus adiuuare. Quas verò nondum recuperauit, ad recuperandum erimus pro viribus adiutores: & quæcunque ad manus nostras deuenient, sine difficultate, ac mora, eas restituere sagatemus. Ad has pertinet tota terra, quæ est à Radicofano vsque Ceperanum, Marchia Anconitana, Ducatus Spoletanus, terra Comitissæ Mathildis, Comitatus Bertinorij, Exarchatus Rauennæ, Pentapolis, Massa Trebaria cum adiacentibus terris, & omnibus aliis ad Romanam Ecclesiam pertinentibus cum omni iurisdictione, districtu, & honore suo.

Veruntamen cum ad recipiendum coronam Imperij, vel pro necessitatibus Ecclesiæ ab Apostolica Sede vocati venerimus, de mādato summi Pontificis recipiemus procuraciones, siue Fodrum ab ipsis. Omnia igitur supra dicta, & quæcunque alia pertinent ad Romanam Ecclesiam, de voluntate & conscientia, consilio & consensu Principum Imperij liberè illi dimittimus, renunciamus, & restituimus; nec non ad omnem scrupulum remouendum, prout melius valet & efficacius in-

telligi, concedimus, conferimus, donamus, vt sublata omni contentione, & diffensionis materia, firma pax & plena concordia in perpetuum inter Ecclesiam & Imperium perseueret.

Adiutores etiam erimus ad retinendum, & ad defendendum Ecclesie Romanæ regnum Siciliae, cū omnibus ad ipsum spectantibus tam citra Pharus, quàm vltra, nec nō Corsicam, & Sardiniam, ac cetera iura, quæ ad eam pertinere noscuntur, tanquam deubrus filius, & Catholicus Princeps.

Vt autem hæc omnia memorato sanctissimo Patri nostro Domino Innocentio, sacrosanctæ Romanæ Ecclesie summo Pontifici, eiusque successoribus per nos, & nostros successores Romanorum Reges & Imperatores obseruentur, firma & inconvulsa semper permaneant; præsens priuilegium conscriptum, maiestatis nostræ aurea bulla iussimus communiri. Testes autem sunt hi, &c.

Acta sunt hæc anno Domini nostri Iesu Christi millesimo ducentesimo decimo tertio, Indictione prima, regnante Domino Friderico Secundo Romanorum Rege glorioso, & Regis Siciliae, anno regni eius Romani primo, regni verò eius Siciliae decimo sexto.


Datum apud Egram per manus Bertholdi de Nife, regalis aulae Protonotarij, quarto Idus Iulij.

Rursum verò post annos sex, inquit Baronius, huic per omnia similem Auream bullam dedisse reperitur Honorio Papæ Tertio, totidem verbis conceptam, quæ in nominatis codicibus extat: in qua post testes descriptos hæc leguntur:

Acta sunt hæc anno Incarnationis Domini millesimo ducentesimo decimo nono, mense Septembris, Indictione octaua, regnante Domino Friderico Secundo Romanorum Rege glorioso, regni ipsius in Germania sexto, & in Sicilia vigesimo secundo feliciter, Amen.

* Hagenann.

Datum apud * Agnou, per manus Henrici regalis aulae Protonotarij, anno, mense & Indict præscriptis.



CA.

CAPVT XI.

Catalogus Regnorum & Principatum S. Petro & Ecclesie Romanæ olim tributariorū.

HACTENVS de donationibus Apostolicæ Sedi factis ab Imperatoribus, Regibus, alijsq; Principibus. Ex quibus liquidò apparet, Imperatores, Reges ac Principes non habuisse Pontificem Romanum pro Antichristo; nec Urbem vel Curiam Romanam pro tali officina, qualis à quibusdam superioris memoria Schismaticis, & Hæreticis, vel Orthodoxis quidem, sed turbulento ingenio & sinistro sidere natis, itemque à nostra tempestatis Nouatoribus depingitur; quorum insane in Papam, Romam, & Curiam Romanam debacchationes non iniuria clarissimorum & potentissimorum Imperatorum, Regum ac Principum iudicio posthabentur.

Nunc eorundem de Sede Petri honorificum sensum etiam aliunde ostendamus, & primū inde; quòd multi Regum sua Regna S. Petro pietatis causa tradiderunt, eaque à Vicario Christi, & S. Petri successore, quasi quædam Feuda accipere voluerunt. II. Quòd suis in Regnis annuam pensionem sancto Petro persoluendam constituerunt, eaq; Sedi Apostolicæ tributaria effecerunt. III. Quòd Regum nonnulli, Regia dignitate & corona non nisi à Sede Apostolica insigniri voluerunt. Singulorum exempla suppeditabunt tibi sequentia partim Diplomata, partim veterum Scriptorum testimonia.

CAPVT XII.

Regnum Rusciæ.

DE hoc testem habemus Gregorium VII. lib. 2. Regesti Epist. 74. quæ talis est: Gregorius Episcopus seruus seruorum Dei, Demetrio Regi Russorum, & Reginae uxori eius, salutem & Apostolicam benedictionem.

Filius vester limina Apostolorum visitans ad nos venit, & quòd regnum illud dono sancti Petri per manus nostras vellet obtinere, eidem B. Petro Apostolorum Principi debita fidelitate exhibita, deuotis precibus postulauit, indubitanter asseuerans


uerans illam suam petitionem vestro consensu ratam fore ac stabilem, si Apostolicæ auctoritatis gratia, ac munimine donaretur. Cuius votis & petitionibus, quia iusta videbantur, tum ex consensu nostro, tum ex deuotione poscentis, tandem assensum præbuimus, & regni vestri gubernacula sibi ex parte B. Petri tradidimus, ea videlicet intentione, atq; desiderio charitatis, vt B. Petrus vos & regnum vestrum, omniaq; vestra bona, sua apud Deum intercessione custodiat, & cum omni pace, honore quoque & gloria idem regnum vsq; in finem vitæ vestræ tenere vos faciat, & huius militiæ finito cursu, impetret vobis apud supernum regem gloriam sempiternam. Quin etiam nos paratissimos esse nouerit vestræ nobilitatis serenitas, vt ad quæcunque iusta negotia huius sedis auctoritatem pro sua necessitate petierit, proculdubio continuò petitionum suarum consequetur effectum.

Præterea vt hæc & alia multa, quæ literis non continentur, cordibus vestris arctius infigantur, misimus hos nuncios nostros, quorum vnus vester notus est & fidus amicus, qui & ea quæ in literis sunt diligenter vobis exponet, & quæ minus sunt, viuâ voce explebunt. Quibus pro reuerentia B. Petri, cuius Legati sunt, vos mites & affabiles præbeatis; & quidquid vobis dixerint, ex parte nostra patienter audiat, atque indubitanter credatis: & quæ ibi ex auctoritate Apostolicæ Sedis negotia tractare voluerint, & statuere, nullorum malo ingenio turbari permittatis, sed potius eos sincera charitate fauendo iuuetis. Omnipotens Deus mentes vestras illuminet, atque per temporalia bona faciat vos transire ad gloriam sempiternam. Dat. Romæ 15. Kal. Maij, Indictione decima tertia.

Haftenus Epistola Gregorij VII. à nobis recitata, inquit Baronius Anno 1075. vt eo exemplo intelligatur, quomodo contigerit plura regna oblatæ reperiri Apostolicæ Sedi. Christiana Regum pietas efficiebat, vt persuadentes sibi illi, magis protectione S. Petri Principis Apostolorum, quàm armis regna defendi; offerrent illa eidem sancto Petro, à quo & per successorem ipsius Romanum Pontificem acciperent illa in feudum, præstito iuramento fidelitatis eidem. Iactatum bellorum fluctibus Demetrium ipsum Regem Russorum
Lam-

Lambertus in Chronico hoc eodem anno demonstrat, dum eum ad Henricum Regem pro auxilio contra fratrem venisse tradit.

CAPVT XIII.

Regnum Croatiae & Dalmatiae.

EX Synodo habita in Dalmatia à Legatis VII. Papae Gregorij, scilicet à Gebizone, tunc monasterij sanctorum Bonifacij & Alexij Abbate, nunc verò Casenate Episcopo, nec non à Folcuino Fori Sempronij Episcopo, quae Synodus habetur in Archiuo sacri Palatii Lateranensis, in qua de regno, & de rege Dalmatia ita inter cetera legitur.

In nomine sanctae, & indiuiduae Trinitatis, anno Dominae Incarnationis millesimo septuagesimo sexto, Indictione decima quarta mense Octobris. Ego Demetrius, qui & Suinmur nuncupor, Dei gratia Croatiae, Dalmatiaeque Dux, à te Domine Gebizo, ex Apostolicae Sedis Legatione Domini nostri Papae Gregorij potestatem obtinente, in Salonitana Basilica sancti Petri synodali & concordì totius Cleri & populi electione, de Croatarum, Dalmatinorumque regni regimine per vexillum, ensen, sceptrum & coronam inuestitus atque constitutus Rex, tibi deuoueo, spondeo, & polliceor, me incommutabiliter completurum omnia, quae mihi tua reuerenda iniungit sanctitas, videlicet, vt in omnibus, & per omnia Apostolicae Sedi fidem obseruem, & quidquid hic in regno tam Apostolica Sedes, quam sui Legati sanxerunt, aut sanxerint, irreuocabiliter custodiam, iustitiam excolam, ecclesias defendam, primitiae, decimae, omniumque ad Ecclesiam pertinentium procurator existam, vitae Episcoporum, presbyterorum, diaconorum, subdiaconorumque, vt castè, & regulariter viuant, prouideam; pauperes, viduas, atque pupillos protegam, parentele illicitam copulam destruens, legitimam dotem annulo, sacerdotisque benedictione constituam, & constitutam corrumpi non permittam, hominum venditioni contradicam, atque in omnibus, quae ad reuerentiae statum congruunt, Deo auctore, me aequè exhibeam.

G

Ducen-

Ducentorum quoque Byzantiorum tributum meorum omnium consultu Primatum, sancto Petro per singulos annos in Resurrectione Domini de mihi concessio regno persoluen- dos statuo. Et ut post me regnaturi hoc idem perpetuò seruent, censeo, corroboro, atque sancio. Dono insuper, concedo atque confirmo Apostolicæ Sedi sancti Gregorij monasterium, cui Vrana est vocabulum, cum omni suo thesauro, scilicet cum capsa argentea, reliquias sacri corporis eiusdem beati Gregorij continente, cum duabus crucibus, cum calice & patena, cū duabus coronis aureis gemmis ornatis, cum Euangeliorum textu de argento, cumque omnibus suis mobilibus & immo- bilibus bonis, ut sancti Petri Legatis semper sit ad hospitium, & omninò in potestate eorum. Hoc tamen interposito tenore, ut nulli alij potestati detur, sed omni tempore sancti Petri sit pro- prium, & à me, meisque successoribus defensum, atque ab om- ni homine liberum & securum,

Cuiuscunq; autem audacia temerario ausu præfatum mo- nasterium ex assignato thesauro priuauerit, terribilem illam Iudicis vocem, quam diabolus cum suis angelis auditurus est, audiat.

Præterea, cum Deo seruire regnare sit, vice beati Petri, & Domini nostri Papæ Gregorij, atque post se sessurorum in A- postolica Sede, me tuis manibus committo, & commendo, hanc fidelitatem Sacramento stabilio. Ego, *inquam*, Demetrius, qui & Suinmur, Dei gratia Apostolicæ Sedis dono Rex, ab hac hora in antea sancto Petro & Domino meo Papæ Gregorio, suisque successoribus canonicè intrantibus ero fidelis: & ut ip- se, siue post eum futuri Pontifices, siue Legati eorum vitam, aut membra perdant, aut capiantur, neque in consilio, neque in facto ero, & consilium quod mihi crediderint, ad illorum da- mnum scienter nulli intimabo. Regnum autem, quod mihi per manum tuam, domine Gehizo, traditur, fideliter retinebo, & illud, suumque ius Apostolicæ Sedi aliquo ingenio aliquan- do non subtraham. Dominum meum Papam Gregorium, & suos

suos successores, atque Legatos, si in meam potestatem venerint, honorificè suscipiam, & honestè tractabo, & remittam, & vndecunque me inuitauerint, prout potero, eis simpliciter seruiam.

Hanc Regi Croatia & Dalmatia professionem & voluntatis sua erga Sedem Apostolicam testificationem descripsit Baronius Tomo 11. Anno Redemptoris 1076. Ex Codice, qui Centius Camerarius inscribitur de Centibus Sedis Apostolica. Recitat eandem Augustinus Steuchus lib. 2. de Donatione Constantini contra Vallam.

CAPVT XIV.

Regnum Aragonia.




ICYET hoc ex diplomate Petri Arragonum Regis; quod recitatur à Card. Baronio Tom. 11. Anno Christi 1097. N. 105. & est tale. Cum corde credam, & ore confitear, quòd Romanus Pontifex, qui est beati Petri successor, Vicarius sit illius, per quem Reges regnant, & Principes principantur, qui dominatur in regno hominum, & cui vult, dat illud: Ego Petrus Dei gratia Rex Aragonum, Comes Barchinonensis, & Dominus Montis Pessulani, cupiens principali post Deum beati Petri, & Apostolicæ Sedis protectione muni-ri: Tibi, reuerentissime Pater, & Domine summe Pontifex Innocenti, & per te sacrosanctæ Romanæ Apostolicæ Sedi offero regnum meum, illudque tibi & successoribus tuis in perpetuum diuini amoris intuitu, & pro remedio animæ meæ, & progenitorum meorum constituo censuale, vt annuatim de Camera Regis ducentæ quinquaginta massæ mutinæ Apostolicæ Sedi reddantur, & ego, & successores mei specialiter ei fideles, & obnoxij teneamur.

Hoc autem lege perpetua seruandum fore decerno ; quia spero firmiter, & confido, quod tu, & successores tui, me, ac successores meos, & regnum prædictum Apostolica auctoritate defendetis : præsertim cum ex multo deuotionis affectu me ad Sedem Apostolicam accedentem tuis, quasi B. Petri manibus, in Regem solenniter coronandum voluisti. Vt autem hæc regalis concessio inuiolabilem obtineat firmitatem : de consilio procerum Curie meæ, præsentē venerabili patre meo Arclatenſi Archiepiscopo, & Sancio patruo meo, & Hugone de Bauccio, & Arnaldo de Fociano Baronibus meis, sigilli mei feci munimine roborari. Actum Romæ apud S. Petrum, anno Incarnationis Dominicæ millesimo ducentesimo quarto, quarto Idus Nouembris anno regni mei octauo.

CAPVT XV.

Etiam cætera Hispaniæ Regna antiquitus pertinebant ad ius Ecclesiæ Romanæ.



EST Iſ Gregorius VII. Pontif. Max. lib. 4. Regesti Epist. 28. cuius exordium. Gregorius Episcopus seruus seruorum Dei, Regibus, Comitibus, cæterisque Principibus Hispaniæ salutem & Apostolicam benedictionem. Et post multa tandem hæc subiungit Pontifex. Præterea notum vobis fieri volumus, quod nobis quidem tacere non est liberum, vobis autem non solum ad futuram, sed etiam ad præsentem gloriam valde necessarium, videlicet regnum Hispaniæ ex antiquis constitutionibus B. Petro & sanctæ Romanæ Ecclesiæ in ius & proprietatem esse traditum. Quod nimirum hætenus, & præteritorum temporum incommoda, & aliqua antecessorum nostrorum occultauit negligentia.

Nim postquam regnum illud à Saracenis & paganis peruasum est, & seruitium, quod B. Petro inde solebat fieri, propter infidelitatem eorum, & tyrannidem detentum, ab usu nostrorum Ioannis interceptum est: pariter etiam rerum & proprietatis memoria dilabi cœpit. Verum quia diuina clementia con-

concessa vobis in hostes illos, semperque concedenda victoria, terram in manus vestras tradidit, ulterius vos causam hanc ignorare nolumus, ne, quod supernus arbiter, & legum, ac iustitiae conditor de recuperanda, & restituenda iustitia & honore sancti Petri, eiusque Sanctae & Apostolicae Sedis, vestrae gloriae ad benemerendum contulit, aut nobis ex taciturnitate in negligentiae culpam, aut vobis ex ignorantia (quod absit) ad detrimentum propositae, & diuinitus oblatae retributionis obueniat. Confidimus enim in misericordia Dei, qui virtutem vobis dedit & victoriam, ut hanc etiam voluntatem vobis tribuat, quo cognita veritate potius statuta Christianorum Principum & exempla sequamini, quam eorum impietatem, qui Christianum nomen magis cupiunt persequi, quam venerari.

Misimus autem ad nos confratrem nostrum amatum venerabilem Ellorensem Episcopum, cui & vicem nostram ad partes illas dedimus, adiungentes sibi hunc Abbatem sancti Pontij, virum venerabilem, fide & morum honestate probatum, ut quod nos de insinuatione huius causae, vestrae celsitudini succincte scripsimus, ipsi vobis (si necesse sit) latius, apertiusque manifestent, & quantum ratio postulauerit, notitiam veritatis praesenti denuntiatione, & certa assertionem demonstrent. Quorum consiliis in his quae ad Dominum pertinent, & saluti animarum vestrarum necessaria sunt indubitanter potestis credere, sicut nos in ipsis per studium religionis, & actuum suorum comprobauimus, & vos in eorum poteritis conuersatione perpendere.

Igitur quod ad nos pertinuit, aut prouidendum ex officio, aut satisfaciendo iustitiae debito, Deo miserante, fecimus, quod vestrae causa salutis a vobis exigit, & quantum Petro Apostolorum Principi debeatis, indicauimus, ne ignorantia obsit, nec sub vana securitate labentis lucis, & temporis damnosa vobis (quod absit) subrepat negligentia. Vos autem, quid vestrum sit, attendite, quid fides & Christiana deuotio vestri principatus ad imitationem piissimorum Principum exequi debeat, prudenti consilio pertractate, disponite, atque statuite: & ita vos erga honorem B. Petri & sanctae matris Romanae Ecclesiae

promptos, atque magnificos exhibete, vt vestra virtus & gloria, quæ Deo donante illustri victoria pollet, Apostolicis intercessionibus clarior fiat & excelsior, vt eorum vos semper benedictio muniat, auctoritas à peccatis absoluat, defensio tutos & illæsos ab omni periculo protegat, quorum potestate diuinitus illis tradita vniuersitas hominum tam in cælo, quàm in terra ligatur, & soluitur, & cælestis regni ianua cunctis aperitur & clauditur. Dat. Carpinetæ 4. Kalend. Iulij, Indictione decima quinta.

Aliam eiusdem sententiæ Epistolam scripsit Gregorius VII. Anno primo sui Pontificatus. Et est Epistola septima lib. 1. Regesti.

Gregorius in Romanū Pontificem electus, omnibus Principibus in terram Hispaniæ proficisci volentibus perpetuam salutem in Domino Iesu Christo.

Non latere vos credimus, regnum Hispaniæ ab antiquo proprii iuris sancti Petri fuisse; & adhuc (licet diu à Paganis sit occupatum) lege tamen iustitiæ non euacuata, nulli mortaliū; sed soli Apostolicæ Sedi ex æquo pertinere. Quod enim, auctore Deo, semel in proprietates Ecclesiarum iuste peruenerit, manente ab eo abusu quidem, sed ab earum iure occasione transeuntis temporis, sine legitima concessione diuelli non poterit.

Itaque Comes Euulgus de Roceio, cuius famam apud vos haud obscuram esse putamus, terram illam ad honorem sancti Petri ingredi, & à Paganorum manibus eripere cupiens, hanc concessionem ab Apostolica Sede obtinuit, vt partem illam, vnde Paganos suo studio, & adiuncto sibi aliorum auxilio expellere posset, sub conditione inter nos factæ pactionis ex parte sancti Petri posideret. Quæ in re, & labore quicunque vestrum sibi adhærere voluerit, omni charitatis affectu communitus ergà honorem sancti Petri talem animum gerat, vt ab eo, & munitionis auxilia in periculis, & merita fidelitatis præmia securus accipiat. Si autem aliqui ex vobis seorsum ab illo propriis copiis eandem terram aliqua in parte intrare parauerint, decet, vt militiæ causam ex animi deuotione, quàm iustissimā sibi proponant, iam nunc omni voto concipientes, & ex corde statuen-


statuentes, ne capta terra, easdem, quas illi, qui nunc Deum ignorantes, eam occupant, iniurias sancto Petro faciant.

Hoc enim neminem vestrum ignorare volumus; quoniam nisi æqua pactione persoluedi iuris sancti Petri in regnum illud animaduvertere statueritis, potius vobis Apostolica auctoritate, ne illuc tendatis interdicens, contrā feremur, quā sancta, & vniuersalis mater Ecclesia idem à filiis suis, quod ab hostibus patiēdo, non iam proprietatis suæ, sed filiorum detrimento saucietur. Quamobrem hunc dilectum filium Hugonem & Cardinalem sanctæ Romanæ Ecclesiæ presbyterum in partes illas misimus, in cuius ore nostra ad vos consilia & decreta plenius, apertiusque differenda, ac vice nostra disponenda posuimus. Dat. Romæ, 2. Kalend. Maij, Indictione vndecima.

Subiicit Cardinalis Baronius; Paruisse Principes Hispaniarum Gregorio Papa, vt quæ recuperassent à Saracenis, eadem vt obligata Romana Ecclesiæ ab eadem acciperent, atq; pro illis canonem soluerent; docemur exemplo Berengarij Comitiss Barchinonensis, qui hoc eodem seculo, anno nimirum millesimo nonagesimo primo, Urbani Papa anno quarto, cū recuperasset Tarraconensem ciuitatem, occupatam à Mauris, eandem obtulit Romanæ Ecclesiæ, à qua eandem accepit, constituta pro ea annua pensatione quing. libris argenti ex diplomate tunc confecto, quod adhuc extat integrum.

C A P V T X V I.

Instrumentum donationis factæ de ciuitate Tarraconensi Romanæ Ecclesiæ à Berengario, Comite Barchinonensi.



Q VONIAM audiuius, nec non etiam sapiēsimē vidimus, res verti in contrarium mortuis testibus: principalibus & sapientioribus placuit, vt res gestas literis denotarent, & ita quomodo res se habuit, posteris suis traderent. Quapropter ego Berēgarius Raymundi, Comes Barchinonensis & Marchio hanc chartam scribi iussi, vt semper staret memoria huius rei, scilicet: Quod ego Beren,

Berengarius Comes prædictus, amore Dei ductus, donauit Domino Deo, & Apostolorum Principi beatissimo Petro, eiusque Vicario Romanæ Sedis Apostolico omnem meum honorem, qui mihi competit ex iure paterno, quemadmodum ego diuisi cum Raymundo Berengario fratre meo, sicut ego eum habeo, vel habere debeo, specialiter dono ei in Dei nomine Tarracoensem Urbem cum omnibus quæ pertinent aut pertinere debent ad eiusdem Urbis nobilitatem, ea scilicet deliberatione, ut ego & mei posteri omnes, sicut supra scriptum est, teneamus hoc totum per manum, & vocem sancti Petri, eiusque Vicarij Romanæ Sedis Apostolici, per quinquennium persoluentes eum censum viginti quinque librarum purissimi argenti ad iustum pensum: & ut Principes vniuersi, vel omnes alij, qui mecum insudauerint ad præfatæ Urbis restorationem, habeant in confinio huius Urbis paralodium, suam aprissionem, vel quod acceperint per manus nostræ largitionem, non inde persoluentes aliquam pensionem, nisi fortè compuncti amore Dei voluerint ipsi persolvere sua gratuita voluntate.

Ob hoc etiam hanc chartam ratam esse volo, ut omnis hic honor, sicut superius continetur, nullatenus transferri possit in alterius potestatis dominium, sed ego tantummodò & posteri mei in perpetuum teneamus hoc totum per manus Principis Apostolorum Petri, & eius Vicarij domini Urbani Secundi Papæ, & successorum eius B. Petri Sedem canonicè regentium.

Hanc oblationem offero Domino Deo & principibus Apostolorum Petro & Paulo propter redemptionem peccatorum meorum, & patris mei Raymundi, & parentum meorum, per consilium & voluntatem Berengarij Archiepiscopi Tarracoenensis, & Episcopi Gerundensis æquiuoci Berengarij, & Vicecomitum Deusdedit Tarracoenensis & Arual * Mironinensis, Brachinonensis; & Geraldii Alemāni, & Gereberti Girardi, & Guillelmi Raymundi, & Dorche fratris sui & Hugonis Dalmacij, & Huberti Gousberti, & Angeri Gonfredi, & Alberti Bernardi per manum domini † Rainerij Romanæ Ecclesiæ Cardinalis, qui nunc legatione fungitur in partibus nostris. Era millesima vige-

* *Minoricensis.*


† *hic post Urbani
num successit
Papa, vocatus
Paschalis Se-
cundus.*

vigesima octaua, anno ab Incarnatione Domini millesimo nonagesimo.

Hucusq; diploma, cui ista subiiciuntur ab alio addita: Tarraconensis ciuitas per Berengarium Comitem, & ceteros Prouincię ipsius Principes restaurari, & inhabitari cępta est; anno autem sequenti Beręgarius Aufonensis quondam Episcopus, per quem potissimum ciuitas eadem restaurabatur, Sedem Apostolicam adiit, domino Urbano Papę se pręsentauit, pallium accepit, priuilegium promeruit, per quod in Tarraconensem metropolim translatus, Archiepiscopus institutus est.

CAP V T XVII.

Bulla Urbani II. Pontif. de eadem Vrbe Tarraconensi.



RBANVS Episcopus seruus seruorum Dei, dilecto fratri Berengario Aufonensi Episcopo in Tarracoensem metropolim translato, eiusque successoribus canonicę substituendis in perpetuum.

Inter primas Hispaniarum Vrbes Tarraconam fuisse insignem, & gentilem, etiam Christianę paginę iudiciis demonstrant: Iustus autem Dominus in iis suis, & sanctus in omnibus operibus suis, qui cum in plerisque iudiciis incomprehensibilis habeatur, in nullo vnquam valet reprehensibilis æstimari. Ipse transfert regna & mutat tempora. Ipsi visum est in eadem Vrbe olim Tarraconensis Urbis gloriam exaltare: ipsi visum est in eadem Vrbe peccata populi sui visitare. Cũ enim in ea Christianorum populus habitaret, visitauit in virga iniquitates eorum, & in verberibus peccata eorum. Sed ecce iam transactis trecentis nonaginta annis, ex quo pręfaram Urbem Agarenorum gens propę solitariam fecerit: Principum suorum cordibus inspirare dignatus est, vt eiusdem urbis restitutioni, secundum pręceptum Apostolicę Sedis, cui auctore Deo, licet indigni pręsidemus, insisterent Berengarius siquidem Barchinonensis Comes auctoritatis nostrę persuasione cõmonitus,

H

pro

pro animæ suæ salute cum suæ potestatis magnatibus non solum restitutioni præfatæ Urbis insistit, sed & Urbem ipsam, & omnem potestatis suæ terram B. Petro, eiusque Vicariis legali stipulatione tradidit, censumque quinque librarum argenti Lateranensi palatio singulis annis soluendum instituit.

Nos itaque, præstante Deo, restitutionis huius optamus cooperatores existere, prædicti Comitis institutum, libertatesque, & consuetudines, quas nouis Tarraconensis Urbis colonis promulgasse cognoscitur, collaudamus, & rata manere auctoritate nostra decernimus. Cum vniuersa siquidem ipsius Comitis terra, quam B. Petro obtulit, & Tarraconensem Urbem, ac populum, Domino ibi aspirante, collectum, sub Apostolicæ Sedis tutela specialiter confouendum suscipimus, libertatemque illius per Comitis Berengarii scriptum collatam eatenus confirmamus, ut nemini quidquam ultra persoluant, nisi sponte propria Romanæ se faciant Ecclesiæ debitores, &c.

CAPVT XVIII.

Regnum Danie.

IQUET hoc ex Epistola vel potius fragmento Epistolæ Alexandri II. Pontificis ad Suenonem Regem Danie, à quo exigit censum, illo ex Regno Sedi Apostolicæ persolui consuetum. Recitatur hoc fragmentum à Baronio Annali 11. Anno 1062. N. 109. Et est huiusmodi.

Alexander Episcopus seruus seruorum Dei Suenoni Regi Danorum. *Inter cetera.* Quapropter prudentiam tuam admonemus, ut censum regni tui, quem prædecessores tui sanctæ Apostolicæ Ecclesiæ persolvere soliti sunt, nobis, & successoribus nostris transmittere studeat: ita tamen, ut non, sicut oblatio in altari ponatur, sed, ut supra diximus, tam nobis, quam successoribus nostris, ut certius approbetur, præsentialiter offeratur.

— (o) —

CA.

C A P V T XIX.

Regnum Gallie.




ACCIPERE de hoc Epistolam Gregorij VII. lib. 8. epist. ult. Gregorius Episcopus servus servorum Dei, dilectis filiis nostris P.... Albanensi Episcopo, & G.... Principi Salernitano Legatis nostræ Apostolicæ Sedis in Gallias salutem & Apostolicam benedictionem.

Vobis commissa negotia non latent etiam vos; ita ac si nostra, imò quia nostra ibi in vobis præsentia est, cuncta dignè peragite. Dicendum autem omnibus Gallis, & per veram obedientiam præcipiendum, ut vnaquæque domus saltem vnum denarium annuatim solvant B. Petro, si eum recognoscunt Patrem, & pastorem suum more antiquo. Nam Carolus Imperator (sicut legitur in tomo eius) qui in archivio Ecclesiæ B. Petri habetur, in tribus locis annuatim colligebat mille & ducentas libras ad servitium Apostolicæ Sedis, id est, Aquisgrani, apud Podium S. Mariæ, & apud S. Aegidium; excepto hoc, quod unusquisque propria deuotione offerebat.

C A P V T XX.

Saxonia.



ECCE obstupefcent Prædicantes, præsertim Hutterus, qui Vitebergæ in Saxonia degit. At quid agas? Saxoniam B. Petro oblatam fuisse, disertis verbis asserit Gregorius VII. Cui, absit, vniuersus fidei habeamus, quàm Prædicantibus. Accipe Gregorij verba, ex Epistola paulò antè citata. Idem Magnus Imperator (Carolus) Saxoniam obtulit B. Petro, cuius eam deuicit adiutorio: & posuit signum deuotionis, & libertatis, sicut ipsi Saxones habent scriptum, & prudentes illorum fatis sciunt.

Quàm felices hodie essent Saxones, si sub S. Petro, non sub Luthero stipendia facerent. Quàm fortunati olim Saxones, cum peculiari Elogio fideles S. Petri audirent. Quod maximè accidit, temporibus Schismatis Henriciani sub Gregorio VII. quibus S. Petrus, & fidelitas S. Petri quasi pro tesserâ

H 2

mili-

militari erat. Bruno de bello Saxonico. Ibi quidam de nostris (Saxonibus Catholicis) aduersarium (Schismaticum Henricianum) sibi videns obuium, velut suum salutauit socium, dicēs: SANCTE PETRE, quod nomen Saxones pro symbolo tenebant omnes in ore. Ille verò nimium superbus, & tantum deridere nomen exorsus, in eius vertice librato mucrone; Hoc, inquit, tuus Petrus tibi mittit pro munere; Et nondum sermonem finierat totum, quum gladium Saxonis alterius in cerebro habebat, dicentis: Et hoc habeas munus ex parte tui Henrici, tyranni insanientiu.

CAPVT XXI.

Corfica Insula.

REGORIVS VII. lib. 5. Regesti Epist. 4. Anno salutis 1077.

Gregorius Episcopus seruus seruorum Dei, omnibus Episcopis, & viris nobilibus, cunctisq; tam maioribus, quā minoribus in Insula Corfica consistentibus salutem & Apostolicam benedictionem.

Scitis fratres & charissimi in Christo filij non solum vobis, sed multis gentibus manifestum esse, Insulam quam inhabitatis, nulli mortalium, nulliq; potestati, nisi sanctæ Romanæ Ecclesiæ ex debito, vel iuris proprietate pertinere: & quod illi, qui eam hæcenus violenter, nihil seruitij, nihil fidelitatis, nihil penitus subiectionis, aut obedientiæ B. Petro exhibentes, tenuerunt, semetipsos crimine sacrilegij, & animarum suarum graui periculo obligauerunt: cognoscentes autem per quosdam fideles nostros & vestros amicos vos ad honorem, & iustitiam Apostolici principatus, sicut oportere cognoscitis, velle reuerti, & diu subtractam ab inuasoribus iustitiam B. Petro vestris temporibus, vestrisque studiis redhiberi, valde gauisi sumus: scientes, vobis hoc non solum ad præsentem, sed etiam ad futuram prouenire vtilitatem, & gloriam. Nec diffidere quidem, aut quidquam in hac causa vos dubitare oportet: quoniam si modò vestra voluntas firma, & erga B. Petrum fides immota permanserit, habemus per misericordiam Dei in Tuscia multas

Comi-

Comitum, & nobilium virorum copias ad vestrū adiutorium, si necesse fuerit, defensione inque paratas.

Qua propter quod in hac re opportunissimū nobis visum est, misimus ad vos fratrem vestrum Landulfum Pisanæ Ecclesiæ Episcopum, cui etiam inter vos vicem nostram in spiritualibus commisimus, ut terram ex parte B. Petri & nostra vice suscipiat, & eam cum omni studio, & diligentia regat, & de omnibus rebus ac causis B. Petro, & nobis per illum pertinentibus se intromittat: cui vos pro amore & reuerentia eiusdem beati Petri Apostolorum Principis obedire, & fideliter in omnibus assistere volumus, & Apostolica auctoritate monemus: & ut magis securus, magisque ad omnia inter vos promptus esse valeat, fidelitatem quoque si postulauerit, præmissa tamen sancti Petri & nostra, nostrorumque successorum, non denegetis, nec aliqua occasione sibi facere recusetis. Dat. Romæ 16. Kalend. Octob. Indict. prima. *Eiusdem argumenti est Epistola secunda libri quinti.*

CAPVT XXII.

*Regnum Lusitaniæ seu Portugalliæ. Ex Tom.
12. Card. Barony.*

ANNO Redemptoris 1179. Dux Portugalliæ Alphonsus primus titulum Regis ab Alexandro III. accepit ob res aduersus Sarracenos præclare gestas: quæ cuncta accepta serēs diuinæ gratiæ, gratus Deo ipse obtulit regnum illud S. R. E. sub cuius iugiter protectione consisteret, persoluturus annis singulis loco census duas auri marcas. Extat de his diploma eiusdem Alexandri Papæ in turri de Tombo dicta, in qua asseruantur monimenta Regum, idemque datum hoc Redemptoris anno, & Pontificis ipsius vigesimo. Est de his mentio in Epistolis Innocentij Papæ III. quarum vna ex Codice Vaticano descripta sic habet.

Innocentius, &c. Sancio illustri Regi Portugalliæ. Serenitatem regiam volumus non latere, nos in Regestis bonæ mem. Lucij Secundi Romani Pontificis reperisse, quod recolendæ memoriæ Alphonsus pater tuus quatuor auri vncias annuatim

H 3

Roma-

Romanæ Ecclesiæ constituit censuales, ad quarum solutionem se & hæredes suos in posterum obligauit. Cæterum cum idem pater tuus vsque ad tempora felicitatis mem. Alexandri Papæ prædecessoris nostri Ducis esset nomine appellatus; ab eodem meruit obtinere, vt tam ipse, quam eius hæredes regio nomine vocarentur. Vt autem idem pater tuus sacrosanctam R.E. matrem tuam honore debito præueniret, & vt deuotionem, quam circa ipsam habebat, ostenderet in effectu, centum Byzantios annuatim Romanæ Ecclesiæ constituit censuales; quos post susceptionem regij nominis nec ipse soluit, nec tu postmodum soluere curasti. Cumque id felicitatis recordationis Clementi Papæ præcessori nostro relatum fuisset, magistro Michaëli tunc Ecclesiæ Romanæ Notario, quem ad partes Hispaniæ destinauerat, per suas dedit literas in mandatis, vt te ad soluendum censum annum monere diligentius & inducere procuraret, & si opus esset, auctoritate fretus Apostolica compellere non differret: Tu autem eidem, prout tibi placuit, respondisti, quod dictus pater tuus præfato Alexandro antecessori nostro pro annuali censu decem annorum mille aureos miserat: & cum nondum illi decem anni essent expleti, ipsos centum aureos iterum soluere minimè tenebaris, licet illos eidem prædecessori nostro non pro censu, sed ex deuotione, quam ad eum habebat, liberaliter donauisset: Rogamus igitur regiam serenitatem, monemus, consulimus, & hortamur per Apostolica scripta mandantes, quatenus prædictum censum dilecto filio fratri Rainerio persoluere non postponas: alioquin noueris, nos eidem dedisse firmiter in mandatis, vt te ad solutionem illius diligenter moneat, & inducat, & sicut expedire viderit, appellatione remota compellat. Dat. Romæ apud S. Petrum 8. Kal. Maij, Pontificatus nostri anno primo.

Eiusdem argumenti sunt ex Epistolis Innocentij typis excusis, Epist. 144. 751. 152. & hæc quam Baronius ex manuscripto Codice profert.

Innocentius, &c. A. illustri Regi Portugallensi & hæredibus eius in perpetuum.

Manifestis probatum est argumentis, quod inclytæ recordationis Alphonsus auus tuus per sudores bellicos, & certamina-

nam-

na militaria inimicorum Christiani nominis intrepidus extirpator, & propagator diligens Fidei orthodoxæ, sicut deuotus filius & Princeps Catholicus multimoda obsequia impendit sacrosanctæ Romanæ Ecclesiæ matri tuæ, dignum nomen, & exemplum imitabile posteris derelinquens. AEquum est autem, vt quos ad populi regimen & salutem dispensatio cælestis elegit, Apostolica Sedes sincero prosequatur affectu, & in iustis postulationibus studeat efficaciter exaudire. Proinde nos attendentes tuam personam, ornatam prudentia, iustitia præditam, atque ad regni gubernationem idoneam, eam sub beati Petri & nostra protectione suscipimus, & regnum Portugalense cum integritate honoris regni, & dignitate, quæ ad Reges pertinet, nec non & alia loca, quæ cum auxilio cælestis gratiæ de Saracenorum manibus eripueris, in quibus ius sibi non possunt Christiani Principes circumpositi vindicare, ad exemplar felicitis memoriæ Alexandri Papæ prædecessoris nostri, qui hæc præfato auro tuo per priuilegij paginam concessisse dignoscitur, tuæ sublimitati concedimus, & auctoritate Apostolica confirmamus.

Vt autem ad deuotionem & obsequium B. Petri Apostolorum Principis, & sacrosanctæ Romanæ Ecclesiæ vehementius accendaris: hæc ipsa hereditibus tuis duximus concedenda, eosque super iis, quæ concessa sunt, Deo propitio, pro iniuncto nobis Apostolatus officio defendemus. Tua itaque intererit, fili charissime, ita circa honorem, & obsequium matris tuæ sacrosanctæ Romanæ Ecclesiæ humilem & deuotum existere, & sic te ipsum in eius opportunitatibus, & dilatandis Christianæ Fidei finibus exercere, vt de tam deuoto, & glorioso filio Sedes Apostolica gratuletur, & in eius amore quiescat.

Ad indicium autem, quod præscriptum regnum B. Petri iuris existat, pro amplioris reuerentiæ argumento progenitorum tuorum vestigiis inhærendo, statuisti duas marchas auri annis singulis nobis, nostrisque successoribus persoluendas; quem vtique censum ad vtilitatem nostram, & successorum nostrorum Bracarensi Archiepiscopo, qui pro tempore fuerit, tu & successores tui curabitis assignare, &c.

CA

Reges Angliæ.



Moc manifestum euadit ex literis Alexandri II. Papæ, quarum partem recitat Baronius Tom. II. Anno Christi 1068. Alexander Guillelmo Regi Anglorum, &c. Nouit prudentia tua Anglorum regnum, ex quo nomen Christi ibi clarificatum est, sub Apostolorum Principis manu & tutela extitisse, donec quidam membra mali capitis effecti, zelantes superbiam patris sui satanæ pactum Dei abiecerunt, & Anglorum populum à via veritatis auerterunt. Paulò post: Nam, vt benè nosti, donec Angli Fideles erant, piæ deuotionis respectu ad cognitionem religionis annuam pensionem Apostolicæ Sedi exhibebant, ex qua pars Romano Pontifici, pars Ecclesiæ sanctæ Mariæ, quæ vocatur schola Anglorum, in vsum fratrum deferebatur.

*Anglia Patri-
monium S. Pe-
tri, teste ipso
Rege Hērico II.
Thren. 4.*

Henricus II. Rex Angliæ Epist. ad Alexandrum III. quæ inter Epistolas Petri Blefensis tenet locum 136. Quoniam ergo vos extulit Deus in eminentiam officij pastoralis ad dādā scientiam salutis plebi eius, licet absens corpore, præsens tamen animo me vestris aduoluo genibus, consilium salutare deposcens. Vestræ iurisdictionis est regnum Angliæ, & quantum ad feudatarij iuris obligationem, vobis duntaxat obnoxius teneor & adstringor. Experiatur Anglia quid possit Romanus Pontifex. Et quia materialibus armis non vtitur, patrimonium B. Petri spirituali gladio tueatur. Contumeliam filiorum poteram armis rebellibus propulsare, sed patrem non possum exuere. Nam & Hieremia testante, nudauerunt lamia mammæ suas, lactauerunt catulos suos.

Henricus II. Rex Angliæ contra S. Thomam Cantuariensem & Alexandrum III. Papam irritatus hanc legem reuera exlegem tulerat Anno 1164. Vt Denarij B. Petri non reddantur amplius Apostolico, sed diligentius colligantur, & seruentur in thesauro Regis, & expendantur ad eius præceptum. Et cum duo priores Cistercienses, quibus exactio & collectio huius denarij commissæ fuerat, ne hîscere quidem

contra

contra Regem auderent, exsurrexit Petrus Blesensis, & S. Petri causam egit; nec infelicitur, ut ipse testatur in Tractatu contra Deprauatorem suorum Operum. Lege Baronium Tom. 12. Anno 1164.

Knuto Rex totius Angliæ, Danamarchiæ & Noruegiæ in quodā diplomate apud Malmesburiensem lib. 2. Faciatis, ut antequā in Angliam veniam, omnium debita, quæ secundum legem antiquam debemus, sint persoluta, scilicet elemosyna pro aratris, & decimæ animalium ipso anno procreatorum, & Denarij quos Romanam ad S. Petrum debetis siue ex vrbibus, siue ex villis, &c.

C A P V T X X I V.

Regnum Hiberniæ.



ESTATVR hoc Epistola Hadriani Papæ IV. ad Henricum II. Anglorum Regem apud Cardin. Baronium Tom. 12. Anno 1159. in qua Pontifex in ceteris isthæc. Sanè Hyberniam & omnes Insulas, quibus Sol iustitiæ Christus illuxit, & quæ documenta fidei Christianæ cœperunt, ad ius B. Petri & sacrosanctæ Romanæ Ecclesiæ (quod & sua nobilitas recognoscit) non est dubium pertinere. Vnde tanto in eis libentius plantationem fidelem, & germen gratum Deo inserimus, quanto id à nobis interno examine districtius prospicimus exigendum.

Significasti siquidem nobis, fili in Christo charissime, te Hyberniam insulam, ad subdendum illum populum legibus, & vitiorum plantaria inde exstirpanda, velle intrare, & de singulis domibus annuam vnus denarij B. Petro velle soluere pensionem, & iura Ecclesiarum illius terræ illibata & integra conseruare. Nos itaque pium & laudabile desiderium tuum cum fauore congruo prosequentes, & petitioni tuæ benignum impendentes assensum, gratum & acceptum habemus, ut pro dilatandis Ecclesiæ terminis, pro vitiorum restringendo decursu, pro corrigendis moribus, & virtutibus inserendis, pro Christianæ religionis augmento Insulam illam ingrediaris, & quod ad honorem Dei, & salutem illius terræ spectauerit, exequaris:

& illius terræ populus honorificè te recipiat, & sicut dominum veneretur; iure nimirum Ecclesiastico illibato & integro permanente, & salua B. Petro & sacrosanctæ Ecclesiæ Romanæ de singulis domibus annua vnus denarij pensione, &c.

Polydorus lib. 13. Histor. Anglicana, de Henrico II. Angliæ Rege, qui partem Hybernæ occuparat: Insulæ præsidii firmandæ, eiusque statui collocando summa ope sibi studendum ratus Dublinum proficiscitur, vbi conuocatis Regulis ac Episcopis, agit de imperio insulæ sibi ac suis posteris Regibus perpetuando. Id Hybernici posse fieri, nisi auctoritate Romani Pontificis, negabât, quod iam inde ab initio, post Christianam religionem acceptam, sese ac omnia sua in eius ditionem dedidissent; atque constanter affirmabant, non alium habere se Dominum, præter ipsum Pontificem; id quod etiam nunc iactitant. His auditis, Rex per Legatos quàm primùm Alexandrum (Tertium) Pontificem orauit, vt Hyberniam, quam ipse nuper domuerat, ad Regnum Angliæ sua auctoritate adiungeret; quod haud grauatè fecit Pontifex; in tamen conditionibus quas iam ex Epistola Hadriani Papæ audiuius.

CAPVT XV.

Regna Angliæ & Hybernæ Sedî Apostolicæ non tantum tributaria facta sunt ob Denarium S. Petri, sed & feudataria à Joanne Angliæ & Hybernæ Rege.



QVET hoc ex sanctione Ioannis Regis promulgata Anno salutis 1213. Recitatur à Matthæo Westmonasteriensi in Floribus, & est talis.

Vniuersitati vestræ notum facimus, quod cum dominum, & matrem sanctam Ecclesiam in multis offenderimus, & propter hoc ipsum diuina misericordia indigere noscatur, nec quid dignè offerre possumus pro satisfactione, Deo & Ecclesiæ debita faciendâ, nisi nosmetipsos, & regna nostra

stra velimus humiliari, pro illo, qui se humiliavit pro nobis v^eque ad mortem, gratia ipsa sancta inspirante, ad optimum consilium Baronum meorum, offerimus, & liberè concedimus Deo & sanctis Apostolis eius Petro & Paulo, & S. Romanæ Ecclesiæ matri nostræ, ac domino Papæ nostro, Innocentio Terto, & successoribus eius, omne ius patronatus, quod habemus in Ecclesiis Anglicanis, totumque regnum Angliæ, & regnum Hybernæ, cum omni iure & pertinentiis suis pro remissione peccatorum nostrorum, & totius generis nostri, tam viuis, quam defunctis. Et amodò illa à Deo, & Ecclesia Romana, tanquam feudarius, recipientes, & tenentes in præsentia prudentis viri Pandulphi, domini Papæ subdiaconi, & familiaris, fidelitatem exinde domino Papæ Innocentio, eiusque successoribus Catholicis, & Ecclesiæ Romanæ, secundum subscriptam formam facientes, & homagium legium, in præsentia domini Papæ, si coram eo esse possemus, eadē faceremus. Successores nostros, & hæredes de vxore nostra in perpetuum obligantes, vt simili modo summo Pontifici, qui pro tempore præfuerit Ecclesiæ, sine contradictione dictam fidelitatem præstent, & homagium recognoscant, & nos insuper vacantium Ecclesiarum custodiam perpetuo amittamus.

Ad iudicium autem huius nostræ perpetuæ oblationis, & concessionis, volumus & stabilimus, vt de propriis & specialibus redditibus prædictorum regnorum nostrorum, pro omni consuetudine, quam pro ipsis facere debemus, saluo per omnia denario sancti Petri; scilicet mille marcas sterlingorum Ecclesia Romana percipiat annuatim, scilicet in festo S. Michaëlis quingentas marcas, & in Pascha quingentas marcas, septingentas marcas pro regno Angliæ, & trecentas pro regno Hybernæ, saluis nobis, & hæredibus nostris, iustitiis & libertatibus, & regalibus nostris.

Quæ omnia, sicut prædicta sunt, rata esse volentes, & perpetua, atque firma, obligamus nos, & successores nostros contra non venire. Et si nos, vel aliquis successorum nostrorum hoc attentare præsumpserit, quicumque fuerit ille, nisi admonitus resipuerit, cadat à iure regni. Et vt charta obligationis, &

concessionis nostræ semper firma permaneat, ab hac hora, in antea fidelis ero Deo, & B. Petro, & Ecclesiæ Romanæ, & Domino Papæ Innocentio, eiusque successoribus catholicè intratibus. Patrimonium verò B. Petri, & specialiter regem Angliæ & regni Hybernæ, ero adiutor ad tenendum & defendendum contra omnes homines pro posse meo; sic me Deus adiuuet, & hæc sancta Euangelia, &c.

Huius donationis meminit quoque Innocentius III. Pontif. in literis ad vniuersos Christi fideles apud Matthæum Parisiensem in Hist. Anglicana in Rege Ioanne: vbi ista Pontifex. Regnum suum tam Angliæ, quàm Hybernæ B. Petro & Ecclesiæ Romanæ concessit, recipiens illud à nobis in feudum sub annuo censu mille marcarum, fidelitatis nobis inde præstito iuramento sicut per priuilegium eius apparet aurea bulla munitum.

Porro, vt ad Denarium S. Petri reuertamur, eius constituendi & subditis in regno suo indicendi primus Auctor fuit Inas Rex, de quo Polydorus lib. 4. Hist. Anglicanæ. Officia eius Regis, (Inæ) pietatis plena, infinita produntur, & illud in primis, quod regnum suum Romano Pontifici vectigale fecerit, singulis argenteis nummis, quos denarios vocant, in singulas domos impositis. Fecit idem eius exemplo, vt opinor, ductus Offa Merciorum Rex, qui nō multo post id tempus regnavit. Fuit is annus salutis circiter DCC. XL. Hoc vectigal, prout quidam scribunt, auxit posthac Ethel-nolphus, seu Aturphus Rex, qui vt proximo libro demonstra-bitur, totius ferè insulæ imperium obtinuit. Omnis Anglia hoc tempore isthuc vectigal, pietatis & religionis causa, Romano Pontifici pendit domesticatim collatum, & nummi illi argentei vocantur vulgò denarij D. Petri, quos Pontificius quæstor, quem non inscianter collectorem nuncupant, exigit. Nos hanc olim quæsturam aliquot per annos gessimus, eiusque muneris obeundi causa, primùm in Angliam venimus.

De Offa Merciorum Rege idem Polydorus lib. 4. Historiæ Anglicanæ. Offa, quem verè suorum delictorum pœnitebat, visus sibi nequaquam plena manu de commissis Deo satisfecisse, traiecto properè Oceano, Romam se contulit veniæ consequendæ causa, Romanoque Pontifici Adriano Primo regnum suum vecti-
gale

gale fecit, imposito tributo ex singulis nummis argenteis, quos denarios vocant, domesticatim in annos singulos conferendis, qui fuit Annus salutis humanæ, DCC. LXXV.

Idem Polydorus lib. 5. de Etheluoelpho Rege. Haud multò pòst Romanam voti causa petiuit, ubi à Leone Quarto Pontifice benigne acceptus, fecit Romano Pontifici eam quoque insula partem, quam Egbertus pater ad regnum adiunxerat, vestigalem, imitatus Inam, id quod supra memorauimus; legeque sancit, ut qui ex suis possessionibus, triginta denariorum vestigal in singulos annos caperent, aut plures domos haberent, pro iis, quas habitarent, singuli singulos denarios quotannis Romano Pontifici, ad diem festum Apostolorum Petri & Pauli, vel summum, ad vincula Petri soluerent. quam legem quidam, licet falsò, Aluredo eius filio assignant. Fuit is annus salutis humanæ, DCCC. XLVII.

Mæthæus VVestmonasteriensis de Ina Rege. Anno Domini 727. Statutum est generali decreto, per totum regnum occidentalium Saxonum, in quo prædictus Ina regnabat, ut singulis familiis denarius vnus qui Anglicè *Romescor* appellatur, B. Petro & Ecclesiæ Romanæ mitteretur.

In hunc S. Petri denarium ab Anglis pendere solitum horribiliter declamant Sectarij, præsertim Lutherus in Glossematibus suis ad Donationem Constantini, Tom. 6. German. Ienensi, ubi vocat, den Peterspfenning/ & mentitur, in singula capita fuisse statutum; & consecisse quot annis nouem auri Tonnas, hoc est, nouies centena millia aureorum: & quemlibet huius generis nummum æquiualluisse dimidiato nostro Bazio. Sed hæc tam immensa summa ipsa granditate sua improbabilitatem suam statim patefacit. Vt cumq; tamen sit, quæro, num Angli hodie, quàm olim sint opulentiores, eò quod non pendant amplius numisma illud S. Petri? Ego certè siue priuatos, siue Optimates intuear, omnes, ne vno quidem filo & pilo ob negatam huius denarij pensionem locupletiores factos existimo: sortè longè egeniores euaserunt; quod & illis accidit, qui tot ditissima Monasteria, & sacerdotum collegia, & florentissimos Episcopatus diripuerunt, eorumq; fortunas in suum verè infortunium conuerterunt.

Lubet autem hic ad calcem audire, quid Gregorius VII. ad VVilhelmum Regem Anglorum scripserit lib. 1. Regesti epist. 70. Rebus sancti Petri, quæ

in Anglia colliguntur, sic te, ut tuis, inuigilare admonemus; sic liberalitati tuæ, ut tua committimus, ut pium & propitium debitorem Petrum reperiās, & eum tibi ex debito subuenire admoneas, quem sibi multa te tribuisse non latebit.

Adiungamus & hoc quod Rogerus in Annalibus Anglicanis memoriæ prodidit, quod nescio num diuersum sit ab eo, quod supra à Polydoro expositum est. Eodem anno (851.) Ethelvulfus Rex decimam totius Regni sui partem ab omni regali seruitio & tributo liberauit, & in sempiterno graphio in Cruce Christi pro redemptione animæ suæ, & antecessorum suorum vni & trino Deo immolauit; sic quoque magno cum honore Romam perrexit, filiumque suum Elfredum, quem plus cæteris dilexit, quemque iam antea Romam miserat, etiam nunc secum illò deducens, ibidē anno integro remoratus est; quo peracto, ad patriam suam remeavit, adducens secum Iuthinam Caroli Francorum Regis filiam: Vixit verò, postquam Roma rediit, duobus annis; qui inter cætera bona opera, quæ gessit, omni anno trecentas manculas denariorum Romam portari præcepit; centum, in honore S. Petri ad emendum oleum, quo impleantur omnia luminaria illius Ecclesiæ in vigilia Paschæ, & similiter in galli cantu: centum etiam in honore S. Pauli Apostoli eadem de causa; centum verò * manculas Vniuersali Papæ Apostolico.

* Mancusæ.

CAPVT XXVI.

Regnum Scotiæ.

HOC Regnum ad ius B. Petri pertinuisse, manifestum sit ex disceptatione Bonifacii VIII. Papæ cum Eduardo I. Rege Angliæ, qui cum Scotiæ Regnum armis suum ad imperium adiunxisset, reprehensus est à Pontifice, quod S. Petri ius violare non timuisset. Reclamarunt quidem sortiter Angli, sibi que ius in Scotiam competere, scriptis ad Pontificem literis, conati sunt ostendere; sed Bonifacius id quod affirmauerat, proculdubio non sine idoneis argumentis affirmauerat. De qua controuersia legatur Matthæus Westmonasteriensis in Floribus,

bus, Anno M. CCC. I. Et Thomas VValsinghamus in Eduardo I. Et Polydorus lib. 17. Hist. Anglicana.

CAPVT XXVII.


Regnum Polonia.

DITMARVS lib. 6. scribit Bolizlauum Ducem Polonia conquestum, sibi per insidias Henrici Germania Regis integrum non esse promissum principi Apostolorum censum persolvere. Audis, inquit Baronius, Anno 1013. Excussisse Boleslaum sese, quod non miserit censum promissum Apostolicæ Sedi propter Henrici Regis insidias: erat census iste ab exordio, ut apparet, conuersionis Polonorum, pietatis ergo promissus annis singulis principi Apostolorum, & eius loco successori Romano Pontifici persolui consuetus.

De eodem vectigali Longinus rerum Polonicarum scriptor apud Baronium, Anno 1041. ubi agit, quomodo Casimirus iam Diaconus, qui Cluniaci Monasticam vitam professus fuerat, dispensatione summi Pontificis ad Regni culmen adscenderit: nam ea lege vinculis solutus est Casimirus, ut Polonorum regiones ac regnum in signum præstiti per Apostolicam Sedem acceptique in magno necessitatis suæ articulo beneficii B. Petro & successoribus Romanis Pontificibus de quolibet capite nobilium (capitibus circumscriptis) vsualem nummum annis singulis soluat. Vide Baronium loco cit.

Primitus porro censum S. Petro ex Polonia Regno decretum fuisse ob coronam Regiam Polonorum Duci Boleslao à Sede Apostolica conceptam, verisimile videtur; Licet enim nonnulli ab Othone III. Imp. id factum tradant, grauior tamen est Petri Damiani auctoritas, qui in vita S. Romualdi Diadema regium Duci Polonorum à Sede Apostolica transmissum testatur. Vide Baron.

Tom. 10. Anno M.



CA.

Regnum Hungariæ.

SANCTO Stephano Hungarorum Duci coronam regiam à Syluestro II. Pontif. Maximo missam, atq; adeò Ducatum illum ad Regni sublimitatem euectum fuisse, Anno Redemptoris M. scriptum reliquit Cartaitius Episcopus in vita sancti Stephani Tom. 4. Suriij, hisce verbis: Deinde quarto à patris obitu anno, diuinitus permotus eundem Astricum Præsulem, qui etiam Anastasius dictus est, ad sanctorum Apostolorum limina misit, à Petri Apostolorum Principis successore petitem, vt recens conuersæ Pannoniæ largam benedictionem impertiret, Strigoniensem Ecclesiam sua auctoritate Metropolim constitueret, reliquos Episcopatus sua benedictione firmaret, & ipsum Ducem regio diademate cohonestaret, vt eo fultus honore, quæ diuinæ gratiæ adiutorio cœpisset, ea magis magisque promouere, ac stabilire posset.

Per idem tempus etiam Meisca Polonorum Dux Christianam complexus Fidem Legatos suos Romam miserat, vt Pontificis benedictionem, & regium ipsi titulum impetrarent. Assenserat quidem Pontifex, & iam coronam egregio operi confici curauerat, quam ei mitteret, sua benedictione adiuncta. Sed quia nouit Dominus qui sunt eius, qui etiam duobus Apostolis propositis Matthiam socio suo prætulit, & cum Apostolis annumerandum curauit: illa corona Stephanum ornari voluit, postea felicius gloria sempiterna coronandum.

Nocte enim eius diei, quo statuerat Pontifex coronam Polonorum Principi dare perferendam; apparuit ei Angelus Domini, aitque ad eum. Noueris, cras, hora diei prima, ignotæ gentis nuntios ad te venturos, suo Duci coronam regiam, & Apostolicæ benedictionis munus abs te expetituros. Eam ergo coronam, quam parari iussisti, illis incunctanter tribue, ad ipsorum Ducem eam asportaturis; nec dubites, illi eam cum regni gloria pro vitæ eius meritis deberi. Itaque crastina luce, ea hora, qua prædictum erat, Præsul Astricus ad Pontificem venit,

nit, demandatumque sibi officium prudenter exequens, sanctique Ducis res gestas ordine referens, à Sede Apostolica Regni coronam petiit, ostendens dignum esse Ducem eo honore, & dignitate: quippe qui diuina fretus ope multos sibi populos subiugasset, multosque infideles sua potentia ad Christum conuertisset. Is auditis mirè exhilaratus Pontifex, precibus illius libenter annuit; crucemque ante regem, ceu Apostolatus insigne gestandam adiunxit. Ego, inquit, sum Apostolicus: at ille meritò Christi Apostolus dici potest, cuius opera tantum populum sibi Christus requisivit. Atque ea causa, quemadmodum diuina gratia ipsum docebit, Ecclesias Dei una cum populo nostra vice ei ordinandas relinquimus.

Omnibus impetratis, quæ postularat, Antistes Astricus lætus ad suos reuertitur, illud secum ferens, cuius causa iter illud emensus erat. Allatis verò Apostolicæ benedictionis literis cū corona & cruce, Præsules cum Clero, Comites cum populo in laudes Dei prorumpunt, & Deo dilectus Stephanus Princeps vngitur in Regem, & diademate regio feliciter coronatur.

Ceterum, S. Stephanum nouum Regem, vt se gratum exhiberet, Sedis Apostolica Hungaria Regnum obtulisse, testatur Gregorius VII. lib. 2. Regesti epist. 13. ad Salomonem Regem Hungariæ, qui cum ex suo Regno à Ioia de Beli filio seu Geisa eiectus fuisset, & ad Henricum IV. Regem Germaniæ, opus querenda gratia, confugisset; id factum Gregorius tanquam in Sedis Apostolicæ præiudicium vergeret, interpretatus, has ad eum dedit literas. Anno salutis 1074.

Gregorius Episcopus seruus seruorum Dei, Salomoni Regi Vngarorum salutem & Apostolicam benedictionem.

Literæ tuæ ad nos tardè propter moram nuntij tui allatæ sunt: quas quidem multò benignius manus nostra suscepisset, si tua incauta conditio non adeò B. Petrum offendisset. Nam sicut à maioribus patriæ tuæ cognoscere potes, regnum Vngariæ sanctæ Romanæ Ecclesiæ proprium est, à Rege Stephano olim B. Petro cum omni iure, & potestate sua oblatum, & deuotè traditum.

Præterea Henricus piæ memoriæ Imperator, ad honorem S. Petri regnum illud expugnans, victo Rege, & facta victoria,

K

ad

ad corpus B. Petri lanceam, coronamque transmisit, & pro gloria triumphi sui, illuc regni direxit insignia, quo principatum dignitatis eius attinere cognouit.

Quæ cum ita sint, tu tamen in cæteris quoque à regia virtute, & moribus longè discedens, ius & honorem sancti Petri, quantum ad me, imminuisti, & alienasti, dum eius regnum à Rege Teutonicorum in beneficium (sicut audiimus) suscepisti. Quod si verum est, qualiter gratiam B. Petri, aut nostram beneuolentiam sperare debeas, tu ipse, si iustitiam vis attendere, non ignoras, videlicet, te non aliter eam habiturum, nec sine Apostolica animaduersione diu regnaturum, nisi sceptrum regni quod tenes, correcto errore tuo, Apostolicæ, non regiæ maiestatis beneficium recognoscas. Neque enim nos timore, vel amore, aut aliqua personali acceptione, quantum Deo adiuuante poterimus, debitum honorem eius, cuius serui sumus, irrequisitum relinquemus. Verùm si hæc emendare, & vitam tuam (vt Regem decet) instituere, & Deo miserante, adornare volueris, proculdubio dilectionem sanctæ Romanæ Ecclesiæ, sicut matris dilectus filius, & nostram in Christo amicitiam plenè habere poteris. Dat. Romæ 5. Kalend. Nouembris, Indictione decima tertia.

CAPVT XXIX.

Regnum Bohemiæ.

VICINA, coniuncta & affinia Regna sunt Hungaricum, Polonicum & Bohemicum. Vt igitur duo priora sancto Petro vectigalia esse voluerunt; sic eodem pietatis studio, regnum Bohemiæ, etiam quando Ducatus titulo insigniebatur, Sedi Apostolicæ, causa pietatis certam pensionem persoluit. Testatur id Gregorius VII. lib. 2. Regesti epist. 7. ad Vratislaum Bohemiæ Ducem, cuius en tibi partem.


Peruenit ad nos nuncius vester, qui magnæ deuotionis, & fidelitatis vestræ exhibitionem nobis retulit, & quæ B. Petro sub nomine census misistis, videlicet centum marcas argenti
ad

ad mensuram vestri ponderis, fideliter præsentavit. Quod quidem gratanter accepimus; sed charitatem vestram multò ardentius, amabiliusque, quasi quibusdam animi brachiis ad vos usque porrectis, amplectimur, qui mentem vestram, & desiderium magis ac magis erga reuerentiam Apostolicæ Sedis accendi perpendimus. Beatus autem Petrus, quem vos diligitis, & cui celsitudinem potentiæ vestræ humiliatis, copiosa vobis proculdubio retributionis munera præparabit, & à suo vos munimine tam in præsentī, quàm futuro seculo latificabit, &c.

Dux iste Vratislaus Regio honore decoratus est, Anno 1086. vt scribit Cosmas Pragensis, in fine sui Chronici, & Dubravius lib. 9. Historia Bohemica.


CAPVT XXX.

Bauaria.

 ANCTVM Petrum in Bauaria habuisse bona quædam vestigalia expressè colligitur ex epist. 63. Ioannis Papæ VIII. quæ est ad Carolomannum, Ludouici Germania Regis filium: vbi ad finem isthæc leguntur. Pallium verò vestra petitione inclinati, Theomaro Archiepiscopo (salisburgensi) consuetudinaliter dirigentes, optamus, vt hoc decore interius fulgeat in oculis interim iudicis, quo nitet exterius humanis obtutibus, cuique quæso, committite ea, quæ apud Bagoariam B. Petrus Apostolus habet, vt nobis annualiter redditus eius Romam transmittat.

Et epist. 64. ad ipsum Theomarum: Inter hæc ea, quæ B. Petrus Apostolus apud Bagoariorū terram iure proprietatis possidet, tuæ industrię sagacitatique committimus; quatenus amodo & deinceps annuos eorum redditus Romam sine mora transmittas. Datum Mense No-

uemb. Indict. 11.



K 2

CA-

*Ducatus Apuliæ, Calabriæ atq; Siciliæ: itemq;
Principatus Capuæ.*

Eo Ostiensis lib. 3. Chronici cap. 15. Per hos etiam dies (Anno 1059. Nicolaus Papa) & Richardo Capuanum principatum, & Roberto (Guiscardo) Apuliæ, Calabriæ atque Siciliæ Ducatum confirmavit, accepta prius ab eis cum sacramento Romanæ Ecclesiæ fidelitate, censuque quotannis per iuga bouum singula denariis duodecim.

*Iuramentum Roberti. Ex Baronio**Tom. 11. Anno 1059.*

Ego Robertus Dei gratia & sancti Petri Dux Apuliæ, & Calabriæ, & utroque subueniente, futurus Siciliæ, ad confirmationem traditionis, & ad recognitionem fidelitatis, de omni terra, quam ego propriè sub dominio meo teneo, & quam adhuc ulli Ultramontanorum vnquam concessi, ut teneat: promitto me annualiter pro vnoquoque iugo bouum pensionem scilicet duodecim denarios Papiensis monetæ persoluturum B. Petro, & tibi domino meo Nicolao Papæ, & omnibus successoribus tuis, aut tuis, aut tuorum successorum nunciis. Huius autem pensionariæ redditionis erit semper terminus, finito vero anno, sanctæ Resurrectionis die Dominico. Sub hac conditione huius persoluendæ pensionis obligo me, & omnes meos, siue hæredes, siue successores tibi Domino meo Nicolao Papæ, & successoribus tuis. Sic me Deus adiuuet, & hæc sancta Euangelia.

Huius iuramento aliud additum est, quod Fidelitatis nominari consuevit, illudque eidem Nicolao Pontifici idem Robertus Guiscardus sic exhibuit.

Ego Robertus Dei gratia, & sancti Petri Dux Apuliæ & Calabriæ, & utroque subueniente, futurus Siciliæ, ab hac hora, & deinceps ero fidelis sanctæ Romanæ Ecclesiæ, & tibi Domino meo

meo Nicolao Papæ: In consilio, vel in facto; vnde vitam, aut membrum perdas, aut captus sis mala captione, non ero. Consilium quod mihi credideris, & contradices, ne illud manifestem, non manifestabo ad tuum damnum, me sciente. Sanctæ Romanæ Ecclesiæ vbique adiutor ero ad tenendum, & ad acquirendum Regalia sancti Petri, eiusque possessiones, pro meo posse, contra omnes homines; & adiuuabo te, vt securè, & honorificè teneas Papatum Romanum, terramque sancti Petri, & principatum: nec inuadere, nec acquirere quæram, nec etiam depradari præsumam absque tuo, tuorumque successorum, qui ad honorem sancti Petri intrauerint, certa licentia, præter illam, quam tu mihi cōcedes, vel tui concessuri sunt successores.

Pensionem de terra sancti Petri, quam ego teneo, aut tenebo, sicut statutum est, recta fide studebo, vt illam annualiter Romana habeat Ecclesia. Omnes quoque Ecclesias, quæ in mea persistunt dominatione, cum earum possessionibus dimittam in tua potestate. Et defensor ero illarum ad fidelitatem sanctæ Romanæ Ecclesiæ. Et si tu, vel tui successores ante me ex hac vita migraueritis, secundum quod monitus fuero à melioribus Cardinalibus, Clericis Romanis, & Laicis, adiuuabo vt Papa eligatur, & ordinetur ad honorem sancti Petri. Hæc omnia superscripta obseruabo sanctæ Romanæ Ecclesiæ, & tibi, cum recta fide, & hanc fidelitatem obseruabo tuis successoribus ad honorem sancti Petri ordinatis, qui mihi firmauerint inuestituram, à te mihi concessam. Sic me Deus adiuuet, & hæc sancta Euangelia.

Similibus iuramentis obstrinxit se Robertus Gregorio VII. vt videre licet apud Card. Baronium, Anno Christi 1080. nam cum vix verbo à nunc recitatis differant, causæ nihil est cur exscribantur; cæpta est autem Sicilia à Sarracenorum tyrannide liberari, Anno Redemptoris 1038. Vide hoc anno Baronium. Postea Anno 1130. data est Sicilia Rogerio in Feudum titulo Regio ab Anacleto Schismatico Antipapa. Sed anno 1139. Rogerius à legitimo Pontifice Innocentio I I. Rex Siciliae declaratus est, accepto in Feudum Siciliae Regno, Ducatu Apuliæ, & Principatu Capuæ. Exstat apud Baronium, Anno 1139. diploma Inuestituræ, in quo, inter alia, hæc Innocentius Pontifex. Nos ergo eius (Honorij) vestigiis inhærentes, & de potentia

tua ad decorem & vtilitatem sanctæ Dei Ecclesiæ spem atq; fiduciam obtinentes, regnum Sicilia, quod vtiq; (prout in antiquis refertur historiis) regnum fuisse, non dubium est, tibi ab eodem antecessore nostro concessum, cum integritate honoris regij, & dignitate Regibus pertinente, excellentiæ tuæ concedimus, & Apostolica auctoritate firmamus. Ducatum quoq; Apuliæ tibi ab eodem collatum, & insuper Principatum Capuanum integrè nihilominus nostri fauoris robore communimus, tibi que concedimus. Et vt ad amorem, atque obsequium B. Petri Apostolorum Principis, & nostrum, ac successorum nostrorum vehementius adstringaris, hæc ipsa, id est, regnum Sicilia, Ducatum Apuliæ, & Principatum Capuæ, hæredibus tuis, qui nobis, & successoribus nostris (nisi per nos, & successores nostros remanserit) ligium homagium fecerint, & fidelitatē, quam tu iurasti, iurauerint, tempore videlicet competenti, & loco non suspecto, sed tuto nobis, & ipsis, atque salubri, duximus concedenda: eosque super his, quæ concessa sunt, Deo propitio manu tenebimus. Quod si per eos fortè remanserit; iidem hæredes tui nihilominus teneant, quod tenebant sine diminutione.

Census autem sic, vt statutum est, id est sexcentorum schisfatorum, à te tuisque hæredibus nobis nostrisque successoribus singulis annis reddatur, nisi fortè impedimentum interueniat: remouente verò te impedimentum, nihilominus persoluetur. Tua ergo, fili charissime, interest ita te erga honorem, atque seruitium matris tuæ S. R. E. deuotum, & humilem exhibere, vt de tam deuoto, & glorioso filio Sedes Apostolica gaudeat, & in eius amore quiescat. Si qua siue Ecclesiastica, secularisue potentia huic nostræ concessioni temerè contraire tentauerit; donec præsumptionem suam congrua satisfactione coercet, indignationem Dei omnipotentis, & B. Petri & Pauli

Apostolorum eius incurrat, & quousque resipuerit, anathematis sententia percellatur, Amen.

✠(o)✠

CA.

CAPVT XXXII.

Principatus Capue.

VSIVRANDVM fidelitatis quod fecit Richardus Princeps domino suo Gregorio Papæ.

Ego Richardus Dei gratia, & S. Petri Capuæ princeps, ab hora & deinceps ero fidelis sanctæ Romanæ Ecclesiæ, & Apostolicæ Sedi, & tibi domino meo Gregorio vniuersali Papæ. In consilio, vel in facto, vnde vitam aut membrum perdas, vel captus sis mala captione, non ero. Consilium quod mihi credideris, & contradixeris, ne illud manifestem; non manifestabo ad tuum damnum, me sciente. Sanctæ Romanæ Ecclesiæ, tibiq; adiutor ero ad tenendum, & acquirendum, & defendendum regalia S. Petri, eiusq; possessiones recta fide contra oēs homines, & adiuuabo te, vt securè, & honorificè teneas Papatū Romanum, terram S. Petri, & Principatus nec inuadere, nec acquirere quæram, nec etiam depradari præsumam, absq; tua, tuorumq; successorum, qui ad honorem S. Petri intrauerint, certa licentia, præter illam, quam tu mihi concedes, vel tui concessuri sunt successores.

Pensionem de terra S. Petri, quam ego teneo, & tenebo, sicut statutum est, recta fide studebo, vt illam sancta Romana annualiter habeat Ecclesia. Omnes quoq; Ecclesias, quæ in mea persistunt dominatione, cum earum possessionibus dimittam in tuam potestatem, & defensor illarum ero ad fidelitatem sanctæ Romanæ Ecclesiæ. Regi verò Henrico, cum à te admonitus fuero, vel à tuis successoribus, iurabo fidelitatem, salua tamen fidelitate sanctæ Romanæ Ecclesiæ. Et si tu, vel tui successores ante me ex hac vita migrauerint, secundū quod monitus fuero à melioribus Cardinalibus, & Clericis Romanis, & Laicis, adiuuabo vt Papa eligatur, & ordinetur ad honorem S. Petri. Hæc omnia supra scripta obseruabo sanctæ Romanæ Ecclesiæ, & tibi recta fide. Et hanc fidelitatem obseruabo tuis successoribus ad honorem S. Petri ordinatis, si mihi firmare valuerint inuestituram à te mihi concessam. Actum Capuæ octauo Kalend. Octob. Indictione duodecima.

CA.

Munificentia Principum
CAPVT XXXIII.

Regnum Sardinie.

REGORIVS VII. lib. 8. Regesti Epist. 10. ad Orzocum Iudicem Caralitani. Nolumus scientiam tuam latere, nobis terram vestram à multis gentibus esse petitam: maxima seruitia, si eam permitteremus inuadi, fuisse promissa: ita vt medietatē totius terræ nostro vsui vellet relinquere, partemque alteram ad fidelitatem nostram sibi habere. Cumque hoc non solum à Normannis, & à Tuscis, ac Longobardis, sed etiam à quibusdam vltromontanis crebrò ex nobis esset postulatum, nemini in ea re vnquam assensum dare decreuimus; donec ad vos Legatum nostrum mittentes animum vestrum deprehenderemus.

Igitur quia deuotionem B. Petro te habere in Legato suo monstrasti; si eam (sicut oportet) seruare volueris, non solum per nos nulli terram vestram vi ingrediendi licentia dabitur; sed etiam si quis attentauerit, & seculariter & spiritualiter prohibebitur à nobis, ac repulsabitur. Auxilium denique B. Petri, si in ipsius fidelitate perseueraueritis, proculdubio quòd non deerit vobis, & hinc & in futurum promittimus. Dat. 3. Non. Octobris.

CAPVT XXXIV.

Episcopatus Bambergensis.

HUNC totum S. Petro obtulit S. Henricus Imperator, vt manifestum sit ex vita eiusdem Imperatoris: Et in recognitionem huius rei debuit Episcopus Bambergensis quotannis equum album cum sella Romano Pontifici consentanea offerre. Fuldensis quoque Abbatia, & alia nonnulla Germania cœnobita ad S. Petrum olim spectarunt; quamuis postea Leo IX. permutationē cum Henrico II. Imp. fecerit, & alia eorum loco in Italia acceperit: de qua re Hermānus in Chronico, Anno 1053. Imperator cum Domino Papa, multisque Episcopis, & Principibus Natalem Domini VVormatiæ egit.

egit. Vbi cum Papa (sicut dudum cœperat) Fuldensem Abbatiam, aliaque nonnulla loca, & cœnobia, quæ sancto Petro antiquitus donata feruntur, ab Imperatore reposcens exegisset; demum Imperator pleraque in Ultramontanis partibus ad suum ius pertinentia pro Cisalpinis illi quasi per concambium tradidit. *Hæc Hermannus.*

Leo Ostiensis lib. 2. cap. 85. hac ratione asserit peruenisse ad Sedem Apostolicam Beneuentum. Nam ait; Tunc inter ipsum Apostolicum, & Imperatorem facta est commutatio de Benevento, & Bambergenſi Episcopo, sicut iam supra retulimus.

*Egit autem hac de re Leo eodem lib. 2. cap. 47. Hic idem Augustus (Henricus) ex sui patrimonij sumptibus construxit Ecclesiam ad honorem sancti Georgij; quam aduocato Benedicto Papa consecrari fecit; Episcopalemque in ea sedem constituens, B. Petro ex integro obtulit, statuto per singulos annos censu, equo vno optimo albo, cum ornamentis omnibus & phaleris suis, centumque Marchis argenti. Postmodum Leo IX. Papa Vicariatibus gratia, * Beneuentum ab Henrico Conradi filio accipiens, * *hoc est. per commutationem.* prædictum Bambergenſe Episcopium sub eius ditione remisit; equo tamen quem prædiximus sibi seruato. Inter cæteras autem virtutes quas idem Imperator habuisse narratur, adeo castè vixisse fertur: vt ad mortem veniens Episcopis, Abbatibusque præsentibus Cunigundam coniugem suam propinquis tradidisse dicatur, ac dixisse; Recipite, quam mihi tradidistis virginem vestram.*

C A P V T XXXV.

Regna Suecia & Nortvvegia.



VGVSTINVS Steuchus lib. 2. de Donatione Constantini. Suetia quoque & Noruegia, vt subiecta, soluunt Romanæ Ecclesiæ vectigal; quod in antiquis summorum Pontificum monumentis, & in antiqua Bibliotheca Lateranensi conspicitur. Omnes enim domus Suetiæ soluunt censum Apostolicæ Sedi singulos denarios.

L

CA

Munificentia Principum
CAPVT XXXVI.
Romanum Imperium.

ROMANVM Imperium à summis Pontificibus primùm ad Francos, postea ad Germanos translatum esse; Imperatores item non nisi à Romanis Pontificibus Imperialem vñctionem & coronationem accipere, acceptamque illis in acceptis referre, manifestum sit ex tribus libris Bellarmini de Translatione Imperij, & ex nostra eorundem librorum Defensione; itemq; ex Apologia, quam pro Baronio contra Calvinistam quendam euulgauimus: cui rei probanda vel vna epistola Ludouici Tuniore Imp. sufficit, quam misit ad Basilium Macedonem Imp. Constantinop. ex qua in Baroniano Apologetico epitomen consecimus. Integram inuenies apud Baronium Anno Redemptoris 871. Nec opus plura hic addere. Predicantes nostri hac omnia negant. Imperatores, Reges, Principes affirmant. Quibus fidem habebimus?

CAPVT XXXVII.

Conclusio.

His facile statuet aq̃uis lector, an, quod Hæretici calumni-
antur, Romanus Pontifex sit Antichristus, & filius per-
ditionis, de quo ad Thessalonicenses S. Paulus. Quis enim
credat, Carolum Magnum, & tot Caroli successores fortissi-
mos, & partim quoq; sanctitate præcellentes Imperatores, & aliorum Re-
gnorum Reges ab Antichristo diadema Imperiale vel regium accipere; tan-
tosq; Heroas tot diuitiis tot regnis ac provinciis Antichristi tyrannidē & tru-
culentiam constabilire voluisse? Quis siq; persuadeat, tantos principes sua
regna Antichristo vel tributaria vel penitus Feudataria fecisse, vt à ple-
risq; Europæ Regibus factum? Quis aures & animum non occludat, quando
Nouatores vociferantur, Sedem Apostolicam esse cathedram pestilen-
tiæ: & curiam Romanam; speluncam latronum? An verisimile est Im-
peratores Reges ac Principes potentissimos tanta beneficia in Sedem Apo-
stolicam collaturos & congesturos fuisse; si eorum animis tam sæda de Sede
Petri existimatio infedisset?

Præterea, si Papa, Cardinales, Ecclesia & Curia Romana iis moribus es-
sent, quibus à Schismaticis, Hæreticis, alijsq; turbulenti cerebri declamatori-
bus

bus depinguntur; Imperatores, Reges & Principes nunquam adduci potuissent, ut in hos tam profanos & nefarios tam munifici essent; eisque integras provincias ac ciuitates, imò & regna donarent, vel si minus donarent; certè ad annuam pecuniæ pensionem obligarent. Neque, nisi rerum omnium imperitus, vel potius delirus, affirmabit, Principes fuisse deceptos; vel nimio zelo excacatos, ut quod videndum erat, videre nequirent: nam hoc non est princeps excusare, sed immensa stultitiæ cuiusdam accusare, quasi qui clara in luce non perspexerint; quæ ex suis tenebrosis cauernis & latibulis tam acutè lynces heretici intuentur. Quis tantorum principum de Sede Petri, iudicia & præiudicia munificentissimis factis largissimè testata pluri non faciat, quàm obscurissimorum homuncionum Satyras & Inuectiuas, quas odium & lior concepit, dictauit, & in chartas retulit?

Addamus & hoc. Sub exordium quinti Euangelij contentissimis vocibus clamabant Lutherus, Huttenus, & similes Furij, Romam esse inexplabilem voraginem. Scyllam & Charybdim inexhaustam: totius Germaniæ pecunias eò, specie & nundinatione Indulgentiarum, confluere: A Romanis infinitos thesauros ex Germania exportatos. Quæro, num Lutheri sectatores iam, quando ne vnum quidem obulum amplius pro Indulgentiis expendunt; vel vno propterea obulo opulentiores sint, quàm olim, quando Indulgentias venerabantur? Certè, ut heresis alia multa damna, ita & egestatem ac mendicitatem secum adducit efficitque, ut nihil sufficiat; omnibus quasi in nihilum euanescentibus, ut quotidiana experientia docet. Quapropter friuolis criminationibus annumeretur, quod isti de Gazis Persicis ex Germania Romam absporcatis canunt; nam ut Sectarij propter abiectas Indulgentias contemptamque Romam ditiores non euaserunt; quod factum oportuit, tantis thesauris iam in Germania remanentibus; ita nec catholici propter venerationem Indulgentiarum & cultum Romæ facti sunt egentiores; imò fortunarum suarum aliquam iacturam fecissent; si ad Lutheranos transiissent, quorum Prædicantes, nihil habent Euangelicum, præter, semper egere; ut scitè alicubi scripsit Erasmus.

In catholicorum templis tantum adhuc auri, argenti, gemmarum, Margaritarum, & aliorum Cimeliorum asseruatur, ut integro exercitui alendo abundè sufficiant. Collige ex Lutheranis & Caluinianis fanis vasa aurea & argentea, & si quid aliud est pretiosa suppellectilis. Bone Deus, quàm exigua erit copia. Quàm tenuis apparatus. Et tamen ea occuparunt Tempia, in qui-

bus olim erat horum omnium numerus propemodum innumerus? Quo de-
nuerunt? Non comparent amplius in thesauris Ecclesiasticis. Nec in priua-
torum cistis. Quò igitur deuenerunt? Ratio quidem hercle apparet, inquit il-
le, argentum οἷον. Elotum, epotum, comesum absumptum est.
Ite, nihil est, ait ille in Myssa Alchymistica.

Ad rauium vsque detonuerunt Lutherani contra Annatas, Taxam
pœnitentiariæ, & nescio quas exactiones Romanas. Dicite, quæso, sed
bona fide; suntne Episcopi & Archiepiscopi Lutherani, qui Catholicorum E-
piscopatus, & quidem admodum opimos, tenent, nunc ditiores, cum Romano
Pontifici nec pro pallio, nec pro confirmatione, nec ratione alicuius alterius
tituli quidquam pendunt; quàm erant illi catholici, qui Pastori summo ali-
quam pecuniæ summam persoluebant? Sunt in Anglia Archiepiscopi & Epi-
scopi, sed Caluiniani. Quis credat Archiepiscopos Cantuariensem & Ebor-
acensem hodie, quando nihil cum Romana Sede commercij habent, opibus flo-
rentiores esse, quàm orthodoxos illos Episcopos, qui Vicario Christi, Petrique
successori dabant, quæ ex debito danda erant?

Sæpe ostendi ex Luthero, Sarcerio, Sarauia, Pouelo, alijsq; Lutheranis
& Caluinianis buccinatoribus, quàm Prædicantes arctè & contentè habe-
antur à suis, & quam curta supellectile cogantur esse contenti; exhausti iam
omnibus Ecclesiasticis redditibus, vel si qui adhuc superant, aliorum versis at-
que abreptis. Audiamus hic Lutherum in caput quartum Deuteronomij
Tom. 1. Nouorum Operum fol. 501. Man sehe doch nur darauß/wie sich
die Euangelischen Fürsten jetzt stellen / wann man soll ein Dorff-
pfarrherrn seinen Zehenden / vnd anders sein Einkommen raichen/
auch die Leute dahin halten/ daß sie verdienten Lohn geben / oder ein
dreysig Gilden zur Besoldung zulegen/ so sagen sie/ wir seyndt gei-
stig/es könne die Psaffen niemande erfüllen/ &c. Darumb wil man
jetzt den Predigern ihre Vnderhaltung nicht geben / Wann man sie
soll ernehren/so zehlet man ihnen die bitten Brodts ins Maul. Tan-
tum animaduertatur quo modo Euangelici (Lutherani) Princi-
pes se gerant, quando parochis (Prædicantibus) paganis decimæ,
aut alij redditus sunt dandi; aut subditi eo impellendi, vt debi-
tum stipendium persoluant, vel triginta aureos, auctarij loco,
adiiciant. Mox clamitant, Popos esse auaros; Quapropter Præ-
dicantibus iam ad sustentationem suam nihil præbere volunt:
imò

imò cum viâus suppeditandus est, omnes buccellæ, quas in os
inferunt, annumerantur.


Idem Lutherus in cap. 6. Euangelij S. Ioannis Tom. 2. Nouorum Operũ.
Röndee man die Prediger hunger sterben lassen/ so thäte man es zum
aller willigisten/ Verfolgen auch die Prediger/ vnd köndten sie diesel-
bigen zum Landt hinauß jagen/so thäten sie es vil lieber. Si Prædi-
cantes fame enecare possent, nihil illis gratius accideret. Perse-
quuntur itidem Prædicantes; quos si exturbare penitus pos-
sent, longè libentius id agerent. *In Margine addit Aurifaber hoc scho-
lium.* Jetzt soltest du heiliger Luther leben / vnd sehen wie es durch ein-
ander gienge. Iam viuere deberes Luthere, & intueri, quid rerum
agatur: quasi dicat; Tempore Lutheri fuisse auream, vel certè argen-
team et atem; ac nunc agi ferream vel plumbeam. Sed satis

*de his, quorum labyrinthum si ingrediaris,
nullum exitum inue-
nias.*





APPENDIX PRIMA.
DE EDICTO DONATIONIS CONSTANTINIANAE, ET NOVO AD ID COMMENTARIO.



*U*n iste Commentariolus iam praelum subiisset, oblatus est mihi recens excusus liber, qui Græcolatinam donationem Constantini Magni, & ad eam Commentarium, & præterea quandam Constitutionem Othoni III. Imp. adscriptam, cum a simili explanatione complectebatur. Et si autem de hoc argumento satis copiosè scripsi in Apologia pro Illustrissimo Cardinali Baronio cap. 21. ab instituto tamen huius opusculi, quod nunc euulgo, nihil abhorrens me facturum censui, si breuiter quædam ex nouo hoc Commentario enotarem, & ad examen vocarem. Et quia Auctor latere voluit, lateat sanè, per me licet; tamen si magis latuisset, si encomiastes illius in suo Rationali silere, quàm loqui maluisset.

Ac primum quidem in peroratione sua & alibi sæpius, tantum non coronam sibi deposcit ob laruam Constantiniano Edicto detractam: ut & ob proditum eius Auctorem. Sed si hoc coronam meretur, non huius, sed Baroniano capiti imponenda erit; Baronius enim, quod iste diffiteri nequit, iam pridem Tomo 3. Annalium Ecclesiasticorum ad Annum Christi CCC. XXIV. & copiosius Tomo 12. ad Annum Redemptoris M. C. XCI. Edictum sub nomine Constantini venditatum, commentis accensendum docuit; quod & a nonnullis ante Baronij Tomos factitatum. Baronius quoque ante istum patefecit, quem nam Othonianum diploma Edicti huius architectum faciat, nempe Ioannem Digitorum, seu Mutium, seu Mutilum, seu Murcium. Quare non est, quod tantopere de prodito abs se figmenti huius sabro iste glorie-

glorietur: cuius certè argumentum, quo edictum falsitatis conuincere conatur, viribus caret: & est istud. Duodecim exstant diuersæ editiones huius donationis; ergo commēticia est. Perinde ac si diceret: Octo Fol. 33. vel nouem vel decem exstant diuersæ inter se editiones Bibliorum partim ex Hebræo, partim ex Græco; ergo Biblia sunt fictitia, vel saltem non iniuria in dubium trahuntur. Quantum ponderis in hoc argumento, tantum est & in illo priore; neq; arbitror tanto discrimine vllam Edicti huius versionem ab aliis distare, quantum translationes Bibliorum Tremelij Iunij, Munsteri, Castaleoni, &c. ab editione veteri ac vulgata discrepant.

Nec firmitus est argumentum à Stylo aui Constantiniani, cum quo, ait, iste phrasin edicti non satis congruere. Si edictum hoc contineret ea, quæ Caluiniano & Lutherano stomacho arrident; vt Papam Romanū non esse omnium Antistum supremum; Ecclesiam Romanam non esse omnium Ecclesiarum caput & matrem: Non decere, vt Papa dinitias atque integras prouincias possideat, sublimisue in equo aut mulo vehatur; Si, inquam, hæc & similia effata in Edicto illo inessent, iam Constantiniani aui stylum & totum styli genium Caluiniani criticis redoleret. An non ipsa Constantini ætate latina lingua maxima inclinatio iam facta fuerat? An non etiam tunc latina vocabula Græcis, & hæc illis permisceri cœpta sunt?

Forfitan tertium telum crit penetrabilius. Videamus: Nemo veterū huius Edicti meminit: ergo commentitium est. Respondco, an non sat vetusti Auctores, qui ante quingentos, & quod excurrit, annos vixerunt, vt Leo IX. qui certè huius Edicti non meminit, vt nuperi; sed vt vetusti; nec Græcis illud intrepidè obiecisset, si illud à Græcis tam facile nouitatis accusari potuisset. Et quot veterum monumenta hodieq; in lucem emergunt, de quorum tamē fide tam non dubitamus; quàm vt plura eiusdem generis quotidie eruantur, optamus. Taceo Acta Syluestri, quibus hoc Edictum insertum; quia forsan oggeret, à recentioribus intrusum, vel ipsa Acta in fabulis numerabit. Verum, vt ita agat, nobis tamen semper liberum erit querere, vnde hæc comperta habeat; neq; vllam vnquam responsionem adferet, quæ aduersario os sic oppilet, vt penitus obmutescat.

Hæc non disputo, vt Edicto huic fidem adstruam; sed eò duntaxat, vt ostendam, istum nondum attulisse eas probationes per quas Pontifex de possessione Urbis Romanæ & aliarum Prouinciarum deiectus sit, aut propter
quas

quas deici debeat; aut signum dandum Principibus, ut aduersus Pontificem arma capiant; quid enim aliud sunt hæc ex præfatione ad Magnæ Britanniæ Regem verba, quàm classicum? Fas erit, ut quemadmodum Superioris æui infelicitate & tenebris ad suum commodum abusi (Pontifices) creuerunt, ita horum felicitate, & luce diuinarum humanarumque literarum renata, confusi deprimantur, ut quantum illis nostra cæcitas indulsit, tantum diuina iam illustratio detrahat.

Crede mihi cuius hæc tentanti, & buccinæ tuæ sonum sequi volenti citius detrahatur sua, quàm S. Petro sua, citiusq; deprimetur, quàm deprimas, quisquis S. Petrum deprimere volet. Olla Caluiniana si cum Petra certamen ineat, quid lucri faciet, nisi hoc, ut ex insultu in frustra minuta disiliat? Merito autem mireris, cur duo isti spiritus, Caluiniæ & Lutheraniæ tubæ semper inslent, ut Pontifex priuetur iis, quæ iustissimè à multis annorum centuriis tenet, nec tamen vel minima sollicitudine tangantur ob totæ florentia regna, quæ Machomet Christianis per summum nefas ademit?

Illud verum non est, quamuis ut verum obrudatur Magno Regi, itemque Principi, quibus iste suum plumbum pro auro consecrauit; Romanos Pontifices, non alio magis, quàm isto à Constantino fulcro usurpatæ potentiæ vlos esse. Quod sanè à vero quàm longissimè abit; nam præter Leonem IX. vix proferet Scholias, vllum Pontificem, qui Editi huius disertè meminerit; tantum abest, ut præfules Romani puppim & proram potentiæ suæ in eo collocarint: nam quod ad spirituales seu Ecclesiasticæ potestatem attinet, pro fulcro immoto & inconcusso, & ne à portis quidem inferorum concutiendo, habent illam Domini sententiam Matth. 16. Tu es Petrus, & super hanc petram ædificabo Ecclesiam meam, &c. Et tibi dabo clauis regni cælorum, &c. Nosti cetera. Item illam Domini iussione: Pasce oues meas, &c. His nixi Pontifices canunt cum B. Dauide: Dominus illuminatio mea, & salus mea, quem timebo? &c. Si consistant aduersum me castra, non timebit cor meum, si exsurgat aduersum me prælium, in hoc ego sperabo. Nec pro præcipuo fulcro potentiæ temporalis, habent Romani Pontifices Constantinianum diploma, prout hodie vel falsum, vel falsatum exstat; sed aliorum Imperatorum, Regum ac Principum indubitatas donationes, quas in hoc nostro Opusculo recitauimus, & Lectori in vnum quasi fascem comportatas, fideliter representauimus, ut silens præcreant
ali qd

alios iustissimos titulos, quibus Romani Antistites, ea, quæ possident, tenent. Quamuis ipsa per se donatione Constantini, merito quoque nitantur, cum eam fictitiam esse nemo hactenus euidenter demonstraerit,

Quocirca cum iste in altera ad Serenissimum Venetiarum Principem Epistola, sesquipedalibus verbis ampullatur, Pontificibus Romanis nullam habendam fidem, utpote, qui in re tanta, commentitio diplomate vniuersum mundum deceiverint, & totam potentie suæ machinam fictitio Edicto inædificarint; caueat, ne sibi omnem fidem adimat, cum quod tanta assueuratione affirmat, à vero remotum sit; nullusq; Pontificum, his tibicinibus, ut iste loquitur, potestatem suam ita firmarit, ut si sortè subtraherentur, necesse esset, totam molem impositam labefactari ac corruiere. Caueas, quaeso, ne quis tua verba vsurpans lectores moneat, ut dispiciant, quid tibi fidei ultra habendum sit. qui velut omne humanum genus cum posteritate cerebro cassum ratus, talia (lædoriarum & pseudologiarum) portenta fingere ausus, ficta producere & obtrudere non dubitasti, & an errare possis, cui fallere ludus est. Denique quid omnino sanæ & sinceri ab illo expectandum, qui in summa scriptionis suæ constituenda tali fide & integritate versatus agnoscitur; quiq; in tota hac disceptatione parum dialecticè differit: nec videt hanc consecutionem esse virium expertè. Instrumentum Donationis Constantinianæ, quod vulgo circumfertur, supposititium est; Ergo ipsa etiam Donatio existimari debet falsa. Dialecticus paulò oculatior oggeret, hoc non sequi, posse enim fieri, ut donationis facta legitimum instrumentum diuturnitate temporis perierit, aut additione & detractione corruptum fuerit, & hoc quod iam teritur, in eius locum successerit.

Addet, hanc donationem fortassis per solos testes absq; vlllo Instrumento peractam. Adiunget & hoc, ex spuris tabulis huius donationis per se nihilo magis confici hanc donationem esse fictitiam, quàm si quis Celsus aut Iulianus sententiam Pilati, quæ in plurium manibus versatur, & à quibusdam non ex face plebis legitimi instrumenti loco habetur; fictitiam esse eumcat; & postea vltèrius, progressus, ipsam etiam veritatem Euangelij, quæ Christum à Pilato damnatum esse prodit, exterminare tentet, aut exterminatam censeat, eò quòd falsum instrumentum sit exterminatum.

Neq; Baronius ipsam Donationem, sed Donationis diploma, prout hodie apud Græcos & Latinos legitur, falsitatis accusauit. Donationem certè

M

probæ

probabilibus coniecturis niti demonstrat. Neque obstat, quod Imperatores post Constantinum Romæ & alibi in Italia, tanquam in suis provinciis imperitarunt; nam ut benè monet Cardinalis Baronius, in usus seu non usus rei, non arguit rem non esse concessam. Scribit enim Dio lib. 53. Senatui Romano olim ab Augusto tributas Africam, Asiam, Numidiam, Epirum, Græciam, Dalmatiam, Macedoniam, Bithyniam, Pontum, Cyrenen, Siciliam, Sardiniam, & Hispaniam Baticam, & tamen posteriores Imperatores has provincias arbitrato suo administrarunt: & in ipso Edicto Constantiniano expressè dicitur, Sylvestrum Diademate Imperiali sibi à Constantino oblato, uti noluisse, idemq; testatum reliquit Leo IX. Pontifex Epist. ad Michaelem Imperatorem Constantinopolitanum. An ideo coronam regiam Constantinus non concessit, aut donauit, quia Sylvester ea uti recusauit?

Nec illud de nihilo est, quod Illustrissimus Card. Baronius rectè annotauit; Francorum Christianissimos Principes suis in Donationum Diplomatis, profiteri, se ditiones à Longobardis ablatas, Romanæ Ecclesiæ restituere. Si enim Romana Ecclesia, inquit Baronius, ante collata illa à Francorum Regibus priuilegia iam potiebatur rerum dominio, unde illud sibi, nisi iure debitum, potuit vendicasse, cum certum sit, illud nulla factum armorum vi, atque violenta grassatione?

Ex Francicis donationibus prima est Pipini Regis. Anno Christi DCC. LV. quam suprà retitauimus. At ante hanc, Pontifices Romanos multas provincias possedisse, manifestum sit ex duabus Epistolis Stephani Papæ ad Pipinum apud Baronium Anno DCC. LV. Et ex illa, quam sub B. Petri nomine ad eundem Regem misit; in his enim aduocat Pipinum cum Francis, ut ablata à Longobardis restituat B. Petro.

Pipini donationem multis annis antecessit illa, de qua Paulus Diaconus de Gestis Longobardorum lib. 6. cap. 28. Hoc tempore (nimirum Anno Redemptoris DCC. IV. Ex Card. Baronij computatione) Aripertus Rex Longobardorum donationem Patrimonij Alpium Cottiarum, quæ quondam ad ius pertinerant Apostolicæ Sedis, sed à Longobardis multo tempore fuerant ablata, restituit; & hanc donationem aureis exarata literis Romam direxit.

Vbi vides, etiam hunc Regem prædictas terras, Ecclesiæ Romanæ non tam donasse, quam restituisse; quia iam quondam ad ius Apostolicæ Sedis pertinebant. Ergo ante Aripertum; ergo diu ante annum salutis DCC. IV. Licet Chronicon Reichenbergerense donationem hanc ad præcedentem an-

nm

num referat: quam donationem, vel potius antiquæ possessionis confirmationem, confirmavit postea Luitprandus Rex, ut scribit idem Paulus lib. 6. cap. 43. Nec reticet Chronicum Reicherspergenſe. Cum ergo certo certius conſtet, Romanam Eccleſiam ante Francorum Reges & Imperatores, & ante Aripertum Regem Longobardorum, varias provincias ſua in ditione tenuiſſe, neque de alio titulo acquiſiti Domini publicis Literarum monumentis aliquid conſtet, non improbabiler hoc ius ex Donatione Conſtantini derivatur.

Si quis principium temporalis poſſeſſionis referat ad annum Domini DCC. XXVI. & DCC. XXVII. quando Roma, & tota ſermè Italia à Leone Iſauro propter Iconoclaſticam impietatem deſciuit; hoc tamen ad multas illas cortes & villas Alpium Cottiarum referri non poteſt, cum multis annis antea ad ius Apoſtolica Sedis ſpectarint, ut antea vidimus: & quod Sigonius lib. 3. de Regno Italia ſcribit, Romam Romanumque Ducatū prædicto anno in poteſtatem Pontificis Romani Gregorij II. ſponte conceſiſſe; id non tam de iure nouo tunc acquiſito; quàm de veteri tunc ad uſum reuocato accipi & explicari poteſt.

Hæc & ſimilia non abſque veriſimilitudine pro Donatione Conſtantiniana diſputare licet; etiamſi aperte concedamus, Diploma, quod hodie ſuper-eſt, commentitium eſſe. Debebat proſecto iſte donationem ab Inſtrumento, & hanc ab illa diſcriminare; falſumque cum probabili non miſcere; qui etiam in Epiſtola ad Regem miratur, qui fieri potuerit, ut Aquilonigenæ, & toto orbe diuſi Britanni, & Germanica originis coloni Angli, Saxones, Nortmanni, Latiali Flamine (Romano Pontifici) ceu nexu mancipioque proprii, aut duro Marte ſubacti, capitis cenſum perſoluerint, & qui Conſtantini ingum excuſſerant, eius Donatario obnoxj ſubditique facti ſint. At non miraretur, ſi eodem ſpiritu, quo prædicti illi calerent; qui id fecerunt ducti pietatis & propria ſalutis amore, & inſuper religione in Deum, ac reuerentia erga S. Petrum Apoſtolum, cuiusq; in terra ſucceſſorem Romanū Pontificem; quod iſtum docebūt illa, quæ ſuprà de Denario S. Petri ex variis Hiſtoricorum monumentis commemorauimus. Si ſpiritus Caluini & Lutheri hæc non capit, id ideo ſit, quia mallet S. Petrū ſpoliare. q. muneribꝝ exornare; Nō dare, ſed prædari ſolet. Ex quo genio, pidiſ hoc quoq; Epiphonema. Verū, bene, gratia ſuperi, habet, & o mactos animi maiores tuos, Rex Magne, quorum virtute reiecto alic-

no iugo, Denarium illum S. Petri ereptum Roma plangit, libertate recuperata iam *Rom-seoh* apud vos inter calca & exoleta habetur.

Mihi hic primùm occurrit illud Propheticum. *Isaia* cap. 9. Et erunt, qui beatificant populum istum seducetes, & qui beatificantur, præcipitati. Et illud eiusdem cap. 3. Popule meus, qui te beatum dicunt, ipsi te decipiunt, & viam gressuum tuorum dissipant. Deinde, nescio quos iste maiores Iacobi Regis intelligat. Nam si *Scoticam* successionem spectare velimus, nullus omnino reperietur, qui eiusdem fidei cum Iacobo Rege fuerit. Si Anglicanam; præter vnâ Reginam, alium non monstrabit. Nam Eduardus fermè puer obiit, credere solitus, quidquid Protector dictabat. Henricus VIII. nec Lutherum, nec Zuuinglium sequebatur; quia vtriusq; sectatores in cineres vertebat. Denarium quidem sancto Petro ademit, vt & Eduardus, & Elisabetha; sed vtri potius Regis huius maiores sequendi erant, num tres isti nouissimis; an tot centeni alij, quâ Sanctimonie laude præstantes, quâ vetustatis canicie venerabiles, Offa, Ina, Etheluoelphus, alij, qui hoc religiosum tributum partim instituerunt, partim Deo & S. Petro religiose persoluerunt? At dic bona fide, num tu vel Anglicanam Rempublicam vniuersim, vel singulas familias sigillatim opulentiores nunc arbitraris, quàm olim, quando pium hoc vectigal S. Petro pendeant: cuius amissio tam non angit Romam, quàm eandem excruciat florentissimi quondam Regni interitus spiritualis, & tot millium animorum perditio inestimabilis.

Pol. 20. Vide autem, quàm cautè & circumspectè iste scribat. In notis ad fictitium Diploma Othonis ex Othone Frisingensi lib. 4. Chronici cap. 3. repetit hæc verba. Exhinc, (id est, à tempore Donationis Constantinianæ, & ob Donationem Constantinianam) Romana Ecclesia occidentalia regna, tanquam sui iuris, à Constantino Magno sibi tradita affirmat; in argumentumque tributum, exceptis duobus Francorum regnis, vsque hodie exigere non dubitat. Id tributum, inquit Scholiastes, in singula hominum capita pro recognitione impositum Denarij S. Petri nomine sat notum, in ipsas vsq; Britannias inuectum, quod in legibus Anglofaxonum veterum *Rom-seoh* dicitur. Eadem fermè scribit Commentator ad Diploma Constantinianum fol. 78. 79.

At his obstat I. quod Anglorum Reges Denarium S. Petri suis indixerunt non ob donationem Constantinianam; non impulsu ullius Romani Pontificis; sed libere, ob solum amorem celestis Numinis, & S. Petri Apostoli; curamque salutis propriæ; ut concorditer Anglicani scriptores tradunt, quorum testimonia suis iam locis produximus.

Deinde Hybernia censum S. Petro persoluebat, ut supra vidimus; at Constantinus Hyberniam in sua potestate nunquam habuit. Si igitur Germania & Francia ab hoc tributo excipiebantur, quod duo hæc regna Constantinus nunquam possederit, oportuisset Hyberniam quoque excipi. At non fuit excepta, signum igitur est alia de causa, quam ob Donationem Constantini hoc vectigal Hyberniæ fuisse impositum.

Adhuc pleraque alia Europæ Regna pensionem nonnullam S. Petro quotannis offerebant, ut antea ostensum, non propter Constantinum, sed quia ipsi Reges se S. Petro obligatos cupiebant, celestem tutelam & prosperos in rebus agendis successus ex hac obligatione sibi polliciti. Exempla non parca manu, sed modio, quin & trimodio iam antea ad mensuram sum.

Præterea, si Denarius S. Petri manavit ex Donatione Constantini, tum fieri non potest, ut Ioannes Diaconus, is qui vitam S. Gregorij quatuor libris complexus est, Donationis Constantinianæ primus Auctor & promulgator fuerit, ut scholiastes nobis persuadere contendit. Nam Offa Rex Anno DCC. LXXV. Denarium S. Petri Regno suo imposuit, teste Polydoro, lib. 4. Historiæ Anglicæ: Ioannes verò Diaconus, quem iste primum Diplomatis & Donationis Constantini conditorem facit; multis post annis vixerit, nempe sub Carolo Caluo, ut dicit scholiastes, hoc est, anno DCCC. LXXVI. & sub Joanne VIII. Pontifice, quem alij septimum nuncupant, cui vitam S. Gregorij à se conscriptam dedicavit.

Forſan reſpondebit, Ioannem Diaconum non fuiſſe Auctorem rumoris & perſuaſionis de Donatione Constantiniana, ſed Diplomatis. At ſi hoc nobis oggerat, ipſemet vineta ſua cadet; quia in toto ſuo commentario nil aliud contendit, quàm peruulgatam opinionem de Donatione Constantini non aliunde fluxiſſe, quàm ex fictitio diplomate in Ioannis Diaconi officina procuſo.

Illud non nemini nimis poeticum, imò ridiculum videbitur, quod scholiastes in præſatione ad Britannia Regem ſcribit. Ipſe te Constantinus coram appellat, Cæſar, Regem, Magnum, Maximus, Britannus, Britannum. Et optimi Principis famam improborum artibus

indignè sugillatam, quem pro imminutore Imperij & abdicatorē traditum iuerunt, manes eius & vmbraë quiritantur: Et quia cum potentibus aduersariis res est, potentissimi simul & sapientissimi Regis suppetias vindiciasque exposcunt.

At, nisi fallor, Constantinus Magnus ex lucidis illis caliscedibus his sue gloriæ tam strenuis assertoribus accinet: Non his auxiliis, nec defensoribus istis tempus eget. Patrocinio vestro nihil mihi opus. Alio id transferte & conuertite. Non novi vos: nam qui Ecclesiam Romanam, in qua ad sempiternam beatitudinem renatus sum, nec agnoscit, nec audit, ille mihi, ex Christi monito, Ethnicus est & publicanus. Coquit te cura imminuti Imperij. Recupera primum, quæ Mahometani & alij inde abstulerunt, & ubi recuperaueris, tum redito, ut dispiciamus, quid statendum de illis, quæ Romana Ecclesia, meo & successorum meorum, aliorumq; Regum concessu ac munificentia possidet. Zosimum Ethnicum, aut Iulianum quempiam hæc, quæ tu blatis, decebant, non illum, qui Christum & Euangelium fert in ore, O si & in pectore. Christo & S. Petro si quid dederis, cum magno lucro dederis; id expertus ego, quidquid tu post tot annorum curricula contraria garrias. Si sapere nescis, saltem tacere discas.

Vocas me Maximum. Verebar, ne Maximus essem, nisi Maximus à te prædicarer. Si tibi Maximus ego, cur sol. 38. & 39. tantum non in Neronem aut Diocletianum me transformas? Cur Iuliani, Zosimi & aliorum in me conuicia regeris? Peccaui quædam, ut homo: sed primum, baptismatis; post, etiam lacrymarum ac poenitentiaë salutaribus vndis ablatus sum. Tu quando vel vnâ guttulam ob scelera tua ex oculis tuis effudisti? Cur cum Zosimo & Iuliano rides meum baptismum, & hos baptisterio meo adiunctos versiculos?

Insons esse volens, isto mundare lauacro,

Seu proprio premeris crimine, seu patrio.

An baptismus tibi ludus? Ita credo: alioqui non subiungeres. Qui versus nescio quam operis operati persuasionem redolentes, non abluunt ab eo, quod Zosimus de illo scribit. &c. Si baptismus non est lauacrum regenerationis, & si non eluit commissa piacula frustra suscipitur. At si lauacrum regenerationis est, & malè facta eluit, ut testantur diuina oracula, nihil rebus meis conducibilis atq; salutaris agere potui, quàm ut ad hanc scelerum & flagitiorum omnium expiationem confugerem, quidquid tu cum Zosimo & Iuliano, impiis capitibus, dicaciter in hoc meum sacrum

Etum effutias. Apage cum his honoris & nominis mei vindicibus, quos non magis agnosco, quam Eunapium, Zosimum, Iulianum. Qui Sylvestro, & successoribus, hoc est, cathedra Petri iungitur, is meus est: ceteris anathema mitto & dico.

Castigantur notationes nonnullæ.

Ol. 36. & 37. historiam de curata lepra Constantini in baptismo vellicat & morsicat. Atque non deesse, qui curata lepræ conuersionisq; historiam & confessionem quinto Constantino, qui Copronymus dicebatur; conuenire autument; ut atque Alciatum, Cuspinianum, Egnatium, Platinam, nuperos nimirum Auctores, qui vetusti cedant oportet. Quis enim veterum hoc de Copronymo memoria prodidit? quin longè aliud quiddam de eo cum baptizaretur, scriptum reliquerunt: futuri mali non obscurum signum. Quanquam Platina (nam alios inspicere haud libuit) non dicit, quod illum dicere Scholiastes fingit; sed; fortasse ex Elephantis morbo, quem Constantinus Copronymus incurrerit, natam opinionem de lepra magni Constantini ob similitudinem nominis. Nihil Platina de Constantini huius conuersione; nihil de Confessione; nam in perfidia semel intimis medullis imbibit a pertinax interiit: nihil de lepra in baptismo depulsa. Et alioribus hæc de Magni Constantini lepra narratio radicibus firmata est, quam ut Platina aut alterius nouitij coniectoris leui coniectura conuelli aut euerti possit.

Postea videtur hanc de lepra historiam ad spiritualem transferre velle; profertq; Gregorij Turonensis verba de Clodoueo Rege, lib. 2. cap. 13. Proccedit nouus Constantinus ad lauacrum, deleturus lepræ veteris morbum. Vbi clarum, de spiritali lepra sermonem esse; quandoquidem Clodoueus corporali lepra non laborauit; præsertim cum Gregorius subiungat: Sordentesq; macula gestorum antiquorum recenti latice deleturus. At hoc nihil est; nam verba Gregorij allusionem ad corporalem lepram Constantini continent; quæ allusio non negat veram, & ut sic loquar, realem Constantini lepram; imò quia vera lepra fuit, ideo Gregorius de Clodoueo iam ad expiatrix vndas eunte loquens, ad corporalem illum leuem Constantini allusit.

In Edicto dicit Constantinus, se ab omni lepræ squalore mundatum. Scholiastes: Cur non potius à nœvis morum, vulneribus & cauteriis conscientiae? Ab his quoque, se expurgatum fuisse, satis profitetur, hoc ipso, quod se baptizatum, & trina immersione verbi salutis à Sylvestro purificatum dicit. Miraculum depulsa lepra nominatim exprimi debebat, quia extraordinarium erat; neque enim baptismus semper ex corporibus leproforum, qui baptismum suscipiunt; lepram propulsat.

Dicit id factum, beneficiis beatorum Petri & Pauli. Scholiastes: Cum par utriusque meritum agnoscat, in Petrum tamen ferè solum gratus & munificus est. Imò & in Paulum, quia, si ex veteri dicto, amicorum omnia sunt communia; quanto magis calitum? Itaque quod Petro fit, hoc & Paulo fit, & vice versa. Deinde quam Constantinus in S. Paulum quoque, seorsim munificus fuerit, docebit te Anastasius in Sylvestro, si legere digneris. Adde, etiam si Constantinus in S. Petrum munificentior fuisset, id propter Apostolicum Principatum, quo Petrus, supra omnes Apostolos eminuit, accidisset.

At ut Scholiastes festius sit, etiam de facetiis aliquid nobis gustandum apponit; nimirum, Pauli idem propemodum, quod olim Pollucis fatum videri, qui quam communem cum fratre in Foro ædem habebat, solius Castoris vocabatur. Lepidè; sermè dixeram, Lucianicè. Dicam, Calvinisticè; & Leporem satis expressero. Certè in ipso Edicto non semel duo isti Apostoli coniunguntur, ut & plerumque, in literis Pontificum, quibus aliquid mandant & vetant. Phrasis insuper antiquissima est; Ad limina Apostolorum; nempe Petri & Pauli. Eundem diem festum communem habent; & quoties S. Petro proprius dies seorsim dicatus est; non omittitur commemoratio S. Pauli, tanquam individui Comitæ; idemque commemorationis honos contingit S. Petro in Festis S. Pauli.

Ait Scholiastes: Locum de imaginibus Petri & Pauli, Constantino à Sylvestro ostensis tangi à Carolo Magno lib. 2. de Imaginibus cap. 13. Non à Carolo, sed à Pseudocarolo, ut nuper in Horto S. Crucis monstratum, & alibi alias: qui tamen, quisquis demum huius libri faber fuerit, factum nec negat, nec in dubium reuocat: cum Scholiastes, Carolo Magno, ut ipse quidem censet, sapientior videri volens, fabulis id accenseat: nobisque persuadere cupiat, effectum ad imitationem eius, quod de Stephano Papa commemorat Regino, Anno Christo DCC. LIII. Non libet totam narrationis seriem exscribere. Videat, cui libitum, apud Baronium, An-

no DCC. LIV. vel ipsum Reginonem. Si id, quod Scholiastes inde confice-
conatur, ad Dialecticam formam breuiter redigas, hac collectio procudetur.
Regino narrat, Apostolos Petrum & Paulum, apparuisse Ste-
phano Pontifici Parisiis apud S. Dionysium ægrotanti, eique
optatam sanitatem contulisse: ergo quod iidem Apostoli Con-
stantino Magno apparuisse dicuntur, commētitiū est, quip-
pe ex apparitione Stephano Papæ facta exsculptum. Qui huius
consecutionis acumen non perspicit, ille oculos suos Collyrio ex Pharmacopo-
leio Caluini inungat, & statim ad hæc talia peruidenda, vel lynx vel certè
lynceus fiet.

Ait Constantinus, se sibi elegisse Principem Apostolorum & eius
successores firmos apud Deum esse Patronos. Scholiastes: Affe-
ctus hic in eos Apostolos planè Francicus apparet, si conferas
locum Aimoini lib. 5. cap. 2. Et mox proponit verba Aimoini, quibus
declarat summū amorem Caroli Magni erga Romam, S. Petrū, Petriq; suc-
cessorem Romanū Pontificem. Et o fortunatos Francos, quandiu Francicum
hunc in Sedem Apostolicam affectum sartum tectum retinuerint; nec Fran-
cicum solummodo, sed & Constantinianum; nam vt nunc Edictum, de quo
disceptamus, taceam, ex alijs historiarum monumētis liquet, Constantinum
Magnum in Romæ, & S. Petri, Sedisq; Apostolicæ cultu Carolo Magno nihil
concessisse, sed & illum & hūc, vt rerum gestarum gloria, sic pietate in Deum
Deiq; illustres amicos, præsertim sanctum Petrum, & eius successorem, fuisse
Magnos, imò Maximos.

Iubet Edictum, vt Romana Ecclesia, Principatum teneat tam su-
per quatuor præcipuas Sedes, scilicet Antiochenam, Alexan-
drinam, Constantinopolitanam & Hierosolymitanam, quàm
etiam super omnes in orbem terrarum Ecclesias. Scholiastes: Hoc
dudum postea Bonifacio Papæ à Phoca Imperatore tributum
scribunt Paulus Diaconus, Beda, &c. De quo tamen nihil apud
Græcos Zonaram, Glycam, &c. Vides in dubium vocari à Scholiaste
id, quod de Principatu traditur, ed quoddam posteris seculis Phocas simile decre-
tum pro Romana Ecclesia ediderit. At ne teruncio quidem digna est hac col-
lectio: Postea simile quid factum est, ergo antea non est factum.
Quæso, cur idem non potuit fieri bis, imò & sæpius, antea & postea? Quan-
quam neq; hoc Edictum, neque Phocæ constitutio Romanæ Ecclesiæ Ecclesia-
sticum Principatum dedit, hunc enim diuinitus accepit & obtinet; sed à Deo
datum declarauit & notificauit, idq; propterea ne quis pestilenti ambitionis

Appendix prima

vento circumagitur, Primatum indebitè contra leges diuinas atq; humanas, vel saltem aequalitatem cum Romana Ecclesia sibi vendicaret. Nec refert, quòd alium sit silentium de hoc Phocæ factò apud Græcos; An non sat fideles testes de re latina, deni illi latini, quos Scholiastes profert? Quibus potius habenda fides? Decem Latinis affirmantibus, an quaternis Græcis (tot enim citat) silentibus?

Existimabat Baronius Tom. 3. Anno Redemptoris 324. Edictum Constantinianum confictum ab aliquo Græco, duplici fine, altero, vt Romanam Ecclesiam deprimeret, quasi primatum solius Imperatoris beneficio possideret, ac proinde, eodem, denuo priuari posset, si ita Imperatori videretur; Altero, vt Sedi Constantinopolitanae inter Patriarchales thronos locum præpararet. Scholiastes putat, ex Phocæ sanctione & Græcorum de ea silentio, satis euinci formulam Constantinianam non fuisse à Græco homine excogitatam & confictam: (at quomodo hoc inde euincatur perspicacioribus perpendendum relinquo) præsertim cum ne secundo quidem loco ponat Constantinopolin (quod ordinauerat Iustinianus Nouella 131. in principio) sed despiciatim ad infimum detrudat.

At in illa ipsa Edicti editione, quam nobis Scholiastes exhibet, anteponitur Sedes Constantinopolitana Hierosolymitanae atque adeo in vltimum locum non detruditur: Deinde vt Edicti huius Auctor Constantinopolitanam Sedem postremo loco collocasset, vt quidem in aliquibus huius Diplomatis Editionibus vltimo loco ponitur; id ei non fuisset probrosum, sed valde honorificum; quid enim honorificentius, quàm Ecclesiam prius Heracleæ Ponticæ subiectam in Collegium Ecclesiarum Patriarchalium cooptari? Et ea mente erant Græci, vt illis satis esset, si semel Constantinopolitana Ecclesia Patriarchalibus Sedibus accenseretur, etiam postremo loco; quia temporis progressionem sperabant, arte Pelasga facile effectum iri, vt alia Sedes de sua statione depellerentur; & Constantinopolitano Throno secunda, imò & prima, (vt iam ab aliquot seculis factum) arrogarentur. Qui grande quid plerumq; fraudibus molitur, is pedetentim procedit, & sæpè contentus est, fundamentum posuisse, cui alij ædificium imponant; vel oua posuisse, quæ alij excludant; vel scintillas sparsisse, ex quibus postea horribile incendium nascatur.

Nec Baronius, inequitat Zonara; sed Scholiastes Baronio; qui securus est versionem Volphij, cum quo expostulet Scholiastes, si Zonara genuinum sensum non expresit. Volffio, non Baronio, hanc odam accinat. Quod non fecisset, si Græci sermonis mediocrem peritiam habuisset.

Negari

Negari non potest VVolprium Græci sermonis etiam plusquam mediocrem cognitionem habuisse; & tamen non aliter, quàm Baronius retulit, Zonare locum vertit: nempe; Constantinus Byzantium in Patriarchatus dignitatem restituit; quo significatur, olim quoq; ante Constantinum Ecclesiam Constantinopolitanam fuisse Patriarchicam. Quod meritò Baronius, tanq̃, à vero alienissimum, explodit. Certè si Scholiastes, maluisset rem attentius perpendere, quàm Baronio lingue Græcæ ignorantiam obiicere (etsi hanc Baronio quidem obiicit, sed imprudens VVolprium tangit) vidisset verbum ἀνήγα, quo Zonaras usus, verti posse, ut vertit VVolpnius; nam ἀνάγειν est etiam, inter cetera, reducere. Cum ergo Zonaras dixit: Constantinus Ecclesiam Byzantinam εἰς πρὶν ἀνήγα πατριαρχίην, ad verbum vertere possis; Reduxit eam ad honorem & dignitatem Patriarchalem: hoc autem, quid aliud est, quàm quod VVolpnius vertit? In Patriarchatus dignitatem restituit.

Subiungit Zonaras. τῇ πρεσβυτέρῳ ῥώμῃ τὰ πρεσβεία τηρήσας διὰ τῆς πρεσβυτείας, καὶ τὸ ἐκείδεν τὴν βασιλείαν ἐν ταῦτα μεταρχῆναι. Quæ verba sic transtulit VVolpnius: Romæ veteri, ob ætatis prærogatiuam, & imperium inde huc translatus, principatu relicto. Locus summè est notandus, inquit Scholiastes, quod nulla alia causa, quàm ipsius Urbis prærogatiua, sedem Romanam caput extulisse verissimū sit. Imò, falsissimum; nam Romana Ecclesia Primatum Ecclesiasticum nunq̃ fundavit in politico Principatu Urbis Romanæ, eò quod domiti orbis caput esset; nugamenta hæc sunt recentiorum Græcorū Schismatis morbo laborantium; inter quos & Zonaras; sed in illo Domini promisso: Tu es Petrus, & super hanc Petram ædificabo Ecclesiam meam, &c. Et tibi dabo claves regni cælorum, &c. Et in illo: Pasce oves meas. Prærogatiuam Urbis oggesserūt Græci, ut viam sibi ad Stramentitium suum primatum munirent, quasi penes Imperatorem esset, Primas tribuere vel adimere cuiusq; vellet.

Verba Edicti sunt: Iustum, quippe est, ut ibi lex sancta caput teneat Principatus, vbi Sanctarum legum institutor Saluator noster B. Petrum Apostolatus obtinere præcepit cathedram, vbi & Crucis patibulum sustinens beatæ mortis poculum sumpsit, &c. Scholiastes citat quendam Barlaamum Græcum, qui Latinos ita argumentari scribit. Petrus Romæ est mortuus; ergo Episcopus Romanus tenet locum Petri. Subiungit Græculus: Hinc sequi, Episcopum Hierosolymitanum esse omnium supremum; tanquā

N 2

cum,

eum, qui summi sacerdotis nostri locum teneat, & tanto maiorem, quanto Christus maior est Petro. Idem responsum dat Latinis Nilus à Scholiaste itidem productus.

Sed nemo Latinorum argumentationem ita nudam & rudem instituit. Quid enim? Num si S. Petrus Mediolani aut Byzantiæ obisset; Episcopus Mediolanensis aut Byzantinus idcirco omnium caput atque Princeps esset? Quod ergo Latinorum argumentum? Istud. S. Petrus Romæ, tanquam Romanus & vniuersalis Episcopus, atque adeo, ut caput omnium aliorum mortuus est; ergo Romanus Episcopus, Petri in eadem cathedra successor, itidem vniuersalis Episcopus est, quandoquidem idem ius successor, quæ talis est, competit, quod antecessori competebat.

Putat Scholiastes, Antiochiam potius, quàm Romam Principatum obtinere debuisse, hanc enim prius tempore à S. Petro edoctam. hanc Petri prædicationem libenter amplexam: in hac Christianorum nomen natum; & inde ipsam urbem *ἡ πόλις* vocatam. Verùm si tam ardens desiderium Scholiasten tenet; cognoscendi, cur Roma Antiochiæ anteposita fuerit, necesse est, ut Christum examinet, cur Petro mandarit, ut Roma cathedram principalem, & omnibus aliis iura dantem figeret: non enim probabile est id à Christo factum absque iusta causa; quam fortè S. Leo indicat *serm. de SS. Apost. Petro & Paulo*, ubi dicit: Beatissimus Petrus, princeps Apostolici ordinis ad arcem Romani destinatur imperij, ut lux veritatis, quæ in omnium gentium reuelabatur salutem, efficacius se ab ipso capite per totum mundi corpus eifunderet. Porro, quod Antiochia Theopoleos nomen tulit, id longe post Christianismum exortum, & aliam ob causam, factum, ex Nicephoro lib. 17. cap. 3. & ex Cedreno in Iustiniانو intelliges. Iustinianus enim hoc nomen Antiochiæ indidit.

Iubet Edictum, Ecclesiam Lateranensem, tanquam caput & verticem omnium Ecclesiarum in vniuerso orbe terrarum coli, dici & prædicari. Scholiastes: Atqui olim suprema veneratio fuerat Basilicæ S. Petri apud Romam. Imo Lateranensi, velis nolis: Lateranensis enim Ecclesia, inquit Petrus Damianus *epist. lib. 2. epist. 1.* Sicut Saluatoris est insignita vocabulo, qui nimirum omnium caput est Electorum: ita mater & quidam apex ac vertex est omnium per orbem Ecclesiarum. Hæc septem Cardinales habet Episcopos, quibus solos post Apostolicum, sacrosanctum illud altare
licet

licet accedere, &c. Hæc igitur ad honorem condita S. Saluatoris Ecclesia, culmen ac summitas totius Christianæ Religionis effecta, ut ita dixerim, Ecclesia est Ecclesiarum, & sancta sanctorum. Hæc & plura in hanc sententiam Damianus. Neq; verum est, Lateranensem Ecclesiam hunc tantum honorem posteris demum sæculis adeptam esse; neq; hoc euincitur ex Anonymis Francorum Annalibus (quos iste citat) ad Annum DCCC. LXXVIII. nihil enim aliud dicunt, quam Ioannem Pontificem omnes thesauros, ex S. Petro ad palatium Lateranense transtulisse, & id, eam ob causam, ne in prædonum manus inciderent. An ideo ante hoc Ioannis factum Ecclesia Lateranensis primas in Ecclesiarum numero non tenebat? Valde autem necessarium erat, ut iste nos doceret, Ecclesiam S. Petri fuisse olim extra vrbs murum eiusq; pomerium. Scilicet rem tam reconditam nemo ante hanc admonitionem nouerat.

In Edicto dicitur, Constantinum ex egesta terra fundamenti Ecclesie Lateranensis duodecim absportasse cophinos in honorem duodecim Apostolorum. Exemplo Neronis aut Vespasiani apud Suetonium, inquit Scholiastes. Quæ notatio adeo placuit Scholiastæ, ut eam nobis bis apposuerit: quæ sua diligentia hoc perquam egregium argumentum innuit. Vespasianus restitutionem Capitolij aggressus, ruderibus purgandis manus primus admouit, ac suo collo quædam extulit: ergo quod de Constantino scribitur, id ad Vespasiani exemplum confectum est. Argute profectò: quam quidem colligendi rationem si sequi velimus; plurima posterorum præclare facta in dubium reuocabimus, vel penitus labefactabimus; cum iis similia ab aliis olim quoque sint patrata. Vide Baronium in Notationibus ad Martyrologium Romanum, 18. Nouembrii. Nec minus lepidum est, quod dicit, hoc excogitatum ad imitationem Caroli Calui, qui proprios humeros Reliquiis Sanctorum Medardi, Sebastiani, &c. transferendis supposuit; teste Nithardo lib. 3. Quæ connexio inter cophinos, quibus rudera efferuntur; & inter feretrum, quo sanctorum Lipsana deportantur, ut alterum ex altero fingere & pingere liceat? Vsum luminariorum in Ecclesiis antiquum non esse, falsitatis vel ipse Vigilantius calumniator coarguit; qui vsum cereorum insectari non potuisset; nisi in Ecclesia catholica vsitatus fuisset.

Ait Edictum: Constantinum Basilicas SS. Apostolorum Petri & Pauli variis rebus decorasse. Omnino variis, ut ipsemet Scholiastes notat ex Anastasio in Syluestro, & ex Hadriani I. Pontificis epist. 35. ad Carolum Ma-

gnum, nondum in lucem edita, qua gratiarum actiones continentur, inquit Scholiasles, & plurimæ petitiones pro restitutione patrimonij S. Petri, vbi etiam meminit donationis Constantinianæ temporibus Syluestri Papæ facta, & aliorum, qui pro animæ suæ salute multa donarunt B. Petro, quæ à Longobardis erepta fuerant; & addit, in Lateranensi Scrinio eas donationes haberi. Gratia Scholiasle, qui hæc ex Adriani epistola enotarit. Hinc enim elucescit, opinionem de Donatione Constantiniana longè esse antiquiorem Ioanne Diacono, quem putat iste Diplomatis Constantiniani, & per hoc persuasionis de Donatione, primum fuisse conditorem & auctorem.

Occasione stemmatum & ornamentorum, quæ in Edicto Constantinus Syluestro Papæ concessisse dicitur, dentes non semel in Pontifices Romanos Scholiasles exserit, dicitans, non pompam, non magnificentiam, non opulentiam; sed humilitatem; tenuitatem & paupertatem Pontifices decere. Scilicet hoc curat populus Caluinianus. Fingamus Pontificem Romanum quouis, quantumuis egeno, Pradicante Lutherano aut Caluiniano egentiorum, & ab omni famulorum turba desertiorum esse; an ideo placeret huic Scholiasle? An ideo Caluino valediceret, & sub signis atque bandis Papæ stipendia faceret? Certè non magis quàm nunc, cum Pontifex dono Dei & Christianorum Principum liberalitate ad hoc potentia & maiestatis, etiam externa, culmen prouectus est. Nec ab Imperatoribus calami sui mordacitatem abstinet; quos sol. 97. cœcitatatis arguit, quod crediderint, se imperium quasi ab Ecclesia dependens obtinere: nominatim vapulare cogitur Sigismundus Imperator, qui in Reformatione sua lib. 2. cap. 10. id palam fassus est, repetita huius dependentiæ origine ab ipso Constantini Magni æuo & exemplo. Verum hæc de re satis disputatum est in Defensione trium librorum Bellarmin. de translatione Imperij, & in Apologia pro Illustrissimo Baronio: Nec multis opus est, potior apud quemlibet intelligentem debet esse auctoritas Imperatorum istud de se, & imperio suo diserte affirmantium, quàm homuncionum ignobilium ex priuatis lustris id præfractè, & inuerecundè negantium.

Dicit Edictum; Constantinum Stratoris officio functum, equitante Syluestro. Scholiasles: Hoc vt Constantino nunquam in mentem venit, (vnde scis, nunquam in mentem venisse?) ita de Pipino Franco ferè iisdem verbis refertur ab Iuone & Anastasio. Quid ergo? An quia id factum à Pipino, & à Ludouico II. vt refert Anastasius in Nicolao, ideo à Constantino Magno non est factum? Num tu iterum hæc vel simili colle-

collectione nos beabis? Pipinus officio stratoris functus est, ergo non Constantinus.

Ait: Cur Auctor diplomatis non addidit etiam pedum oscula, quæ apud Francos summæ venerationis erga Reges & Principes signum? Hic iterum videre mihi videor insigne argumentatrici scientiæ specimen: Edictum filet de osculo pedibus Syluestri per Constantinum lato. ergo id non est factum: Vel; ergo mos osculandi pedes Pontificis, tunc non erat in usu. Quasi verò, quidquid gestum est, in litteras relatum fuerit. Certè hac reuerentiæ erga Christi Vicarium Petrique successorem exhibitio, à Constantini pietate nequaquam aliena fuit. Mos olim erat osculari pedes Regum Francia, vt dicit Scholiastes, & Imperatorum quoque Constantinopolitanorum, vt planum sit ex Codini libello de officiis Ecclesiæ & aulæ Constantinopolitanae; neque vllus contra mutit aut hiscit; at quamprimum isti aliquid de osculo pedum Pontificiorum audiunt; enimvero iam toti sunt in fermento, & præ bilis copia vix se capiunt.

Ait Scholiastes: Si Constantinus occidentales Imperij provincias Syluestro donauit, vt in Edicto dicitur: Perit ergo fructus liberalitatis suæ Ludouico Pio, Carolo Magno, Pipino præcipuè, de quo Ra-uennæ marmorea inscriptio exstat in hæc verba: PIPINVS PRIMVS AMPLIFICANDAE ECCLESIAE VIAM APERVIT, ET EXARCHATVM RAVENNÆ CVM AMPLISS. cætera vetustas deleuit. Minime perlit, etiamsi Donatio Constantini vera esset, quia non minus beneficium est donata iam olim alicui conseruare, vel per vim ablatam restituere, quam de nouo donare.

Ridet Scholiastes Guntherum, quod in Historia capta à Balduino Constantinopoleos visionem quandam de extruenda Constantinopoli Constantino oblatam commemoret. Intonat, γεγιδίωον διηεπολήντων λογίδια. Sed si in culpa Guntherus, in eadem longè magis erūt Græci, nominatim Codinus in libello de origine Constantinopoleos. Aut si isti extra noxam, liceat & Gunthero Latino cum illis impune abire; præsertim cum non omne illud, quod isti somniis anicularum accensent; verè sit anile somnium, alioqui quid ab istis somniatoribus in anilia somnia non conuerteretur? Vix Orcus tutus foret.

Edicti verba sunt: Vnde congruum perspeximus, nostrum Imperium & regni potestatem orientalibus transferri ac transmutari

mutari regionibus. Scholiaſtes: Vnde, quid ſequeretur, niſi throni etiam præſulatusque prærogatiua transferri? Quod ipſum Imperatores quidam ante Phocam voluerunt. L. 6. & 15. C. de ſacroſanctis Eccleſ. Minime hoc ſequitur; quia Eccleſiaſticus Principatus non pendet ab Imperio: ſed à Deo Deique institutione. Quapropter quocunq; Imperij ſedes transferatur, vel translata ſit; immota manet manſitq; ſedes Apoſtolici Principatus. Neq; leges citatæ id aſſerunt, quod eis tribuit Scholiaſtes: nam in ſexta hoc ſolum aſſeritur, Conſtantinopolitanam urbem gaudere priuilegiis Romæ veteris. Quod ſi non ad urbem, ſed ad Eccleſiam referatur, id inprimis intelligi debet, de priuilegiis ab Imperatoribus conceſſis, non de prærogatiuis diuinitus acceptis; in hæc enim humana poteſtati nihil eſt iuris.

Secundò, ſi Conſtantinopolitana Eccleſia eſt æquata Romanæ, non ergo à Romanæ Eccleſia throni præſulatusq; prærogatiua ablata eſt; quia ſi cum ſede Imperij ablata & translata fuiſſet, Conſtantinopolitana Eccleſia non ei æquata, ſed prælata eſſet.

In Lege XV. vocant Imperatores Eccleſiam Conſtantinopolitanam matrem ſuam, & Chriſtianorum orthodoxæ religionis omnium. Quid tu? An ideo cum translatione Sedis imperialis, prærogatiua Romani throni migrarunt in Thraciam? Qualibet Eccleſia mater eſt ſuorum ciuium, & omnium Chriſtianorum orthodoxæ religionis, quatenus omnes, qui orthodoxam religionem amplectuntur, vno charitatis & fidei vinculo colligantur.

Addit Scholiaſtes: Hoc vel mulier intellexit, nimirum cum ſede Imperij translatum eſſe Eccleſiaſticum primatum, Anna, inquam, Alexij Filia, quæ lib. 1. Alexiados poſt conuicia in Gregorium VII. dicit: Translato Byzantium & adempto Romanis Imperio, μεταπλάωκε καὶ τῶν θεῶν ἀρχιερετικὴν τάξιν, & in eam rem ſynodi Chalcedonenſis meminit. Intelligentior ergo fuit hæc Anna, quàm Iuſtini anus Imperator, qui Nouella 131. adeo ſibi non perſuaſit, Eccleſiaſticum Principatū Conſtantinopolin cum imperio migrare; vt Romanæ ſedi primas tribuat, & ab omnibus tribuendas ſanciat. Quomodo hoc fieri potuit, ſi cum Imperio ſimul etiam Eccleſiaſticus Principatus in Thraciam conceſſit?


Intelligentior itidem fuit hæc Anna, quàm omnes alij Græci uſq; ad exitum ſchiſmæ: qui inter Patriarchas ſemper primum locum Romano Papæ tribuerunt. quod certè non ſeciſſent, ſi Romam cum Imperio Eccleſiaſticum

Prima-

Primatum amisisse existimassent. At citat Anna Canonem Concilij Chalcedonenfis. Non disputabo hic de fide Canonis illius, nam id iam abundè præstitum est Tomo secundo Bellarminianæ Defensionis; hoc dico, ineptè adduci hunc Canonem; non enim dicit, prout somniat Anna, cum Imperio Ecclesiasticum Primatum Constantinopolim venisse; sed nouæ Romæ throno æqualia priuilegia à patribus concessa esse; sic tamē, ut Ecclesia Romana, primas teneat; secundas, Ecclesia Constantinopolitana. Si ut Canon iste expressè asserit, Roma sua priuilegia, primumq; locum retinuit; quomodo, quod affirmat Anna, & Scholiastes necessariò ex translatione Imperij sequi contendit; μετὰ τὴν ὁμολογίαν τῶν ἁγίων ἀρχιεπιστῶν καὶ τῶν ἐπισκόπων, translatus est etiam hierarchicus thronorum ordo?

Ait in Edicto Constantinus; se donationis suæ literas posuisse super venerandum corpus beati principis Apostolorum. Cur non & S. Pauli? clamat Scholiastes. Si dixisset: Super corpora SS. Apostolorū Petri & Pauli; mox interrogasset; cur non solius Petri mentionem fecisset. Ita nunquam deest cauillandi materia. Ut amborum mentio superius semper sociata, inquit Scholiastes, ita & ossa Romæ credita; Et quidem ab omni antiquitate. Meritò autem super solius S. Petri Reliquias instrumentum positum fertur, quia S. Petrus Apostolorum princeps est ac Coryphæus; propterea pacta & conuenta cum successoribus S. Petri imita, meritò S. Petro, ut sic loquar, præsentantur, ut eis robur insolubile addat. Scholiastes, more suo, hoc procusum arbitratur, ex simili facto Caroli Magni, de quo Anastasius Bibliothecarius. Sed iam quoties diximus, cuius ponderis sint istæ & similes argumentationes an hallucinationes? Carolus Magnus Instrumentum Donationis suæ posuit super corpus S. Petri; ergo falsum est, quòd Constantinus idem fecerit. Vel; Ergo id quod de Constantino fertur; confictum est ex facto Caroli Magni. Cum autem Scholiastes passim asserat, Auctorem Edicti id procudisse ex factis & moribus Francicis; mirari subit, quomodo sui oblitus Diplomati inferuerit illa ex Græcorum officina. Per hanc imperialem sacram, &c. Diuina decreta, diuinam iussionem, pragmaticum constitutum, plus satis ampullarum, inquit Scholiastes, Credo quòd se probè stylum Græcorum Cæsarum hac ratione exprimere putaret, quos ob istam diuinitatis affectionem ipse etiam Carolus Magnus carpit & irridet lib. 4. de Imaginibus cap. 5. Quomodo tam oscitanter obliuiosus fuit, si ad Francicum genium Diploma conscribere volens, dere-

penite in Graciam auolauit, eosque dicendi modos inseruit, quos Franci ipsi carperent ac riderent? Haftenus nota in Notas ad Edictum Donationis Constantinianæ.



APPENDIX SECVNDA.
DE DIPLOMATE DONATIONIS OTHONIS III.
IMP. FACTÆ SYLVESTRO II.
PONTIFICE.

RECITAVI hoc diploma in Apologia pro Illustrissimo Card. Baronio cap. 21. & supposititium esse multis argumentis demonstraui; quibus hoc solummodo in presenti addo: Si vnquā ab Othone III. huiusmodi diploma profectū esset, haud latuisset acerrimos Romanorū Pontificum aduersarios & oppugnatores Henricum IV. & Henricum V. Item Fridericum I. & Fridericum II. Imp. quibus cum Pontificibus ingentes contentiones intercesserunt; at nemo vnquam ab hoc Othoniano Diplomate subsidium vllum petiit; nemo illud, vt suppetias ferret, aduocauit; Quis autem credat, Imperatores hoc causa suæ firmamentum omisso fuisse, si tunc in rerum natura existisset, aut ex Imperatoris officina processisset? Et quī fieri potuit, vt Diploma tam memorabile, quod vno, vt sic loquar, ictu, totam Romanæ Sedis potentiam succidit; omnium notitiam lateret vsque ad Annum 1338. vel 1339. & ab hoc tempore rursus vsque ad ætatem nostram? Quomodo fieri potuit, vt nullus Chronologorum vel Historicorum hoc Diploma monumentis suis infereret, cum nonnulli ex illis valde diligenter in sua Chronica retulerint ea, quæ quoquo modo ad Pontificiæ maiestatis imminutionem facere videbantur. Quas turbas dedisset, quos motus exciuisset hoc Diploma, quod, præter pauculas ditiones, Romano Pontifici, omnes aliæ prouincias à tot Imperatoribus & Regibus donatas, adimit, si vnquam Othonis III. Imp. nomine olim promulgatum fuisset?

Viderit

Viderit ergo Scholiastes, quantum Constantinianæ donationi officiat, quādo eam ex falso & supposititio Instrumēto falsitatis convincere nititur. Viderit insuper, an meritò tam insolenter gloriatur ob hoc fæneum Edictum, quasi iam Pontificem ad incitas redegerit, & omnibus fortunis suis exuerit, cum Cardinalis Baronius hoc Othonianum Diploma Tom. 12. Annalium prior euulgarit, ut iste tanti thesauri in luminis oras producti laudem, (si qua laus est) iustè sibi vindicare nequeat. Si hoc Othonis III. diploma simile esset Diplomati Othonis primi, aut Henrici sancti Impp. mox in spuris numeraretur, & ad Cynosarges ablegaretur. At iam aureum est, imò omni auro charius. Qua de causa? Quia contra Pontifices est. Nihil facilius, quàm Caluinistis placere & gratum facere. Pontificibus Romanis detrabe & insulta; & mox omnium Sectariorum sermonibus predicaberis, licet alioqui bipedum omnium sis ineptissimus. Sed veniamus ad Scholiastæ notas.

Qui amplius non dubitat, Ioannem Diaconum, Constantiniani Edicti auctorem & architectū esse; & quidem illum Ioannem Diaconū, qui vitam S. Gregorij Magni libris quatuor conscripsit. Et unde huic tanta plerophoria & certitudo? Ex Diplomate Othonis III. in quo Ioānes Diaconus cognomento Digitorū, seu Mutius, seu Murcius, præceptū, hoc est, Decretum, aureis literis sub titulo Constantini Magni scripsisse dicitur.

Respondeo I. Cum ipsum Othonis Instrumentum sit dubia prorsus ac suspectæ fidei, nihil inde de Auctore Edicti Constantiniani tanta certitudine concludi potest, quantum Scholiastes iactat.

II. Litteræ Othonis non tantū dicunt Ioannem Diaconum scripsisse Donationem Constantinianam; sed addunt; huic Ioanni cognomentum su-
isse, Digitorum; seu Digitorum Mutio, &c. At quis nunquam mortaliū audiuit, tale cognomentum inditum Ioanni Diacono, qui res S. Gregorij literis illustravit; quem tamen iste ait, postea Papam factum, Ioannis IX. nomine, testemq; laudat Platinam. At Platina hoc non dicit; Fuit quidem Ioannes IX. Pontifex ante Pontificatum Monachus & Diaconus; sed hūc eundem esse cum Ioanne Diacono, qui vitam S. Gregorij scripsit, præter istum, nemo asseruit: q̄ neq; ipse affirmasset, nisi e re sua vidisset fore, si Decreti Constantiniani Auctore, non qualemcunque, sed Pontificem habere posset. Sed quā verum est Ioannem Diaconum, S. Gregorij Biographum, fuisse Pontificem, tam verum est eundem cudisse Edictum Constantinianū; aut Diploma Othonis, qualemcunq; sit, hūc designasse. Proferat nobis Scholiastes vel vnum ex antiquis Scriptoribus, qui hunc Ioannem Diaconū à digitis indigitatū memoret; nec parum verisimilitudinis asserto suo conciliabit.

Quamquam ne ex Othoniano quidem instrumento aperte convinci potest, Ioannem istum, quisquis demum fuerit, Diploma Donationis Constantinianæ primum composuisse, quia nihil aliud hoc Diploma habet, quam Ioannem istum scripsisse instrumentum sub titulo Constantini Magni, & longa mendacij tempora finxisse. Quæ vera esse possent, licet Ioannes iste Edicti Constantiniani non primus conditor, sed Interpres duntaxat ex Græco fuisset. Itaque ne ex hoc quidem Othoniano Diplomate aperte redarguitur Baronius, qui vult hoc Edictum à Græcis fuisse confectum, & ab his ad Latinos venisse, non autem à Latinis ad Græcos. Nec solus Baronius est in hac opinione, verum etiam Agylæus à Scholiasta citatus, & Cuiacius. Neque moramur ampullas Scholiastæ, qui dicit; Siquidem pronunciare posse, stylo Ioannis Diaconi Latine compositum, & postea ab aliquo Græco in Græcam linguam translatum. Si probationem poscas, aliam non dabit, nisi hanc: Ita sibi videri.

Riserat supra, quæ in Edicto Constantiniano feruntur de possessionibus Romanæ Ecclesiæ concessis tam in Oriente, quam in Occidente, & Septentrionali plaga & meridiana, videlicet in Iudæa, Asia, Græcia, Africa, Italia, & in diuersis insulis, &c. Et tamen iam ea, tanquam vera, ex legatione Luitprandi ad Nicephorum Phocam, recitat.

Carolus, cuius Diploma Othonianum mentionem facit, vult Scholiastes fuisse illum, cui Calui cognomen. At hoc falsum esse, perspicue in Apologia Baroniana ostensum est. Falsum est & illud; tempore Calui cœptum à Pontificibus antiquiores donationes fingi, ad abolendam memoriam beneficiorum Francorum Regum, Pipini, Caroli, Ludouici, qui eos sublimauerant & ditauerant. Calumnias audio: nihil aliud. Quæ enim nox, quæ vel Ægyptiaca tenebræ clarissimam illam Francorum Regum in Sedem Apostolicam munificentiam obscurare, vel ex hominum memoria abolere potuissent? Et ut Scholiastes in omnes partes sese verset, & nescio cuius Eutropiani Continuatoris ex suo Illyrico opem imploret, adiuncto itidem Abbreviatore Historiæ Longobardicæ, Andrea Presbytero; nunquam tamen verè & solidè monstrabit, ea, quæ Othonianum diploma habet de Carolo, quem melior Carolus fugauerit, & imperio destitutum & annullatum priuauerit; competere Carolo Caluo.

Ait Scholiastes Theodoricum de Nihem facere mentionem Othonianæ donationis, Lib. de Priuilegiis & Iuribus Imperij his verbis: Cui
(Syl-

(Syluestro) octo ciuitates in Marchia Anconitanensi, quamdiu viueret, pro eius statu Papali tenendo, decentius commendauit. At in literis Othonis iubetur hæc donatio esse æterna, nec pro solo Syluestro, sed pro omnibus eius successoribus valitura.

Si quæras: Quæ ratione Otho III. dicat: nos nostra conferimus, & de publico nostro dona conferimus: cum iam antea munere aliorum Regum ac Principum Pontifex ista possideret: Respondet Scholiastes; hos octo Comitatus & alia pleraque omnia Othoni primo Imperatori à Leone Pontifice in solenni synodo Romana fuisse nominatim restituta. Sed hanc restitutionem, eiusque literas esse puras putas gerras, & aniles fabellulas, demonstratum est in Apologia Baroniana cap. 19.

Addit Scholiastes: Neque Othonis primi æuo adhuc auditam fuisse Constantinianam Donationem, quippe quam pro numero commento Otho demum Tertius in hoc Diplomate coarguat. Et tamen Scholiastes in Notis ad Edictum Constantini dixerat, Donationis Constantinianæ mentionem facere Adrianum primum Pontificem in Epistola nondum publicata, ad Carolum Magnum: qui sanè Othonem primum multis annis antecessit.

Neq; illud silendum, Scholiastem, vt insuetum illum Imperatoribus loquendi modum: Otto seruus Apostolorum, &c. defendat, citare aliud Priuilegium ab eodem Othone III. Hamburgensi Ecclesiæ concessum; cuius initium exordium. Otho seruus Apostolorum, &c. At Erpoldus Lindenbergius, qui non ita pridem Septentrionales rerum Germanicarum Scriptores vno in volumine edidit, cum multis Imperatorum ac Regum Diplomati- bus, istud Hamburgensi Ecclesiæ concessum priuilegium integrum euulgauit, hoc Principio Otho seruus aliorum, &c. cui potius fidem habeo, cum omnia, quæ in illum Tomum coniecit, profiteatur se ad fidem veterum Codicum emendasse, & partim quoque nunc primum ex archiuis protulisse.

Malè habet Scholiastem, quòd Baronius Tom. 12. fidem Instrumenti Othoniani furcillet, ita enim loquitur: reumque læsæ maiestatis Pontificiæ proclamat; dum quæ Benedictus Pontifex suo Rescripto ex thesauro Ecclesiæ deprompta, vel in ipsis transumptis pro authenticis & exceptione maioribus haberi voluit, iussit, imperauit; ipse (Baronius) pro fictitiis & supposititiis exagitat. At in toto suo

Breui nunquam dixit aut voluit Pontifex, vt omnia, quæ Commissarij illi ex Archiuo Asisienti producturi & exscripturi erant, haberentur pro veris, germanis & sinceris instrumentis; sed tantum hoc imperauit, vt Ioannes de Amelio Foroiuliensis Archidiaconus, cum sociis ita apographa seu Transumpta priuilegiorum transcribenda curaret, vt cum autographis seu originalibus congruerent, & in omnibus consonarent; sic vt illis tam extra, quàm intra iudicium fides haberi posset, tanquam cum exemplaribus, ex quibus descripta sunt, & verbis & sensu concordantibus. Quod longè aliud est, quàm mandare, vt instrumentum habeatur in se pro vero & legitimo: nam & id quod falsum, spurium & commentitium est, ita exscribi potest ex primigenio exemplari, vt cum illo per omnia concinat; quodq; concinat, tam intra, quàm extra iudicium credi possit ac debeat. Itaq; nec Archidiaconus, neque Pontifex, qui priuilegia Romana Ecclesiæ exscribi mandauit, aliam fidem huic Diplomati haberi voluit, quàm quod ex reperto exemplari fideliter fuerit expressum. Et Scholiastes bono viro iniuriam facit, dum eum contra publici instrumenti fidem, planè pro nomine suo, id est, ἀμελίως in isto munere versatum criminatur, vt qui voces quasdam sequius descripserit, & Datum omiserit, & sigillum quoque non benè inspexerit. Quid enim, si exemplar Asisense die & Anno carebat? Quid si mendosè scriptum erat siue à primo suo conditore, siue ab alio Exscriptore? Et certè non in Ameliano sed in exemplari, ex quo apographum desumptum est, defectum fuisse, manifestum sit ex subscriptionibus trium publicorum Notariorum, qui omnes palam testati sunt; Transumptum, quoad omnia, cum originali concordare. Vbi obserua; neminem eorum testari, Instrumentum hoc Othonianum, esse verum & legitimum; sed, apographum siue Transumptum à primigeniis literis non differre.

Si iste Archidiaconus illo in Archiuo reperisset Donationis Constantianæ Instrumentum, & apographum inde solenniter ac iuridicè confectum simili prorsus ritu ad Pontificem misisset; an ideo fidem apud Scholiastem inuenisset? Haud reor equidem, licet plures Notarij subscripissent, quàm sint illi Prædicantes, Ludimagistri, Aeditui & Vespillones, qui subscriptionibus suis Concordiæ libro immensam auctoritatem conciliarunt.

Addo, licet in hoc Archiuo repertum fuisset Instrumentum Othonis III. simile illi, in quo Donationes Othonis primi comprehenduntur, omni que
iuris

intris ac fori ratione obseruata, exemplum inde sumptum Archidiaconus ad Pontificem misisset; Scholiasies fidem non commodaret, sed, eo viso, frontem statim corrugaret; & imposturas ingeminaret.

Ait Scholiasies: Quis, obsecro, istud, quidquid est, Othonis nomine excogitare & membranis illinere poterat? (Quasi verò à condito mundo nullus vnquam exstiterit, qui falsa Instrumēta confecerit?) Quis nomen Caesaris mentiri, & sigillum imitari audebat? (scilicet hoc nunquam post natos homines accidit.) Cui etiam bono? (Nulli certè; nisi fortè hoc bonum videatur præbere posteris calumniandi materiam. Sed, cui nisi malo, hoc videatur bonum?) An è Pontificis affectis aut ministris vllus donationem quidem aliquot Comitatum, sed cum acri & acerba vitiorum taxatione coniunctam, comminisceretur, eamque Pontifici seruandam offerebat? (scilicet nullus vnquam fuit Schismaticus, hereticus, aut alioqui in Pontificem malè affectus, qui linguam in illum, eiusque opes & ditiones vibrare horreret. Si nullus vnquam tam audax exstiterit, vnde ergo tot satyræ, tot inuectiue, tot dentati versiculi, quibus in lucem extrahendus Caluini & Lutherani indeffessam operam nauant? Non opus erat Pontifici offerre huius diplomatis figmentum; poterat sine oblatione ad Pontificem seu Archiuum Pontificium peruenire; vt & hodie varia ad Papam perueniunt; licet à suis Auctoribus non offerantur.

Quomodo verò chartam vel falsam, vel suspectam, addo & iniuriam vel famosam Præsul supremus in Chartophylacio secretiori recondebat? Quasi verò in Chartophylaciis non soleant afferuari omnis generis chartæ, etiam aliquando iniuriöse, & prorsus hostiles, idque ad posteritatis memoriam vel cautelam.

Porro, quod Scholiasies iterum dicit; Benedictum Pontificē hanc Othonianam chartam in vsum probationis ritè faciendæ, per Legatum & Commissarium specialem, & oraculo viuæ vocis instructum, Auenione trans Alpes missum, ex archiuis depro-mi, solenniter describi, conferri, auscultari voluisse, & descriptum in optima forma authentizasse; id iterum dico, falsum est; nā Pontifex nihil in specie de hac charta nouerat, quando Commissarium istū Asisium ablegabat; sed generatim mandauit partim coram, viua voce, partim datis literis, vt Priuilegia, Registra, Libros & Scripturas que
Eccle-

Ecclesiam Romanam tangebant, inquireret, & de verbo ad verbum per tabelliones transcribi, & eorum transcripta in formā publicam redigi curaret; & omnibus ritè peractis ad se transmitteret. Estne hoc Chartam Othonianam in optima forma authenticare? Nam si pro autentico, vero & legitimo instrumento aut ipse habuisset, aut ab aliis habendum declarasset; oportuisset, ut se & successores suos omnibus provinciis abdicaret, & solos illos octo Comitatus, qui in Diplomate nominantur, retineret.

Scire tamen velim, inquit Scholiastes, quid in Othoniano textu sit, quod adeo asperè Baronij aures radat, animumue offendat. Facilis responsio. Fraudes & impostura, quæ in hac charta non latent, sed patent, tam Baronij, quàm cuiusvis alterius cordati & intelligentis aures & animum valdè asperè feriunt.

Querit Scholiastes: An offendat Baronium indicium factum Sedigiti Diaconi falsarij? Qui hoc offenderet, cum Baronius aliquot annis ante Scholiasten ediderit instrumentum Othonis nomine fucatum, in quo Ioannes digitorum, seu Mutius, seu Mutilus, seu Murcius Constitutionem sub Constantini nomine aureis literis scripsisse fertur? qui cum mutilatis digitis fuerit, & inde cognomen acceperit, miror, quomodo à Scholiaste in Sedigitum transformetur. Nam Sedigito adeo nihil de digitis deest, ut potius supersit. Maledicentia & criminationibus, ne dicam, mendaciis, quibus Othonianum diploma scatet, quis boni & moderati ingenij homo non offendatur, & ab assensu retrahatur? Scilicet Otho III. in Pontificem, quem ut patrem venerabatur & reuerbatur, hanc sale nigro perfusam Satyram dictauit. Nam quod Scholiastes iterum clamat: Baronium falsitatem Donationis Constantinianæ agnoscere & damnare, id iterum falsum esse aio. Non ipsam donationem, sed Instrumentum Donationis, prout hodie exstat, falsi & fraudis coarguit: Donationem probabilibus coniecturis niti palam docet, ut in Appendice prima ostendimus. Secerne tandem hodiernum falsum vel falsatum Donationis Diploma ab ipsa Donatione.

In Epilogo valdè laudat Scholiastes suam operam. Laudo laudationem: nam nisi ipse laudasset, periculum erat, ne perpetim illaudata maneret, aut non nisi ab illaudatis, vel Caluiniane laudatis laudaretur. Hanc tamen vociferationem eius laudare nequeo: Quod quidem omnino acceptandum videtur, (testimonium scilicet Baronij, Antonini, Cusani, Aeneæ Syluij

Syluij diploma Constantinianum reiicientium) vt appareat, quàm improbè & perfidè haftenus cum humano genere egerint, qui tale quiddam scientes iactauerunt & ostentarunt (& qui vnquã Constantinianæ Donationis Diploma iactauit, & ostentauit certò sciens & persuasus, illud esse falsum & supposititium? Nam quisquis eo, non dicis causa, sed seridò vsus est, is aut certò aut probabiliter, id sincerum ac legitimũ esse, aut certè à nonnullis pro huiusmodi haberi, credidit) neque solum, vt historicam veritatem scriptis propugnarunt, quod fecit Steuchus Eugubinus, Albanus Bergomensis, alij (quare hoc non fecissent, præsertim quod attinet, ad ipsam Donationem, relicto Instrumento, quod vt insincerum Baronius repudiat; cum ipsa Donatio nullo aperto argumento falsitatis conuinci queat, ipsique Donationem vero fundamento niti, verisimiliter existimarint; nam quod Steuchus vel vllus alius, sciens donationem esse falsam, contra conscientiam suam pro ea, tanquam vera, dimicauerit, vnde monstrabit Scholiastes?) Vel pro idoneo documento allegarunt, vt Leo Nonus, vt Nicolaus III. in C. Fundamenta De Elect. in VI. (meritò allegarunt, I. quia bona fide, & absq; vlla fraude communem tunc persuasionem secuti id fecerunt. II. Qui non tam Instrumentum Donationis, quod iam in manibus hominum versatur, quàm ipsam Donationem allegarunt, quam Scholiastes falsitatis necdum conuicit, neq; etiam vnquam conuincet. III. Quamuis Leo IX. Edictum citet, id tamen fecit propter eum, ad quem scribebat, & contra quos scribebat; qui erant Michaël Imp. Constantinopol. & Michaël Episcopus eiusdem Vrbi, & Leo Acridanus Præsul, qui Edictum Constantini, pro vero & legitimo reputabant & acceptabant. Quapropter non abs re Leo IX. testimonium inde contra inauditam illorum præsumptionem & arrogantiam petiit) sed pro lege & parte iuris etiam venerandum obtruserunt, relatum inter Canones à Gratiano, Iuone, Anselmo, Deus dedit. (Non est verum; neq; enim Gratiano, vel vlli alteri Collectori tantum iuris & auctoritatis fuit, vt quidquid ipsi in suas syllogas retulissent, & cum canonibus permiscuissent, id ius, lex, aut Canon fieret. Ecclesiæ hac est auctoritas & potestas, non huius vel illius priuati. Nunquam autem declarauit Ecclesiæ, omnia, quæ in Gratiani vel alterius Volumine exstant; ius, leges aut Canones esse; cum Gratianus in illud suum opus aliquando apertè falsa, & non rarè dubia retulerit.) Et ipsos denique Imperatores, in actu inaugurationis ad id seruandum adegerunt, vt apparet in Clementina; Romani, De iureiurando.

do. At in hoc Capitulo nulla prorsus fit mentio Edicti Constantiniani; sed tantum dicitur, Henricum Imp. iurasse, quod manu teneret atque seruaret priuilegia omnia per prædecesores suos Reges ac Imperatores Romanos præfata Romanæ, & aliis quibuscumque Ecclesiis quocumque concessa tempore, & continentia cuiuscunque ipsaque omnia, & specialiter ac præcipue per claræ memoriæ Constantinum, Carolum, Henricum, Othonem quartum atque Rudolphum prædecesores ipsius; super concessione, recognitione, aduocatione, adnotatione, quitatione, & libera dimissione terrarum & prouinciarum Romanæ Ecclesiæ ubilibet positarum, &c. Hæc & similia in illo cap. Romani, leguntur, nihil autem in specie de Edicto Constantini, sed in genere de priuilegiis & terris à Constantino Ecclesiæ Romanæ concessis. At Constantinum Magnum Romanæ Ecclesiæ varia priuilegia & dona concessisse, liquet ex Anastasio Bibliothecario in Syluestro, nec diffitetur Scholiastes, eamque in rem citat Luitprandus in Legatione ad Nicephorum Phocam; qui Luitprandus refert se ad Constantini priuilegia, quæ penes nos sunt, inquit.

Deinde, licet in Iureiurando, quod Imperatores in sua Inauguratione præstant, expresse mentio fieret, eius Donationis Constantinianæ, quæ Scholiastes digere nequit, nihil tamen à ratione alienum fieret, cum hætenus nemo exstiterit, qui hanc Donationem euertere potuerit, licet nonnulli, & in his iste Calvinianus, vt & Centuriatores, Cent. VIII. quorum Scrinia Scholiastes expilauit, magno conatu id tentarint: at successus semper defuit.

Pergit tonare Scholiastes: Quod modò falsum ac commentitium fatentes, negare non poterunt, se hucusque Deo pariter hominibusque palam illulisse, & non iam inscitia, sed falsimoniam notam infamiamque indelebilem contraxisse, omnemque in posterum sibi fidem apud mortales abrogasse. Quàm sonore & grandiloquæ. Sed quod in immerentes confert, hoc, vt opinor, in caput, meritisimi Scholiastæ recidet: qui explicet nobis velim, quid nam Catholici nunc cogantur falsum & commentitium fateri? Num Constantinum Magnum priuilegia & ingentia dona Ecclesiæ Romanæ concessisse? At hoc nullus vnquam Catholicus aut negauit, aut negat, aut negaturus est. An Donationem Constantinianam Romanæ Urbis & finitimarum prouinciarum fictitiam esse nunc fatentur? Atqui tantum abest, vt Baronius, quem iste potissimum incescit, hoc fateatur, vt palam scribat, eam probabilibus coniecturis

vis niti, easq; coniecturas in medium quoq; proferat. An Donationis Instrumentum, quod hodie exstat, falsum & commentitium, vel saltem falsatum esse, nunc fatentur? Fateor, fateri hoc Baronium; An ideo ruunt duo priora? An ideo ipsa Priuilegia & Donatio Constantini concidunt, & infimum abeunt? An tu Donationem ex hoc instrumento excogitatam, non instrumentum ex vera donatione confictum arbitraris? Scio, prius illud tibi persuasum: sed necdum vidi efficacia argumenta, quorum vi adactus in istam opinionem descenderis; cum opinio de Donatione, teipso teste, iam Adriani I. temporibus exstiterit; Instrumentum autem Donationis sub Carolo Caluo demum à Ioanne Diacono procusum fuerit.

Necdum finis Pericleæ vel Sophocleæ Megalophoniæ. Neque magnæ ingenuitatis argumentum haberi poterit, si quod à se confictum perpetuò defendere nequierunt, non vltro, neque veritatis amore, sed argumentis confossi, (vbi hæc argumenta? Certè tuus Commentarius ea non exhibet) testibus tabulisque conuicti (vbi isti testes? vbi tabulæ? Ampullæ & phalera ad populum) veroque victi tandem reliquerunt, velutique captum ruptis muris oppidum, defensionis inopia, dediderunt. (Quàm grandibus dictis grandes nugus actitat Scholiastes? Quàm forti brachio auras diuerberat?) præsertim verò, cum culpam suam neq; adhuc agnoscant, aut deprecantur (Mirum, ni Romanus Pontifex cum tota Curia sua Myrtilæum se conferat, & coram isto, vel Paræo hanc tantam culpam flexis genibus deprecetur, quia enim Baronius dicit, Diploma Constantinianum, quod hodie exstat, esse vel corruptum vel fictitium; oportet, vt ipse etiam Pontifex fateatur, sibi nihil vnquam à Constantino donatum. O collectionem: cuius ineptiam in seitam, ne Nicer quidem omnibus suis vndis abluat.

Denique quantulum est, inquit Scholiastes, falsitatem vitiumque Instrumentorum confiteri, si non quod per ea perperam gestum effectumque est, omne simul rescindatur, ablata, extorta, emuncta restituantur; sua ad Dominos redeant; furtiuis nudata coloribus cornicula risum exhibeat. Animaduerto, quod collineas. Patienter exspecta: forte voto tuo satisfiet, si non crastino, saltem perendino die. At quid, si Pontifex dicat, se nihil possidere ex Instrumento, quod Baronius credit esse falsum, seu falsatum? Si hoc dicat, vt verissimè dicere poterit, nihil ergo ob instrumenti huius falsitatem detectam restituere debebit. Quid si dicat, se plerag; suorum possidere ex donatione Constantini,

non ex hoc Instrumento; Item ex Donatione Regum Longobardorum, Francorum, & Germanorum, quod te vertes? Quid si dicat, se ne tum quidem ad restitutionem obligatum iri, licet Othonis III. decretum ab Othone processisset. Potiorem enim apud Donatarium esse debere, tot Regum & Imperatorum Othonem antecessorum & subsecutorum, voluntatem, quam vnius Othonis inconsultam sanctionem. Quid si iubeat, ut hanc de restitutione cantilenam tuis Calvinistis occinas, quid facies? Si tibi & maioribus tuis tot & tanti Imperatores tot & tanta donassent, nunquam satis scio, ea tibi eripi sineres. Et Pontifex ob tuos clamores e vestigio de omnibus ditionibus suis cedere cogetur, contentusque viuere octo illis Comitatibus, quos ei laruatus tuus Otho in concauo lunæ attribuit.

Ad extremū denuo pleni tibiis, & quidem sonantioribus, quam antea, laudes suas demodulatur Scholiastes. Audi thrasonismos. Ita hoc monstrum e cubili & tenebris suis extractum debellauimus, patrem ut simul eius & educatorem, ceu digito demonstrarem, suisque coloribus depictum orbi exhiberemus. Gratulemur & gaudeamus omnes. Nouus Hercules, monstrorum domitor, nobis natus est. Quid gloriaris? Quid instar Plautini militis te effers? An non Baronius plurimis annis ante hunc tuum Commentitium Commentarium, Annali Tertio, & ante aliquot annos Annali Duodecimo Instrumentum hoc falsitatis innata, vel saltem importata & assuta coarguit, & ex cuius officina in Othoniano commento processisse affirmetur, toti mundo patefecit? Quid tu post illum attulisti, nisi plura & cultiora verba; quibus inanissima argumentula tua vestiuiisti, venumque exposuisti; propter quæ, qui Pontificem prouinciis suis euertere vel euertendum credat, hic Peponem pro corde habeat necesse est. Si autem tam insolenter gloriaris, quia Donationem Constantini, & Pontifices insectatus es, hanc laudem iam dudum Valla & Centuriatores tibi præruperunt. Sed abiungo. Integrum Constantini Edictum reperiet lector Tom. 1. Conciliorum Binianæ editionis, inter res Syluestri Pontificis; nā apud Gratianum dist. 96. & in Commentariis Balsamonis in Photij Nomocanonem, truncatum exstat. Othoni affectum Decretum habes in Apologia pro Baronio cap. 21. Et Tom. 12. Baronij Anno 1191. vñ cum Breui Benedicti XII. & Instrumento Ioanni de Amelio Archidiaconi Foroiulienfis.

Don-

Donatio Constantini, ex Luitprandi Cremonensis Episcopi ad Nicephorum Phocam legatione.

CONSTANTINVS Imperator Augustus, qui hanc ex suo nomine condidit ciuitatem, sanctæ Apostolicæ Romanæ Ecclesiæ, vt erat Cosmocrator, multa donaria contulit, non in Italia solùm, sed in omnibus penè occidentalibus regnis, nec non de orientalibus atque meridianis, Græcia scilicet, Iudæa, Perside, Mesopotamia, Babylonia, Aegypto, Libya, Aegypto, vt ipsius testantur priuilegia, quæ penes nos sunt. Sanè, quidquid in Italia, & in Saxonia, Boiaria, omnibus Domini mei (*Othonis primi Imperatoris*) est, quod ad Apostolorum Beatorum Ecclesiam respicit, sanctissimorum Apostolorum Vicario contulit. Et si est, vt Dominus meus (*Otho*) ex his omnibus ciuitates, villas, milites, aut familiam obtineat, Deum negaui. Vult dicere Luitprandus, *Otho* nem Imp. penitus nihil eorum, quæ ad Sedem Apostolicam pertinebant, inuasisse aut occupasse. Cur Imperator vester non itidem facit, vt ea, quæ suis insunt Regnis, Apostolorum Ecclesiæ reddat, & per laborem atque munificentiam Domini mei (*Othonis*) ditem & liberam, ditiozem ipse ac liberiozem reddat?

Prioribus verbis manifestum est Luitprandum respexisse ad illa, quæ in Diplomate Constantinianæ Donationis leguntur. Quibus (*Ecclesiæ Apost. Petri & Pauli*) pro concinnatione Luminariorum possessiones contulimus, & rebus diuersis eas decorauimus, & per nostras Imperialium iussionum sacras literas tam in Oriente, quàm in Occidente, & septentrionali plaga, & meridiana, videlicet in Iudæa, Asia, Græcia, Africa, Italia, & in diuersis insulis nostram largitatem concessimus, ea prorsus ratione, vt per manus beatissimi Patris nostri Syluestri Pontificis, successorumque eius omnia disponantur. Nec dissentiant hac ab Anastasio Bibliothecario in Syluestro.

Donationem quoque Constantini vrgebat Sacerdotalis ordo tempore Schismatis, quod Ecclesiam vexauit & dilacerauit sub Alexandro III. Pon-

visce & Friderico primo Imperatore, vt apparet ex lib. 4. Chron. Orthoni Frisingensis cap. 3. & ex libro primo de Antichristi inuestigatione Gerhohi, seu Gerochi Reicherpergensis Præpositi, quem nuper adeptus sum studio & industria nobilis & clarissimi viri D. Christophori Gebualdi, Serenissimo Bauariæ Duci à Consiliis; tametsi Cap. Fundamenta in VI. donationem Constantinianam tam latè non extendit; vt legenti planum fiet, cui certè Leo IX. talis ac tantus Pontifex, in Epist. ad Michaëlem Constantinop. Imperatorem, non leue auctoritatis pondus addit, vt & Petrus Damianus in Disceptatione inter Regium Aduocatū, & Ecclesiæ Romanæ Defensorem. Et ante hos Adalhardus Caroli Magni Imperatoris propinquus, & Monasterij Corbeiensis Abbas in Libello de Ordine Palatii apud Hincmarum epist. 3. cap. 13. vbi ita scribit: Cuius (Apocriarij seu Responsalis negotiorum Ecclesiasticorum) ministerium ex eo tempore sumpsit exordium, quando Constantinus Magnus Imperator Christianus effectus propter amorem & honorem sanctorum Apostolorum Petri & Pauli, quorum doctrina ac ministerio ad Christi gratiam baptismatis sacramenti peruenit, locum & sedem suam, Urbem scilicet Romanam, Papæ Syluestro Edicto priuilegij tradidit, & Sedem suam in ciuitate sua, quæ antea Byzantium vocabatur, nominis sui ciuitatem ampliando adificauit: & sic Responsales tam Romanæ Sedis, quàm & aliarum præcipuarum Sedium in Palatio pro Ecclesiasticis negotiis excubabant. Hæc Adalhardus, qui septem Imperatorum Consiliarius fuit (si nos non fallit Goldastus in Prolegomenis ad tertium Tomum Constitutionum Imperialium) Caroli Magni; Ludouici Pij; Lotharij; Ludouici II. Caroli Calui; Ludouici Balbi, & Caroli Crasi, itemq; Ludouici & Carolomanni Regum: quem tam non est credibile hanc suam opinionem de Donatione Constantini ex Diplomate per Ioannem Diaconum confecto accepisse, quàm credibile non est Adrianum I. Pontificem eam inde accepisse, quippe, qui ad Ioannis Diaconi tempora non peruenierit.

Ceterum Græcos posteriores non modò Romanæ Ecclesiæ nihil donare consueuisse, sed & ab aliis olim donata ademisse; cum aliunde, tum ex epistola Adriani primi ad Constantinum & Irenen liquet, vbi inter cetera hæc Pontifex. Porro & hoc vestrum à Deo coronatum ac piissimum poscimus imperium; vt si veram & orthodoxam sanctæ Catholicæ & Apostolicæ, Ecclesiæ Romanæ nitimini amplecti fidem;


dem; sicut antiquitus ab orthodoxis Imperatoribus, seu à cæteris Christianis fidelibus, oblata atq; concessa sunt Patrimonia B. Petri Apostolorum Principis, fautoris nostri, in integrum nobis restituere dignemini pro luminariorum concinnationibus eidem Dei Ecclesiæ atque alimoniis pauperum, &c. penitus Canonicè sanctæ Romanæ nostræ restituantur Ecclesiæ. Hæc Adrianus, cuius ineditam 35. Epistolam supra citarat Scholiastes. Credidisses, vidisse ipsum integram Epistolam; at non vidit, nisi fallor, sed tantum summaria seu Periochos, quæ exstant apud Centuriatores Cent. 8. Et apud Baronium Tom. 9. Anno Christi 795. & Tom. 3. Conciliorum Edit. Biniana, ubi non satis bona fide ista Summarij: qui pro animæ suæ salute: mutavit in hunc modum: Qui pro animæ suæ mercede, &c.

Donatio Ariperti Regis Longobardorum,
ex lib. 6. Pauli Diaconi de Gestis Longobardorum cap. 28.

Eo tempore, nempe Anno Christi 704. Aripertus Rex Longobardorum, donationem Patrimonij Alpiū Cottiarum, quæ quondam ad ius pertinuerant Apostolicæ Sedis, sed à Longobardis multo tempore fuerant ablata, restituit, & hanc donationem aureis exararam literis, Romam direxit. Vide Anastasium in Ioanne VII.

Confirmatio eiusdem Donationis, ex
cap. 43. lib. 6. eiusdem Pauli.

Eo tempore, Anno Christi 715. Luitprandus Rex donationem Patrimonij Alpiū Cottiarum Romanæ Ecclesiæ confirmavit. Vide Anastasium in Gregorio II.



Dona-

Donatio Ludouici Pij Imperatoris, ex Volaterrano, lib. 3. Geograph.

DE pietate Ludouici in Romanū Pontificem, inquit Volaterranus, multa Bibliothecarius (Anastasius) refert; ciuitates, quas ei dono dedit, enumerat. Ego quoque ex antigrapho vetusti libri, quod in Bibliotheca Vaticana hodie continetur, vbi eius enarratur donatio, apographum excerpti.

In nomine Domini Dei omnipotentis Patris, & Filij, & Spiritus sancti. Ego Ludouicus Imperator concedo tibi B. Petro Principi Apostolorum, & per te, Vicario tuo, Domno Paschali summo Pontifici, successoribusque eius in perpetuum ciuitatem Romanam, cum sua iurisdictione, omnibusque circa terris, ciuitatibus, portibus ac maritimis locis Hetruriæ. In ea denique mediterranea, Urbem veterem, Balneoregium, Viterbium, Soanam, Populoniam, Rosellas, Perusium, Maturanū, Sutrium, Nepes. Versus Campaniam; Anagniam, Signiam, Ferentinum, Alatrum, Patricum, Frusinonem cum omnibus circa opidis & vicis. Nec non exarchatum Rauennæ integrum, sicuti piæ recordationis Carolus pater, & item Pipinus auus noster B. Petro dudum concessere: videlicet Rauennā, Bouium, AEmiliam, Forum populi, Forum Liuij, Fauentiam, Imolam, Bononiam, Ferrariam, Comaclum, Adriam, Ceruiam. In Marchia, Pisaurum, Fanum, Senogalliam, Anconam, Auximum, Numanam, Esium, Forum Sempronij, Feretrum, Vrbium, Territorium Valnēse, Callium, Luceolos, Eugubium. In Campania; Soram, Aquinum, Arpinum, Theanum, Capuam.

Patrimonia quoque ad nostram pertinentia ditionem; Beneuentanū, Salernitanum, Calabriae inferioris & superioris, ac Neapolitanum, Ducatum in super Spoletinum, Tuder, Otriculum, Narniam; reliquaque eius ditionis. Insulas quoque inferi maris, Corsicam, Sardiniam, Siciliam. Quæ omnia, piæ memoriæ Pipinus auus; deinde Carolus Imperator genitor noster per Atherium & Mainardum Abbates ad hoc sponte missos B. Petro eiusque successoribus scripto concesserunt; nos item probamus, atque concedimus.

Præ-

Præterea summi Pontificis deligendi Romano Concilio potestatem esse volumus, modò sine discordia fiat: ac post consecrationem legati ad nos, successoresque nostros reges Francorum conciliandæ charitatis & amicitia causa mittantur, sicut temporibus Domni Caroli atavi, & Pipini aui, & postremo Caroli genitoris nostri mos fuit. Hanc igitur nostram voluntatem scripto ac iureiurando firmamus, & per Legatum sanctæ Romanæ Ecclesiæ Theodorum Domno Paschali missimus, manūque propria me subscripsi: Ego Ludouicus. *Subscribere quoque tres eius filij: Episcopi X. Abbates VIII. Comites XV. Bibliothecarius, Mansionarius, Ostiariusque vnus.*

Insequente deinde tempore Otto Imperator apud eundem librum sub Ioanne XII. in hac se subscripsit: Ego Otto Imperator, pro animæ nostræ, filiique ac parentum nostrorum salute hæc omnia supra dicta tibi, B. Petre, successoribusque tuis libenter concedo. *Subscribere quoque Episcopi X. Abbates duo, Comites V. Optimates VIII. anno salutis M. CCCC. LXII. Indictione V. Sub Henrico autem, subscribere Episcopi XIV. Abbates IV. Duces III. Comites VIII. Optimates VIII. Hactenus Volaterranus.*

Oggerunt Sectarij, instrumentum hoc differre ab illo, quod Gratianus suo Volumini intexuit, & quod Baronius ex Vaticanis monumentis deprompsit Tom. IX. Anno DCCC. XVII. At iam in Apologia Baroniana cap. 8. respondit, si qua differentia inter hæc exemplaria esset, potius Gratiano & Vaticanis monumentis credendum esse, quàm recentioribus. Deinde Respondeo, non esse vllum discriminē inter diploma, quod Volaterranus ex Vaticana quoque Bibliotheca recitat, & inter alia; nisi quod Baronianum prolixius est; quia integrum; breuiora, Gratiani & Volaterrani; quia in Epitomen redacta. Quis autem nescit, & olim fuisse, & nostro itidem ævo hunc morem vigere, ut priuilegia in Compendium redigantur, quod paucis, quæ sit eorum summa perspicere queat? Certè Gratiano solenne fuit Epitomatoris, atque adeo Abbreuiatoris officio fungi.



Q

Dona-

Donatio Vidonis Imperatoris, ex Sigonio lib. 6. de Regno Italiae.



ANNO DCCC. XCI. 9. Kalend. Martij, Vido à Stephano Pontifice Imperator est consecratus. Qui ut se Pontifici gratum præberet, priuilegia ac dona à Pipino Rege, Carolo & Pio Imperatoribus Romanæ Ecclesiæ data probauit.

Testimonium Adriani I. Pontif. de munificentia Caroli Magni, in Sedem Apostolicam.




ILIVS & spiritualis compater noster Dominus Carolus Rex Francorum & Longobardorum, ac Patricius Romanorum, nostris obtemperans monitis, atque adimplens in omnibus voluntates, omnis Hesperiaë occidentis que partis barbaras nationes sub suis prosternens conculcauit pedibus, &c. Vnde per sua laboriosa certamina eidem Dei Apostolicæ Ecclesiæ ob nimium amorem plura dona perpetuò obtulit possidenda, tam prouincias, quàm ciuitates, seu castra & cætera territoria, imò & patrimonia, quæ à perfida Longobardorum gente detinebantur, brachio forti, eidem Dei Ecclesiæ restituit, cuius & iure esse dignoscantur: sed & aurum atque argentum quotidie pro luminariorum concinnatione seu alimoniis pauperum non desinit offerendo, quatenus eius regalis memoria non derelinquatur in sæculum sæculi. Hæc & plura huius generis Adrianus Epist. ad Constantinum & Irenen. de Caroli erga S. Petrum liberalitate; quæ ab eodem Pontifice in illis etiam Epistolis, quorum periocha duntaxat exstant, non semel deprædicata est, ut docent summaria, quæ adhuc supersunt. Quomodo autem hæc Regum Francorum Pipini, Caroli Magni, Ludouici Pij munificentia in Ecclesiam Romanam Centuriarioribus Magdeburgensibus arrideat, intelliges, si euoluere velis Centuriam octauam, & Centuriam nonam caput septimum, quod est de politia & gubernatione Ecclesiæ. Nec opus ire per singulas

singula; vel ex hoc vnico totum intelliges, quando Pontificem & Pipinum Regem, nominat duos prædones, qui mutuas operas tradiderint.

Porro, principatum & potentiam temporalem, atque adeo opes & diuitias cum principatu Ecclesiastico rite ac legitime coniungi posse, & re ipsa itidem in Catholica Ecclesia copulari; & donationes Ecclesiæ factas, & à Pontificibus Romanis alijsq; acceptatas, Deo placere, copiose ostendit Bellarminus lib. 5. de Pontifice cap. 9. & 10. Quod si similes donationes & oblationes Lutheranis & Calumianis Predicantibus obuenirent, forsitan occlamandi finem facerent. At Quintum hoc Euangelium non est Dativum, sed Ablativum; nec docet donare, sed harpagare; nec templum ditare; sed expilare. A Verre progenitum credas, ita accurate omnia suo euerriculo euerit. Quæ de re exstant ipsorum Predicatorum threnodia & lamentationes longè longiores & flebiliore, quàm sint Threni Hieremiæ.

Observatio pro literis in Diplomate Henrici Imp. fol. 31.



OM. XI. Anno Christi M. XIV. ita scribit Illustriss. Baronius:
Contulimus hoc priuilegium cum quatuor diuersis manuscriptis, atque ita ob nonnulla, in quibus variant, distinximus, vt A Codicem Cenci Camerarij. B. Volumen Priuilegiorum Romanæ Ecclesiæ. C Autographum molis Adriani. D. nostrum manuscriptum denotet.

Q²

QVAE.



QVÆSTIO

*Vtrum Alexander III. Papa pede calcarit
cervicem Friderici I. Imp. cum illo Epime-
tro; supera spidem & basiliscum ambu-
labis, & conculcabis leonem & draco-
nem.*



FFIRMANT magno cum eiulatu, propè dixeram, v-
lulatu, omnes Sectarij; eamque ob causam, Alexandrũ
& vniuersos Pontifices ad inferos, & si quid inferis in-
ferius est, ablegãdos existimãt; vt videre est in Schar-
diano Hypomnemate; & in prefatione Lutheri,
quam Anno 1545. præfixit Libello, cuius inscriptio.

Wapsts Erew Hadriani IV. vnd Alexandri III. gegen Keyser Frideri-
chen Barbarossa geübt. qua prefatio vno anno ante Lutheri obitum, vel
potius exitium cusa, tam furiosa & maniacæ est, vt non ab homine, sed à Fu-
riarum maxima in Pontifices effusa videatur, quibus ad extremum hoc o-
darium accinit. Ja wol/was solten die lästerlichen Buben vnd Gottes
Verächter / die grossen groben Esel / Eölpel / Knebel / Rülhe / Silge/
Rangen / Klöße / Plöcke / vnuernünftige Narren / des Teuffels Lar-
uen vnd Buzen denken / ohn was dem Teuffel wol gefellt? Nec ferre
volunt Aduersarij, vt quisquam de fide huius facti dubitet, aut inquirat,
num tanta certitudine nitatur; quanta ab ipsis venditatur. Sed tamen ve-
lint nolint, pati debent, vt & nos super hac re sententiam nostram
aperiamus; & num rumor ille historia sit an fabula,
accuratius inuestigemus.

—(o)—

Respon-

Tom. 8. Ien.

Germ.

Sua & suorum
elogia tribuit
Lutherus Pon-
tificibus.

Responsio ad Quæstionem.



ESPONDEO igitur cum illustrissimo Card. Baronio Tom. 12. Annalium, Anno Redemptoris 1177. id quod de Imperatoris Friderici calcato collo in conuentu Veneto, fertur, fabulam esse non historiam.

Probat 1. Quia Romualdus, Archiepiscopus Salernitanus, qui Venetiis toti actioni & reconciliationi Imperatoris cum Pontifice interfuit, & quidquid agebatur, coram vidit, & in literas accuratissime retulit, nullum verbulum de calcata ceruice habet: non omissurus utique rem tanti, & tam inauditi exempli, si contigisset. Cum alia omnia minutissime in suo Chronico persequatur.

Nec dici potest, omisum hoc à Romualdo, Imperatoris studio & amore: nam VVilhelmi Regis Sicilia legatus erat; cuius rebus potius, quam Friderici Imperatoris studebat; nec premere hoc, amici erat; sicut nec inimici proderet; quia potius ad laudem, quam vituperationem Imperatoris pertinuisset propter submissionem & patientiam.

Nec rectè affirmabis, hoc silentio inuolutum ob Pontificem; quia si Pontifex tale quid in frequentissimo totius orbis theatro patrare non horruisset, causse nihil habebat Romualdus, cur illud litteris non mandaret. Nec Romualdi incuria seu negligentia id meritò adscribes; quia cum minutissima, quæ in illa pacificatione inter Pontificem & Fridericum; Inter hunc & VVilhelmum Regem Sicilia, itemque Lombardos acciderunt, vltroque & citro dicta & acta sunt, tam studiosè literarum monumentis consignarit, verisimile non est, eum rem nouitate sua prorsus obstupescendam oscitanter præteruisse.

II. Summum hac de re silentium est apud Auctores eiusdem ætatis, ut est ille, qui Alexandri Papæ gesta conscripsit, quorum partem huc spectantem exscripsit Baronius 1177. Item Rogerius in Annalibus Anglicanis. Nec ex Epistolis Alexandri III. quas ad varios de eodem negotio dedit, vllum vestigium huius facti elucet: Neque Alexander taciturnus fuisse videtur, si quid simile vel à se, tot testibus, patratum; vel à Friderico toleratum fuisset: quem post pedum oscula ad pacis osculum amantissime recepit, & humanissime habuit ac tractauit, omnemque operam dedit, ne ullius impedimenti interuentu cõpta pacis tractatio perturbaretur.

III. Nullus ex scriptoribus, facti illius assertoribus conuentui Veneto interfuit; quoniam igitur non videt Romualdo, Archiepiscopo Salernitano, qui co-

ram omnia spectabat, unusque ex præcipuis Comitiorum illorum Principibus erat, & monumentis ipsius Alexandri Papæ, potius fidem habendam, quam aliis, qui non visa, sed vano rumore iactata in chartas retulerunt?

IV. Quis sibi persuadeat, Fridericum, acerrimi, & satis irritabilis ingenij principem hoc passurum fuisse, qui ob paucula Hadriani IV. verba, & Legatorum Hadriani responsum, ita cum suis aliquando exarsit, ut Legati contra ius gentium in præsentissimum salutis discrimen inciderint. Vide Baronium Tom. 12. Anno Redemptoris 1157. Certè Fridericus nec tam viliter abiectus, nec tam pie religiosus erat, ut tale quid sibi inferri sineret.

V. Alexander III. vir fuit mitissimus, & omni humanitatis genere Ecclesiastica libertatis oppugnatores & osiores ad meliorem mentem reuocare consuetus; ut docet historia rerum ab ipso gestarum, quam Baronius ut diligenter ita & fideliter, serie continua per annos singulos exsequitur; & quid non tentauit, ut Fridericum, tam grauem & potentem Ecclesiæ Romanæ aduersarium, Deo & sibi reconciliaret? Quis igitur credat, mansuetissimum Pontificem, supplicem, & ad pedes suos pronolutum Imperatorem, tanto probro tam inusitato & inaudito afficere voluisse; cum illa orationis intolerabili acerbitate, & sarcasmo mordacissimo: super aspidem & basiliscum, &c. immemor Apostolici illius moniti: Patres, nolite filios ad iracundiam prouocare. Nam quod maius irritamentum ira Friderici animo subiici potuisset, quam hoc factum dicto aculeatissimo exasperatum? Neq; respondisset Fridericus: Non tibi, sed Petro, ut quidem respondisse fingitur, sed recentissime initam amicitiam sene mora diffuisset, vel potius discidisset: nam cum per se noua amicitia fragiles sint, quanto citius disrumperentur, si tanta rerum & sermonis indignitas accederet?

VI. Scriptores, qui hoc commentum de conculcatione literis prodiderunt, non paucas alias, easque perspicuas fabulas Relationi suæ adperserunt: ut Fridericum ingenti exercitu contra Romanam urbem processisse; Alexandrum rebus desperatis, sumpto coqui suo habitu, Venetias profugisse, ad D. Virginis de Charitate Monasterium abiisse, ab incolis receptum, hortoque præfectum fuisse; quem post aliquot menses quidam, cui nomen Commodus, agnouerit, & Sebastiano Venetiarum Duci patefecerit, qui, recognita, mox Senatum congregauerit, cum omni apparatu ad Pontificis diuersorium accesserit, agnitumque sub tam vili & abiecto habitu Pontificem cum Crucibus, aliisque solennitatibus

bus ad D. Marci Templum cum omni gaudio perduxerit : Et plura huius sortis , quæ ab omni vero abire, ex epistolis & serie rerum gestarum tam Alexandri quàm Friderici , & ex Romualdo, qui interfuit, aliisq; eiusdem aui commentariis planum apertumq; facit Baronius.


Adde, quod omnes in designatione temporis errant, dum pacificationem inter Pontificem & Fridericum integram non referunt ad Annum salutis 1177 sed partim etiam ad annum 1176. partim ad annum 1178. Et multa alia asystata admiscunt , quæ nobis Caluiniæ Schardius in suo Hypomneme mate pleno modio admittitur. Cum ergo ab aliis, iisq; manifestis mythologiis non abstinuerint; mirandum non est, si & hanc de calcata Imperatoris ceruice cupidius, quàm verius arripuerint, & ad posteritatis memoriam transmiserint. Sectariis tamen ed magis quiduis abblanditur, quod est fabulosius.

Hinc etiam tam auidè percensent, suisque chartis intexunt fabulosissimam illam matæologiam de Friderico Imperatore litteris Alexandri Papæ Soldano Prodito. Quod mendacium tam est inconditum, vt mirer vllum mortaliū existisse, qui voluerit illud ad aures admittere; nedum ad animum & assensum; quod vel ex hoc vno funditus euertitur, quod Alexander III. multis annis antè obiit , quàm Fridericus vllam cogitationem de suscipienda peregrinatione in Palestinam susciperet. Si de hoc incredibili figmẽto plura cupis, lege quæ Tomo 3. de S. Cruce in Apologia pro Cruciatis Expeditionibus contra Balæum & alios Nouatores disse-

ruimus; & in Basilico Doro, seu Apologetico
contra Regem Angliæ.



DE



DE HAERETICO-
RVM ARGVMENTO QVOD DV-
CVNT INTERDV M A SVORVM PAVCI-
TATE; ALIQVANDO A SVORVM
multitudine.



Talia multa Nouatores huius ætatis à Priscis hæreticis mutuati sunt; ita ab iisdem acceperunt duos diuersos, & inter se planè aduersos argumentandi modos; quorum utroq; utuntur, cum argumento à paucitate sumpto vrgentur; nam aliquando negant paucitatem suorum falsæ Ecclesiæ indicium esse; interdum se Sectatorum paucitate laborare, audacter abnuunt. Illud, ut obtineant, paucitatem iustorum ex veteri & nouo Testamento ingeminant: dicunt, eam boni esse naturam, ut angustis limitibus circumscribatur: Multos esse vocatos; paucos, electos. Malos semper exstitisse innumeros; probos, perquam paucos; nam Enoch vnus inter homines placuit Deo & translatus est; (verba sunt Donatistarum apud S. Augustinum lib. de vnitæ Ecclesiæ cap. 12.) postea toto mundo aquarum inundatione deleta, solus Noë cum coniuge & filiis & nuribus suis in arca meruit liberari. Adiungunt etiam Loth, quod solus cum filiabus de Sodomis liberatus sit. De ipso quoque Abraham, Isaac & Iacob, quod pauci fuerint Deo placentes, cæteri idolis dediti & Dæmonibus. Postremo iam multiplicato populo Israël, iam temporibus Regum in terra promissionis, quæ futura omnibus duodecim tribubus distributa commemorat, decem tribus diuisas & traditas seruo Salomonis, duas autem remansisse filio Salomonis ad regnum, quod erat Hierusalem. Sic & nunc, inquiunt, totus mundus apostatavit; nos autem tanquam duæ illæ tribus in Templo Dei, hoc est, in Ecclesia, permanimus. Hæc & similia olim Donatistæ; postea Lutheristæ & Calvinistæ.

Genes. 7.

Genes. 5.

Genes. 19.

Sed

Sed ut prisci, ita & recentiores hac sua Defensione fumos vendunt. Nam quidquid sit, de paucitate fidelium antiquæ legis; nunquam Christus, aut ante Christum Prophetæ dixerunt aut prædixerunt, promulgato aut propagato Euangelio, fore tam paucos electos, ut ea paucitas vnius prouinciæ, vel nationis finibus includeretur; sed semper Ecclesiam, hoc est, congregationem fidelium, ita nobis depinxerunt, & oraculis suis repræsentarunt, quasi à mari ad mare, & ab oriente ad occidentem vno verbo, in omnem terram diffundenda esset, neque enim Deus pater filio suo pro hereditate promisit solam Germaniam, aut solam Galliam, aut solam Angliam; sed vniuersos terræ fines. Postula à me, & dabo tibi gentes hereditatem tuam, & possessionem tuam terminos terræ. En omnes gentes, & terminos terræ, hoc est, vniuersam terram, Christo in Hereditatem & possessionem promissam cernis, non hunc aut illum terræ angulum. Idem vates alibi: Reminiscantur & conuertentur ad Dominum vniuersi fines terræ, ergo non sola Germania cum nonnullis appendicibus suis. Et adorabunt in conspectu eius vniuersæ familiæ gentium. Si vniuersæ; ergo non tantum aliquæ in aliquibus prouinciis. Huius generis de fidelium per vniuersum orbem diffusionem, testimonia, passim in diuinis literis occurrunt, neque opus est ea fusius percensere.

psalm. 2.

psalm. 21.

Si dicant Lutherani aut Calviniani iam olim suam sectam fuisse per totum orbem diffusam; & postea, vbi renata est, ad solius Germaniæ, Galliæ, aut Angliæ limites restrictam: meras nugas agent; quomodo enim per totum mundum diffusa fuit, cum ne vnicum quidem oppidulum, viculum, aut domicilium monstrare queant, in quo immediatè ante Lutherum & Calvinum eadem doctrina adequatè per omnia, & quoad omnia, fuerit credita & tradita, quam hodie credunt & tradunt Lutherani ac Calviniani.

Si dicant; doctrinam suam olim quidem per omnes gentes peruasisse; at postea defuisse & intercidisse; Ego mox regeram, hanc responsionem non esse euasione, sed Lutherana & Calviniana secta euerfionem; nam si quādo defuit, non igitur est Catholica, Apostolica, & Orthodoxa, quia ex promisso Christi scimus, Ecclesiam veramq; doctrinam ac fidem petræ solidissimæ inædificatam, aduersus quam ne ipsæ quidem Tartaræ inferorum porta sint præualitura. Quomodo non præualuerunt, si eam in nihilum redegerunt? Vbi ille veritatis spiritus Ecclesiæ à Deo donatus, ut maneat cum ea in æternum; si fides recta aliquando funditus interiit?

R

St

Si respondent coactam in angulos & speluncas, & alicubi fuisse, licet locus designari nequeat; non audiam; quia scripturam audio; quæ testificatur Ecclesiam esse civitatem supra montem positam; & lucernam in eminenti candelabro lucentem; viamq; ad domum Dei seu Ecclesiam fore tam tritam ac notam, ut ne stultus quidem ab ea sit aberraturus.

Si dicant; orthodoxam quoque fidem in exordio Christianismi modicis terminis circumscriptam fuisse; postea tamen totum terrarum orbem occupasse; idem etiam suæ professioni euenturum; Respondeo, I. meo animo persuaderi non posse, Lutheranismum in omnem terram aliquando exiturum; cum quotidie magis atq; magis euanescat; & cum in alias sectas, tum præcipuè in Calvinianam transeat. Nec de Calvinismo hoc crediderim; nam & ipse variè scinditur, potiusque in Mahometismum aut Atheismum abiturus, quàm totum mundum occupaturus videtur.

Deinde, nimis serum est, iam post tot sæcula à Christianæ religionis ortu tibi blandiri, quasi fidem profitearis, quæ aliquando ab ortu solis vsque ad occasum diffundenda & dilatanda sit; nam hoc pridem factum oportuit; & pridem factum fuisset; si tua fides vera, non falsa & fallax esset.

Nec iuuant istos Pauci illi, de quibus aliquando scriptura; Nusquam enim affirmat scriptura; fideles ita paucos fore, maxime post Evangelij vbiq; locorum prædicationem, ut vnius regionis finibus includantur; sed pauci dicuntur fideles boni, idque non absolute, sed per comparisonem ad malos, quorum longè maior est copia. Nam hanc paucitatem in comparatione multitudinis malorum, esse à Domino commendatam (verba S. Augustini audis libro de Vnitate Ecclesie cap. 13.) multitudinem autem bonorum cum per se consideratur non tacuisse scripturas, legant & videant quam plura testimonia reperiantur. Vnde enim ipsum semen Abraham, sicut stellæ cæli, & sicut arena maris promittitur, nisi propter innumeram multitudinem? &c. Vnde multi filij desertæ magis, quàm eius, quæ habet virum? Vnde multi ab Oriente & Occidente venient, & recumbent cum Abraham, Isaac & Iacob in regno cælorum; filij autem regni ibunt in tenebras exteriores, hoc est, impij Iudæi? &c. Vnde Apocalypsis millia millium dicit esse Sanctorum Ecclesiæ filiorum? Ecce ipsi dicuntur multi, qui dicuntur & pauci.

Quare,

Genes. 15.

Matth. 8.

Tunc autem maximè vtendum est argumentis, quæ prædictus Auctor pro paucitate contra hereticorum multitudinem adfert; quando, vt sæpe in Germania ciuitatibus & oppidis vsuuenit, omnibus turmatim ad Lutherum vel Caluinum desciscitentibus, nonnulli ex Catholicis constantiores, quam vt auitam religionem deferant, hoc vel simili ariete cõquatuntur: Ecce quantam multitudinem ad Lutheri, & Caluini castra transit? Num tu omnibus prudentior & intelligentior censi cupis? Num tu paucorum vestigia, quàm tantæ multitudinis sequi præoptas? Hoc casu tempus postulat, vt quis contenta voce exclamet: Non audiemus Dominum dicentem? Multi sunt vocati, pauci verò electi. Et iterum: Angusta est porta, & stricta via, quæ ducit ad vitam, & pauci sunt, qui inueniant eam? Quis igitur sana mente præditus non malit in paucorum esse numero, per angustam ad salutem ingredientium, quàm associari multis illis per latam ad interitum ruentibus? Quis vero si ætas sua in tempus certaminis Stephani incidisset, non ab illius potius stare partibus exoptasset, qui solus lapidibus obrutus, solus omnibus deridendus fuit propositus, quàm à vulgo, quod sese id profiteri credebat, quod iure omnes amplexarentur? Maior honor habendus est, vel vni probatæ fidei viro: quàm decem aliorum millibus, qui se insolentius iactant, &c.

Pulchrum igitur est, pulchrum, siue vnus aliquis, quæ iusta sunt, liberè & ingenuè profiteatur: siue improbus multorum sensus infringatur. Age verò & multitudinem diluuiò submersam, conseruato Noacho, tu quidem, si placet, antepone: mihi verò permitte, vt ad arcam, paucorū receptaculum accurram. Tu si voles cum Sodomitica multitudine coniungito: ego cum Lotho iter faciam, quamlibet is solus à turba, magno suo bono diuellitur, &c.

Quomodo igitur non miserandi illi, qui vim auctoritatemque doctrinæ, sola applaudentium multitudine metiuntur? nec considerant Dominum nostrum Christum duodecim discipulos, simplices, illiteratos, pauperes, eos denique qui nullo negotio capi possent, fiducia aduersus mundum gratis muniuisse? nec duodecim illos decem millia sequi: sed decem millia ad duodecim se accommodare nutum voluisse? Hunc

R 3 ad

admodum semper vincit veritas, quantumvis apud paucos interim inueniatur.

Hæc præclare Auctor ille; quibus rectissime vtetur, quisquis obiectu multitudinis ad Lutheri vel Caluini castra pellicitur. Neg, tamen, qui hanc defensionem vsurpat, multitudini Catholica nihil tribuit; imò plurimum tribuit: quod aperte cum Auctore illo profitetur, & quidem his verbis: Et ego multitudinem veneror, non eam quæ ab inquisitione refugit, solum verbum Dei insolentissime iactitans, sed quæ demonstrationem exhibet, hoc est, quæ ratione & ratiocinatione vtitur, & quid ex quaque re sequatur, accuratè perpendit: non quæ acerbè pugnat, vt facit multitudo Hæretica; sed quæ paternè corrigit, vt facit multitudo Catholica: non quæ gaudet nouitatibus; qualis est multitudo Hæretica. Sed quæ patriam hæreditatem tuetur: quod diligenter præstat multitudo Catholica. Tu verò, qualem multitudinem mihi nominas? Eam nimirum, quæ adulatione & muneribus cōducta est, eam, quæ ab imperitia & inscitia abrepta est: eam, quæ momentaneam peccati voluptatem præfert vitæ æternæ; id quod multi palam sunt confessi. Multitudine mendacium roboras? Mali vehementiam innuis. Hoc enim maior est miseria, quòd plures malo sunt implicati.

F I N I S.



APPRO-

Quare nisi multi per seipfos considerati, pauci autem in consideratione iniquorum. Hæc S. Augustinus Donatistis; ego Lutheristis & Calvinistis. qui quando suam paucitatem iactant; eis non iniuria oggesseris, longè pauciores Schuuenckfeldianos & Anabaptistas esse, quàm Lutheranos aut Calvinianos; ac proinde illos iustius paucitatis laudem, si qua laus est, sibi vendicare. Nam & S. Augustinus Donatistis de paucitate gloriantibus obiecit Rogatistas & Maximinianistas; qui longe pauciores erant, quàm Donatistæ. Porro ad id quod Donatistæ occinebant de diuisione duodecim tribuum Iudaicarum, respondet S. Augustinus; Dens has tribus iusserat separari, non vt religio, sed vt regnum diuideretur, & hoc modo vindicaretur in regnum Iuda. Deus autem nunquam iubet schisma aut hæresin fieri: neque enim quia & in orbe terrarum plerunque regna diuiduntur, ideo & Christiana vnitas diuiditur, cum in vtraque parte Catholica inueniatur Ecclesia. Ibidem ostendit S. Augustinus, in Regno itidem Israël fuisse multos bonos. Nam & in illa parte, quam pro exemplo perditionis ponunt, id est, in Israël, fuerunt sancti Prophetæ. Ibi erat ille memorabilis Helias, vt de alio taceam, cui etiam dictum est; reliqui mihi septem millia virorum, qui non curuauerunt genua ante Baal. Ideo nequaquam pars illa populi, tanquam hæresis fuisset, deputanda est. Ita S. Augustinus.

Verum quidquid tandem diuisio illa tribuum, & vtriusq; Regni populus significarit, hoc de Christiana Ecclesia certum & exploratum est, eam nunquam defectione aliqua ita imminutū iri; vt ad paucos vnus provinciae vel nationis homines redigenda sit: & quoties quis aliquos de tali paucitate gloriantes audit, tum se Africanos Donatistas ab inferis resuscitados audire, quin & detestari, meminerit.

Altero argumento à multitudine mirifice triumpharunt olim Hæretici, vt planum sit ex disceptatione quadam de huius ipsius argumenti vi ac pondere, qua Græcè & Latine exstat Tom. 2. Operum S. Athanasij fol. 246. A quorum more non deflectunt hodierni Nouatores, quibus interdum suorum multitudo grandissima apparet: nominatim Serenissimo Regi Angliæ in sua præfatione Monitoria, ad Imperatorem, Reges ac Principes Christianos, vbi præ admiratione vix se capit, quomodo tam breui tempore Calvinismus tam longè lateq; diffundi potuerit; & vix se continet, quo minus exclamet: Digitus Dei hic est. De quo plura in Apologia contra Regem Angliæ.

Caterum, ut horum intempestiuam iactantiam infringas, diligenter obseruabis istos, nec gloriari, nec gloriari posse, multitudine quaqua versum diffusa, qualis est, multitudo eorum, qui in Catholica Ecclesia degunt; sed ea tantum, quæ vnius vel aliquarum prouinciarum finibus comprehenditur: quæ magna quidem est seorsim & absolute spectata; parua autem est per comparationem ad Catholicos. Fateor, multos esse Lutheristas: sed incomparabiliter plures Catholicos esse scio. nam & Catholici multis in locis, vbi Luthericola sunt; & multis in locis Catholici sunt, vbi Luthericoli nullus locus relictus est. Multi sunt Calvinistæ. At hos itidem Catholici longissime superant; quia multis in locis Catholici cum Calvinicis permixti sunt; Et plurimis in prouinciis Catholici soli omnia obtinent; vbi Caluino cum suis non benedictio, sed æterna maledictio accinitur.

Fallunt ergo isti cum multitudinem suam predicant; quia non predicant multitudinem vniuersalem, quam non habent: sed localem, & prouincialem; vel nationalem: quæ non est Catholica; nam Catholica Ecclesia non partem orbis, sed totum orbem à Deo accepit: Quocirca cum Catholici de multitudine sua gloriantur, iure id faciunt; quia Catholica Ecclesia nota est esse vbique: non in vnum vel alterum angulum seu paruum, seu magnum detrudi, ut accidit Hæresi.

In disceptatione seu oratione antea citata: quæ est contra illos, qui μὲν τὸ πλῆθος, sola multitudine veritatem diuinitatis docent.

Quapropter cum Hæreticus multitudinem suorum decantat; tu recine illud seu D. Athanasij, seu alterius Auctoris: Quid multitudinem nobis ingeris, quasi alteram turris Babylonicæ exstructionem Deo minitans ad insanæ illius multitudinis exemplum? Multitudo suo aliquid arbitrato sine demonstrationibus comprobans, est illa quidem idonea ad incutiendum metum, sed ad persuadendum nullo modo: multitudo nimirum hæretica localis & angularis, ut ita loquar. Quot enim hominum millia mihi persuaferint, ut diem noctem esse statuam? Ut æreum numisma pro aureo agnoscam & accipiam? Ut noxium Pharmacum pro utili alimento sumam? Si rerum terrenarum gratia non curamus multitudinem ψευδώνυμον, falso nominatorum, cur in cælestibus dogmatibus simplicem multitudinis nutum intuebor, ab iis nimirum discessurus, quæ magno consensu multisque scripturarum testimoniis iam inde ab antiquissimis temporibus sunt tradita?


Tunc




*APPROBATIO R. P.
PROVINCIALIS.*

Ego *THEODORVS BVSAEVS*, Societatis
JESV, per Germaniam superiorem Pro-
uincialis, concedo facultatē, vt hic Com-
mentarius de Imperatorum, Regum, ac
Principum in Sedem Apostolicam mu-
nificentia, à P. Iacobo Gretsero ex variis
Auctoribus collectus, & à Theologis ad
id deputatis lectus & probatus, typis ex-
cudatur. Ingolstadij, 9. Iulij, 1610.

THEODORVS BVSAEVS.




APPRO-



APPROBATIO FACULTATIS
THEOLOGICAE, IN ACADEMIA
INGOLSTADIENSI.

Commentariolum istum luce Typorum,
multorumq; lectione dignum iudico.

PETRVS STEVARTIVS,
Leodius, Academia Ingol-
stadiensis Professor Theo-
logus, Procancellarius; &
pro tempore R E C T O R.




INDEX

INDEX CAPITVM
COMMENTARIOLI,
 DE IMPERATORVM, REGVM AC
 PRINCIPVM CHRISTIANORVM, IN SE-
 DEM APOSTOLICAM MVNIFICENTIA.

PRAEFATIO

Antidorum pro strena Huttero-
 clemangiana.

- CAP. I.**  **ONATIO** variarum ciuitatum & prouin-
 ciarum facta Ecclesiae Romanae à Christia-
 nissimo Rege Francorum Pipino, Anno
 Redemptoris DCC. LV. ex Anastasio Bi-
 bliothecario in vita Stephani Papae III.
- II.** Eadem donatio ex Leone Ostiensi lib. I. Chron.
 cap. 7.
- III.** Confirmatio praedictae donationis facta à Caro-
 lo Magno Francorum Rege, Anno Christi
 DCC. LXXIV. Hadriani Papae Anno 3. ex
 Anastasio Bibliothecario in Hadriano.
- IV.** Donatio & confirmatio superiorum donationū
 facta à Ludouico Pio, Caroli Magni F. Anno
 salutis DCCC. XVII. Ex Card. Baronio Tom.
 IX. Annal. Anno primo Paschalis Papae.
- V.** Diploma donationis factae ab Othone Magno
 Imperatore Anno Christi DCCC. LXII. Ioan-
 nis XII. Papae Anno VII. ex Baronio, Annali X.
- VI.** Diploma Hérici I. Imperatoris & Regis II. Eius-
 dem

I N D E X

- dem propemodum sententiæ, cuius constitutio Othonis I. Ex Card. Baronio Tom XI. Anno Christi M. XIV.
- VII. Donatio Mathildis Comitissę facta Romanę Ecclesię, ex Domnizone de vita Mathildis apud Baron. Tom. XI. Anno salutis M. LXXVII.
- VIII. Literę Ludouici Palatini Rheni & Electoris, quibus ratificatur, quicquid Rudolphus Imp. cum Pontifice Romano transegerat. Ex Baronio Tom. X. Anno Christi DCCCC. XCVI.
- IX. De Diplomate Alberti Imperatoris, Cardin. Baron. Tom. X. Anno DCCCC. XCVI.
- X. Friderici II. Imp. Ratificatio & confirmatio omnium donationum, quę ab antecessis Regibus & Imperatoribus Ecclesię Romanę liberaliter factę sunt. Ex Baronio Tom. XI. Anno Christi M. XCVII. N. 71.
- XI. Catalogus Regnorum & Principatuum S. Petro & Ecclesię Romanę olim tributariorum.
- XII. Regnum Ruscię.
- XIII. Regnum Croatia & Dalmatię.
- XIV. Regnum Aragonię.
- XV. Etiam cetera Hispanię Regna antiquitus pertinebant ad ius Ecclesię Romanę.
- XVI. Instrumentum donationis factę de ciuitate Tarracoeni Romanę Ecclesię à Berengario, Comite Barchinonensi.
- XVII. Bulla Urbani II. Pontif. de eadem Vrbe Tarracoenensi.
- XVIII. Regnum Danię.
- XIX. Regnum Gallię,
- XX. Saxonia.
- XXI. Corsica Insula.
- XXII. Regnum Lusitanię seu Portugallię. Ex Tom. XII. Card. Baronij.
- XXIII. Regnum Anglię.
- XXIV. Regnum Hibernię.

XXV. Re-

C A P I T V M.

- XXV. Regna Angliæ & Hiberniæ Sedi Apostolicæ non tantum tributaria facta sunt ob Denarium S. Petri, sed & feudataria à Ioanne Angliæ & Hybernæ Rege.
- XXVI. Regnum Scotiæ.
- XXVII. Regnum Poloniæ.
- XXVIII. Regnum Hungariæ.
- XXIX. Regnum Bohemiæ.
- XXX. Bauaria.
- XXXI. Ducatus Apuliæ, Calabriæ atque Siciliæ: itemque Principatus Capuæ.
- XXXII. Principatus Capuæ.
- XXXIII. Regnum Sardinæ.
- XXXIV. Episcopatus Bambergensis.
- XXXV. Regna Sueciæ & Nortvægiæ.
- XXXVI. Romanum Imperium.
- XXXVII. Conclusio.

Accesserunt appendices duæ, quarum
Prima de Edicto Donationis Constantinianæ, &
nouo ad id Commentario.

Secunda de Diplomate Donationis Othonis III.
Imp. factæ Syluestro II. Pontifici.

Quæstio, an verum sit Alexandrum III. Pontif.
calcasse collum Friderici I. Imperatoris.



I N D E X

INDEX RERVM SECUNDVM SERIEM LITERARVM.

A.

Adriani I. Pontificis testimonium, de munificentia Caroli Magni, in Sedem Apostolicam. 122
Alberti Imperatoris diploma. 42
Alberti Imp. litera ad Bonifacium VIII. Pontificem Max. ibid.
Alexander III. Papa vtrum pede calcavit ceruicem Friderici I. Imp. cum illo epimetro: super aspidem & basiliscū ambulabit, &c. 124.
125
Anastasius Bibliothecarius de Pipino Rege Francorum. 17
Anastasius Bibliothecarius de Carolo Magno. 19
Anglia Reges S. Petro & Ecclesia Romana olim tributarij. 64
Anglia Patrimonium S. Petri, teste ipso Rege Henrico II. ibid.
Anglia Regnum Sedi Apostolica non tantum tributarium, ob Denarium S. Petri, sed & feudatarium factum à Ioanne Anglia & Hibernia Rege. 66
Anni à Christo nato designati. 17. 19.

21. 26. 31. 37. 38. 42. 44. 76
Annotatio in diploma Othonis Magni Imp. 31
Annotatio in diploma Henrici Imp. 36
Annotatio Baronij Card. in literas Ludouici Palatini Rheni & Electoris. 40
Appendix prima de edicto donationis Constantinianæ, & nouo ad id commentario. 86
Appendix secunda, de diplomate donationis Othonis III. Imp. factæ Syluestro II. Pontifice. 106
Apulia Ducatus S. Petro, & Ecclesia Romana olim tributarius. 76
Aragonia Regnum, S. Petro & Ecclesia Romana olim tributarium 51
Argumentum hæreticorum quod ducunt interdum à suorum paucitate, aliquando à suorum multitudine. 128
Ariperti Regis Longobardorum donatio ex Paulo Diacono. 119

B.

Bambergensis Episcopatus S. Petro &

R E R V M.

<i>Et Ecclesia Romana olim tributarius.</i>	80	<i>Apostolicam ex testimonio Adriani I. Pontificis.</i>	122
<i>Barchinonensis Comes donat Ecclesiam Romanam ciuitatem Tarraconensem.</i>	55	<i>Castigantur notationes nonnullae in Edictum donationis Constantianae.</i>	95
<i>Baronius Cardinalis de variis donationibus Imperatorum, Regum ac Principum Sedi Apostolica factis.</i>	17.21.26.31.37.38.42.44.61.76	<i>Catalogus Regnorum Et Principatum S. Petro Et Ecclesiae Romanae olim tributariorum.</i>	47
<i>Baroniana Apologia contra Goldastum Caluinistam.</i>	21.26.30.31.38	<i>Ciuitatum variarum donatio facta Ecclesiae Romanae à Christianissimo Rege Francorum Pipino.</i>	17
<i>Baronij Cardinalis Annotatio ad litteras Ludouici Palatini Rheni Et Electoris.</i>	38	<i>Ciuitas Romana etiam ante Ludouicum Imp. in Pontificum potestate erat.</i>	21
<i>Bauaria S. Petro Et Ecclesiae Romanae olim tributaria.</i>	75	<i>Ciuitatis Tarraconensis donatio facta Romanae Ecclesiae à Berengario Comite Barchinonensi.</i>	55.57
<i>Berengarius Comes Barchinonensis donat Ecclesiae Romanae ciuitatem Tarraconensem.</i>	55	<i>Comes Barchinonensis Berengarius donat Ecclesiae Romanae ciuitatem Tarraconensem.</i>	55
<i>Boemiae Regnum S. Petro Et Ecclesiae Romanae olim tributarium.</i>	74	<i>Comitissae Mathildis donatio facta Romanae Ecclesiae.</i>	37
<i>Bonifacius VIII. Pontifex. Max.</i>	42	<i>Commentarius nouus ad edictum donationis Constantinianae castigatus.</i>	86.95
<i>Bulla Urbani I I. Pontificis de Vrbe Tarraconensi.</i>	57	<i>Conclusio Commentarioli de munificentia Principum in Sedem Apostolicam.</i>	82

C.

<i>Calabriae Ducatus S. Petro Et Ecclesiae Romanae olim tributarius.</i>	76	<i>Confirmatio donationis Pipini Regis facta à Carolo Magno Francorum Rege.</i>	19
<i>Capuae Principatus S. Petro Et Ecclesiae Romanae tributarius.</i>	76.79	<i>Confirmatio donationum Pipini Et Caroli M. Regum facta à Ludouico Pio, Caroli M. filio.</i>	21
<i>Carolus Magnus Francorum Rex donationem Pipini Regis confirmat</i>	19 (21)	<i>Confirmatio Et ratificatio omnium donationum quae à Regibus Et Impera-</i>	
<i>Caroli Magni filius Ludouicus Pius.</i>			
<i>Caroli Magni munificentia in Sedem</i>			

I N D E X

- peratoribus Fridericum II. antegressus Ecclesia Romana liberaliter facta sunt. 44
- Confirmatio donationis Ariperti Regis Longobardorum ex Paulo Diacono. 119
- Constantiniana donationis edictum quale. 86
- Constantini donatio, ex Luitprandi Cremonensis Episcopi ad Nicephorum Phocam legatione. 117
- Corfica Insula S. Petro & Ecclesia Romana olim tributaria. 60
- Croatia Regnum S. Petro & Ecclesia Romana olim tributarium. 49
- ## D.
- Dalmatia Regnum, S. Petro & Ecclesia Romana olim tributarium. 58
- Dania Regnum S. Petro & Ecclesia Romana olim tributarium. ibid.
- Denarius S. Petri. 66
- Diploma donationis facta ab Othone Magno Imp. 26
- Diploma hoc vindicatum à Goldasti Calvinista criminationibus & inscitia. ibid.
- Diploma Henrici I. Imperatoris & Regis II. eiusdem propemodum sententia cuius constitutio Othonis I. 31. 123
- Diploma hoc insectatur Goldastus Calvinista. 31
- Diploma Alberti Imperatoris. 42
- Diploma donationis Othonis III. Imp. facta Syluestro II. Pontifice. 106
- Domnizo de Mathilde Comitissa. 37
- Donatio variarum ciuitatum & provinciarum facta Ecclesia Romana à Christianissimo Rege Francorum Pipino. 17
- Donatio eadem ex Leone Ostiensi. 19
- Donationis predicta confirmatio facta à Carolo Magno Francorum Rege. ibid.
- Donatio & confirmatio superiorum donationum facta à Ludouico Pio Caroli Magni filio. 21
- Donatio facta ab Othone Magno Imp. 26
- Donatio Mathildis Comitissa facta Romana Ecclesia. 37
- Donationum omnium quae ab antegressis Fridericum II. Imp. Regibus; & Imperatoribus Ecclesia Romana liberaliter facta sunt, ratificatio & confirmatio. 44
- Donatio ciuitatis Tarraconensis facta Romana Ecclesia à Berengario Comite Barchinonensi. 55
- Donationis Constantiniana edictum quale. 86
- Donatio Othonis III. Imp. facta Syluestro II. Pontifice. 106
- Donatio Constantini, ex Luitprandi Cremonensis Episcopi ad Nicephorum Phocam legatione. 117
- Donat-

R E R V M.

Donatio Ariperti Regis Longobar-
dorum ex Paulo Diacono. 119

Donationis eiusdem confirmatio ex
eodem Paulo. ibid.

Donatio Ludonici Pij Imperatoris
ex Volaterrano. 120

Donatio Vidonis Imperatoris, ex Si-
gonio de Regno Italiae. 122

Ducatus Apuliae, Calabriae atq; Sici-
liae: itemque Principatus Capuae
S. Petro & Ecclesiae Romanae o-
lim tributarij. 76

E.

Ecclesia Romana quasnam ciuitates
& prouincias dono acceperit à
Pipino Christianissimo Rege Frā-
corum. 17

Ecclesiae Romanae facta donatio à
Mathilde Comitissa. 37

Ecclesiae Romanae donationes à Re-
gibus & Imperatoribus liberali-
ter factae, ratificatae & confirma-
tae. 44

Ecclesiae Romanae olim tributaria
Regna & Principatus. 47

Ecclesiae Romanae ius ad Regna Hi-
spaniae. 52

Ecclesiae Romanae ciuitas Tarraco-
nensis donata à Berengario Co-
mite Barchinonensi. 55

Electio Romani Pontificis Romanis
libera. 24

Electoris Palatini Rheni litera trās-
acta inter Rudolphum Imp. &
Pont. Rom. ratificantes. 38

Electorum Imperij institutio à Sede
Apostolica. ibid.

Episcopatus Bambergensis S. Petro
& Ecclesiae Romanae olim tribu-
tarius. 86

F.

Francorum Rex Christianissimus
Pipinus quas ciuitates & prouin-
cias donauerit Ecclesiae Romanae.
17

Francorū Rex Carolus Magnus do-
nationem Pipini Regis cōfirmat.
19

Friderici II. Imp. Ratificatio & con-
firmatio omnium donationum,
qua ab antecessoribus Regibus & Im-
peratoribus Ecclesiae Romanae li-
beraliter factae sunt. 44

Friderici I. Imp. ceruicem vitrum A-
lexander III. Papa pede calcavit,
dicendo: super aspidem & basilif-
cum ambulabis, &c. 124. 125

G.

Galliae Regnum S. Petro & Ecclesiae
Romanae olim tributarium. 59

Goldastus Caluinista. 21. 26

H.

Hadrianus Papa, sub quo Carolus
Magnus donationem Pipini Re-
gis cōfirmat. 19

Hæretici argumentum ducunt in-
terdum à suorum paucitate, ali-
quando à suorum multitudine.
128

I N D E X

- Henrici I. Imperatoris & Regis II. diploma eiusdem propemodum sententia, cuius constitutio Othonis I.* 31.123
- Henrici Diploma corrigendum & distinguendum ex Bulla Othonis.* 34
- Henricus II. Rex Anglia testatur Angliam esse patrimonium S. Petri.* 64
- Hibernia Regnum S. Petro & Ecclesia Romana olim tributarium.* 65
- Hibernia Regnū Sedi Apostolica non tantum tributarium ob Denarium S. Petri, sed & feudatarium factum à Ioanne Anglia & Hibernia Rege.* 66
- Hispania Regna antiquitus pertinebant ad ius Ecclesie Romanæ.* 52
- Hungaria Regnum S. Petro & Ecclesie Romanæ olim tributarium* 72
- Imperatorum donationes Ecclesie Romanæ liberaliter factæ, ratificatæ & confirmatæ.* 44
- Imperium Romanum vnde.* 82
- Imperatoris Othonis III. diploma donationis factæ Sylvestro II. Pontifice.* 106
- Imperatoris Ludouici Pij donatio ex Volaterrano.* 120
- Imperatoris Vidonis donatio, ex Sigonio de Regno Italia.* 122
- Imperatoris Friderici I. ceruicem vtrum calcarit Alexander III. Papa dicendo: Super aspidem & basiliscum ambulabis, &c.* 124.125
- Institutio Electorum Imperij à Sede Apostolica.* 38
- Instrumentum donationis factæ de ciuitate Tarraconensi Romanæ Ecclesie à Berengario Comite Barchinonensi.* 55
- Insula Corsica S. Petro & Ecclesie Romanæ olim tributaria.* 60
- Ioannes XII. Papa ab Othone Magno Imp. diplomate donatus.* 26
- Ioannes Rex Anglia & Hibernia regna illa sua Sedi Apostolica etiam feudataria fecit.* 66
- Iuramentum Roberti Ducis Apulia, Calabria atq; Sicilia.* 76
- Ius Ecclesie Romanæ ad Regna Hispania.* 52

I.

- Imperatoris Ludouici Pij donatio.* 27
- Imperatoris Othonis Magni diploma.* 26
- Imperatoris Henrici I. & Regis II. diploma.* 31.123
- Imperatorum Electores instituti à Sede Apostolica.* 38
- Imperatoris Alberti diploma.* 42
- Imperatoris Alberti literæ ad Bonifacium VIII. Pontificem Max.* *ibid.*

L.

- Leo Ostiensis de donatione Regis Pipini.* 19
- Literæ*

R E R V M.

Litteræ Ludouici Palatini Rheni & Electoris, quibus ratificatur, quicquid Rudolphus Imp. cum Pontifice Romano transegerat. 38

Litteræ Alberti Imp. ad Bonifacium VIII. Pontificem Max. 42

Longobardorum Regis Ariperti donatio eiusdemque confirmatio ex Paulo Diacono. 119

Lotharij I. Imp. Constitutio, similis Constitutioni Othonis Magni Imp. 30

Ludouicus Pius Caroli Magni filius. 21

Ludouicus Pius Caroli Magni & Pipini donationes confirmat. ibid.

Ludouici Pij Imperatoris donatio ex Volaterrano. 120

Ludouici Palatini Rheni & Electoris litteræ ratificantes quicquid Rudolphus Imp. cum Pontifice Romano transegerat. 38

Luitprandus Cremonensis Episcopus ad Nicephorum Phocam legatus. 117

Lusitania Regnum S. Petro & Ecclesiæ Romanæ olim tributarium 61

M.

Mathildis Comitissæ donatio facta Romanæ Ecclesiæ. 37

Multitudinem suorum pro argumento adducunt aliquando hæretici. 128

N.

Nicephorus Phocas ad quem Luitprandus Cremonensis Episcopus legatus. 117

Notationes nonnullæ in Edictum donationis Constantinianæ castigantur. 95

Nortuuegiæ Regnum S. Petro & Ecclesiæ Romanæ olim tributarium 81

Nouus Commentarius ad edictum donationis Constantinianæ, castigatus. 86. 95

O.

Obseruatio pro literis in diplomate Henrici Imp. 123

Othonis Magni Imp. diploma donationis. 26

Othonis III. Imp. diploma donationis factæ Syluestro II. Pontifice. 106

P.

Palatini Rheni & Electoris litteræ ratificatoriæ. 38

Paschalis Papa, sub quo Ludouici Pij donatio & superiorum donationum confirmatio facta. 21

Paschalis II. Papa successit Urbano. 56

Patrimonium S. Petri. 64

Paucitatem suorum pro se adducunt interdum hæretici, 128

Paulus Diaconus de donatione Ariperti Regis Longobardorum. 119

S. Petri quantus cultor fuerit Pipinus Rex. 18

S 5

S. Pe-

I N D E X

*S. Petro & Ecclesie Romanae olim
tributaria Regna & Principatus*

47

*S. Petri Patrimonium Anglia, teste
ipso Rege Henrico II.*

64

S. Petri Denarius.

66

*Pipini Christianissimi Regis Franco-
rum donatio variarum ciuitatū
& prouinciarum, facta Ecclesie
Romanae.*

17

*Pipinus Rex quantus cultor S. Petri
fuerit.*

18

*Poloniae Regnum S. Petro & Ecclesie
Romanae olim tributarium.*

71

*Pontificis Romani electio Romanis
libera.*

24

*Pontificis Romani cū Rudolpho Imp.
transactio ratificata.*

38

*Portugalliae Regnum S. Petro & Ec-
clesiae Romanae olim tributarium*

61

*Principatum S. Petro & Ecclesiae Ro-
manae olim tributarium cata-
logus.*

47

Principatus Capuae.

76-79

*Prouinciarum & ciuitatum varia-
rum donatio facta Ecclesiae Ro-
manae à Christianissimo Rege
Francorum Pipino.*

17

Q.

*Questio Vtrum Alexander III. Papa
pede calcarit ceruicem Friderici
I. Imperatoris cum illo epimetro:
Super aspidem & basiliscum am-*

*bulabis, &c. & ad eam questio-
nem responsio.*

124-125

R.

*Ratificatio & confirmatio omnium
donationū quae à Regibus & Im-
peratoribus ante Fridericum II.
Imp. Ecclesiae Romanae liberaliter
factae sunt.*

44

*Regnorum S. Petro & Ecclesiae Ro-
manae olim tributarium cata-
logus.*

47

Regnum Rusciae.

ibid.

Regnum Croatiae & Dalmatiae.

49

Regnum Aragoniae.

51

*Regna etiam cetera Hispaniae anti-
quitus pertinebant ad ius Eccle-
siae Romanae.*

52

Regnum Daniae.

58

Regnum Galliae.

59

Regnum Lusitaniae seu Portugalliae.

61

Regnum Hiberniae.

65

*Regna Angliae & Hiberniae Sedi A-
postolicae non tantum tributaria
facta sunt ob Denarium S. Petri,
sed & feudataria à Ioanne An-
gliae & Hiberniae Rege.*

66

Regnum Scotiae.

70

Regnum Poloniae.

71

Regnum Hungariae.

72

Regnum Bohemiae.

74

Regnum Sardiniae.

80

Regna Sueciae & Nortuegiae.

81

*Rex Francorum Christianissimus Pi-
pinus quas ciuitates & prouin-*

cias

R E R V M.

<i>cias donauerit Ecclesia Romana.</i>		<i>Romana Ecclesia ciuitas Tarraco-</i>	
17		<i>nensis donata à Berengario Co-</i>	
<i>Rex Francorū Carolus Magnus do-</i>		<i>mite Barchinonensi.</i>	55
<i>nationem prædictam cōfirmat.</i>	19	<i>Romanum Imperium vnde.</i>	82
<i>Regis Henrici II. & Imperatoris I.</i>		<i>Rudolphus Imp. quicquid cum Pon-</i>	
<i>diploma.</i>	31	<i>tifice Romano transegerat, rati-</i>	
<i>Regum donationes Ecclesia Roma-</i>		<i>ficatur.</i>	38
<i>na liberaliter facta, ratificata &</i>		<i>Ruscia Regnum S. Petro & Ecclesia</i>	
<i>confirmata.</i>	44	<i>Romana olim tributarium.</i>	47
<i>Reges Anglia S. Petro & Ecclesia</i>			
<i>Romana olim tributarij.</i>	64		
<i>Regis Longobardorum Ariperti do-</i>			
<i>natio eiusdemq; confirmatio.</i>	119		
<i>Roberti Ducis Apulia, Calabria atq;</i>			
<i>Sicilia iuramentum.</i>	76		
<i>Romana Ecclesia quasnam ciuitates</i>			
<i>& prouincias dono acceperit à Pi-</i>			
<i>pino Christianissimo Rege Fran-</i>			
<i>corum.</i>	17		
<i>Romana ciuitas etiam ante Ludo-</i>			
<i>uicum Imp. in Pontificis potesta-</i>			
<i>te erat.</i>	21		
<i>Romani Pontificis electio Romanis</i>			
<i>libera.</i>	24		
<i>Romana Ecclesia facta donatio à</i>			
<i>Mathilde Comitissa.</i>	37		
<i>Romani Pontificis cū Rudolpho Imp.</i>			
<i>transactio ratificata.</i>	38		
<i>Romana Ecclesia donationes à Re-</i>			
<i>gibus & Imperatoribus liberali-</i>			
<i>ter facta, ratificata & confirma-</i>			
<i>ta.</i>	44		
<i>Romana Ecclesia olim tributaria</i>			
<i>Regna & Principatus.</i>	47		
<i>Romana Ecclesia ius ad Regna Hi-</i>			
<i>spania.</i>	52		

S.

<i>Sardinia Regnum S. Petro & Eccle-</i>	
<i>sia Romana olim tributarium.</i>	80
<i>Saxonia S. Petro & Ecclesia Roma-</i>	
<i>na olim tributaria.</i>	59
<i>Scotia Regnum S. Petro & Ecclesia</i>	
<i>Romana olim tributarium.</i>	70
<i>Sedes Apostolica instituit Electores</i>	
<i>Imperij.</i>	38
<i>Sedi Apostolica Regna Anglia & Hi-</i>	
<i>bernica non tantum tributaria</i>	
<i>facta sunt ob Denarium S. Petri,</i>	
<i>sed & feudataria à Ioanne An-</i>	
<i>glia & Hibernia Rege.</i>	66
<i>Sicilia S. Petro & Ecclesia Romana</i>	
<i>olim tributaria.</i>	76
<i>Sigonius de donatione Vidonis Impe-</i>	
<i>ratoris.</i>	122
<i>Stephanus III. Papa, sub quo Pipini</i>	
<i>Regis donatio.</i>	17
<i>Suetia Regnum S. Petro & Ecclesia</i>	
<i>Romana olim tributarium.</i>	81
<i>Syluester II. Pontifex, sub quo dona-</i>	
<i>tio Othonis III. Imp. facta.</i>	106


T.

<i>Tarraconensis ciuitas donata Eccle-</i>	
<i>sia</i>	

INDEX RERVM.

<i>ſia Romane à Berengario Comi- te Barchinonenſi.</i>	55.57	<i>Vidonis Imperatoris donatio, ex Si- gonio, de Regno Italia.</i>	122
<i>Teſtimonium Adriani I. Pontificis de munificentia Caroli Magni in Sedem Apoſtolicam.</i>	122	<i>Volaterranus de donatione Ludoui- ci Pij Imp.</i>	120
V.		<i>Vrbano Papæ ſuccedit Paſchalis II.</i>	56
<i>Varia lectio ex Baronio enotata. 21.</i>	27.31	<i>Vrbani II. Pontif. Bulla de vrbe Tar- raconenſi.</i>	57

F I N I S.



Errata.

PAg. 5. lin. 7. quod. ibid. 22. multos. 11. antepenult. Lutherana. 23. 28. vobis. 30. 1.
videlicet. 45. 23. ſatagemus. 50. antepenult. Gebizo. 51. 12. Aragonũ. 53. 14. vos.
ibid. 15. Elborenſem. 57. 20. viis. 65. 21. ſiquidem. 66. 19. CAPVT XXV. 68. 26. iſt-
hoc. 71. 23. conſeſſam. 83. 19. obolum. ibid. obolo. 86. 13. nihil. 87. 14. Antitiſtum.
ibid. 16. diuitias. 91. 28. caleret. 94. 20. non in. 99. antepenult. ſcribit. 100. vlt. ſolis.
106. 8. PONTIFICI. 121. 14. omnia. ibid. 3. in margine, Othonis.



005267142

